



獨孤憲公毘陵集叙



內閣中書舍人武進趙懷玉纂



叙曰習為纂組詎知麻枲之有功長於蓬茨難語臯應之合制文章之道何莫不然故尚藻績者目不暇典謨矯侈靡者口薄言騷雅硜硜之守其失維均不為沂浴恐昧流別有唐之興體凡三變天寶而後大歷以前燕許云徂韓柳未盛則蘭陵蕭功曹趙郡李員外與常州刺史獨孤憲公實比肩焉蕭雖忤於權門李乃汙夫偽命揆諸文行未免參差公則謹直著於朝宇愷悌洽乎方州凌轢四君覲序祖述六藝孝經一卷首志立身孔門諸科幾得具體此其可貴一也唐世文字存者寥寥

苟有聞見亟宜購訪而茂挺之作塵收於什一遐叔之製尤掇於零星殘篇軼簡人以為病公則首尾廿卷尚符唐志靈光之殿歸然獨存積玉之圃浩乎無涘菁華所鍾神物加護此其可貴二也退之起衰卓越八代泰山北斗學者仰之不知昌黎固出安定之門安定賢受洛陽之業公則懸然天得蔚為文宗大江千里始濫觴於巴岷黃河九曲肇發源於星宿此其可貴三也琴瑟專壹聽者思遷牲醪日陳食者生倦求其相濟是在兼長公則猷升邦國言炳竹素識大識小亦元亦史語其矜貴明堂清廟之儀迹彼脩遠青山白雲之概惟昭斯融雖淡不厭此其可貴四也然宋槧既失未聞續雕石

渠之外世罕傳本是集從歙縣鮑君廷博假得為長洲葉氏奕所藏明吳文定寬在東閣時錄出之本也葉以趙氏吳岫本馮氏曹甲本互相參校自詡完書披覽甫周譌舛百出病餘多暇悉意勘讎落葉漸掃珠船屢獲原集之外復得公雜文如干首其謚議誅傳有涉於公足資考鏡者竝附篇後於是已三免譌夏五少闕永嘉本出人無遺讀之勞宏農帳深客見不傳之祕矣夫後儀社古形圖去官峴山碑高涕隕行路秉彝攸好靡間今昔維公盛德克紹前軌故植檜已朽見蔽芾而如蓬召公降露無庭對膏雨而猶思郇伯矧夫譔述彌足珍焉余之為是刻也亦使人知遺愛勿替廉吏可為身登

九列不若沒世有稱裝累萬金不若名山藏業後之司
土同致辦香學優仕優咸有所勸匪徒表章篇翰蒐輯
叢殘苟侈山淵以恣采伐而已乾隆五十六年歲次辛
亥秋八月

西齋題書

唐常州刺史獨孤公文集序

卷一

朝散大夫前守虔州刺史隴西李舟述

宋氏

傳曰物生而後有象：而後有滋：而後有數：成而
文見矣始自天地終于草木不能無文也而況于人乎
且夫日月星辰天之文也丘隴川瀆地之文也羽毛彪
炳鳥獸之文也華葉彩錯草木之文也天無文四時不
行矣地無文九州不別矣鳥獸草木之無文則混然而
無名而人不能用之矣人無文則禮無以辯其數樂無
以成其章有國者無以行其刑政立言者無以存其勸
誠文之時用大矣哉在人賢者得其大者禮樂刑政勸
誠是也不肖者得其細者或附會小說以立異端或彫

四字英華作
言遠二字

斷成言以禪對句或志近物以玩童心或順庸聲以諧
俚耳其甚者則矯誣盛德汙蠛風教為蠱為妖為
孽噫文之弊有至是者可無痛乎天后時廣漢陳子昂
獨沂階波以趣清源自茲作者稍二而出先大夫嘗因
講文謂小子曰吾友蘭陵蕭茂挺趙郡李遐叔長樂賈
幼幾洎所知河南獨孤至之皆憲章六藝能探古人述
作之旨實為玄宗巡蜀分命之詔歷二如西漢時文若
使三賢繼司王言或載史筆則典謨訓誥誓命之書可
彷彿于將來矣嗚呼三公皆不處此地而連蹇多故唯
獨孤至之常州刺史高年亦促豈天之未欲振斯文耶
小子所不能至也已矣常州諱及有遺文三百篇安定

英華作分

英華作美

梁肅編為上下帖凡二十卷作為後序常州愛士而肅
最為所重討論居多故其為文之意肅能言之比葬博
陵崔昭孫又為神道碑悉載事行而痛其不登論道之
位崔公剛而好直其詞不黨君子謂之知言昔班固美
漢得人之盛曰文章則司馬遷相如又曰劉向王褒以
文章顯是則四君子者有漢之文雄歟而遷無御曲之
譽虧大雅明哲保身之義相如薄于貞操有滌器受金
之累向無威儀遺文以繆而身幾不免褒多為誇頌當
時議者以為媮靡不急其他無聞焉大較詞人多陷輕
躁否則慎狹迂僻於事放弛其能蹈履中道可為主者
寡矣孰与常州發論措詞皆王霸大畧孝弟之至達于

序

二 小雲谷鈔書

英華作於

趙本去畏

字

神明善與人交久而敬之當官正色不畏強禦加以
仁惠愛物吏民敬畏御而文又如是予其餘則三君既
言之矣余實錄崔氏之作綴于篇末云爾

朝散大夫使持節常州諸軍事守常州刺史賜紫金魚
袋獨孤公神道碑銘 并序

中書舍人賜紫金魚袋博陵崔祐甫

昔劉向稱賈誼言三代與秦亂之意其論甚美達于國
體雖古之伊呂未能遠過又稱董仲舒有王佐之材雖
伊呂無以加管晏之屬殆不及也於戲二君以偉才當
盛漢之崇而位止于下國二千石祐甫聞于先君僕射
曰主恩非臣下之所圖天命豈生人之所制有唐碩量
深識之士曰一獨孤常州諱及字至之河南洛陽人皇
朝左千牛備身元慶之曾孫蔡州長史思陳之孫殿中
侍御史贈秘書監通理之第四子仕而遭時鵠立于朝

建旗東夏三著嘉績嗚呼痛予奄忽捐館其時也大曆
十二年夏四月二十九日其地也常州之路寢其壽也
五十三年中朝名公素見知者後進之士聞義嚮風者
洎濠舒常三州之百姓莫不填膺流管不寔不相泆辰
弥月厚而惜之者往之失聲出涕施若公有子即郁等
年未齠龀厥兄檢校水部員外郎兼侍御史記方佐瀾
河東帥聞喪來奔半旬而至惋毒之甚如不欲生既受
吏人賓客之弔乃忍哀謀事以六月六日引使君之柩
去常州歸洛陽其年歲次丁巳十月朔七日葬我使君
于河南府壽安縣某原先祕監之塋左以夫人博陵縣
君崔氏祔焉禮也水部曰天之降災于我家仲叔季盡

矣吾將老矣吾弟常州之子未立今不刻石表墓則常
州之令名何以傳于後乃託我故人叙而銘之常州稟
元和以生幼有成人之量祕監府君親授以孝經常州
一覽成誦祕監問曰汝志于何句對曰立身行道揚名
于後世是志所尚也自是徧覽五經觀其大義不為章
句學成童丁祕監憂勺飲不入口者累日先夫人同郡
長孫氏諭以不可滅性之義由是微進饘粥杖而後起
既免喪加于人一等御族稱其孝焉長孫夫人高行明
識訓導甚至常州漸教成器卓然有立著延陵論君子
謂其評議之精在古人右天寶末年以洞曉玄經對策
上第超拜華陰縣尉著古函谷關仙掌二銘格高理精

當代詞人無不畏服俄屬中原兵亂避地于越丁大夫
人憂毀瘠過禮既外除江淮都統使戶部尚書李岷奏
為掌書記授左金吾衛兵曹參軍。旅之事非其所好
未幾返初服今上即位下詔曰收俊茂舉滯淹政之大
者以公為左拾遺凡所諫諍直而不訐婉而不撓屬削
藁訓辭不傳于外遷太常博士時新平大長公主之子
裴防尚永清公主初以太子少傅裴道慶為婚主將行
五禮公實相焉中使口宣詔旨易之大長公主後夫姜
慶初常州曰婚姻之禮王化之基以異姓之人主之不
可甚矣某不奉詔中書令汾陽王時為五禮使從焉又
百官薨卒定謚之際綜覈名實皆居其當與嚴河南郢

酌答呂荊州諛謚議博而正當時趨之遷尚書吏部員
外郎受詔考第吏部選人詞翰旌別淑慝朝野稱正上
方大卹黎庶精選收守以公為濠州刺史平其徭賦恤
其冤弱課績聞上加朝散大夫遷舒州刺史舒境瀕江
傍山群盜所聚或蟠結林藪或趨起城寺公忠以柔之
武以警之釋笏服耒 盡為良俗其他如在濠之政居
一年璽書勞問就加尚書司封郎中錫以金章紫綬屬
淮南旱歉北境之人流傭甚衆公悉心以撫舒獨完安
天子聞而休之擢拜常州刺史常州當全吳之中據名
城沃土兵興之後中華翦覆吳中州府此焉稱大故朝
之選收恒屬意焉公宣中和平易之教務振人毓德之

體百姓蒙化遷善不知所以安而安之吏不忍欺路不拾遺餘糧棲畝膏露降庭公平生聞人之善必揄揚之氣盡與之不啻若身得之後進有才而業未就者教誨誘掖之唯日不足公之文章大抵以立憲誠世襲賢過惡為用故論議最長其或例于碑頌流于詠歌峻如崑華盛如江河清如秋風過物邈不可逮公有集二十卷行于代若夫贊堯舜禹湯文武之命為誥為典為謨為訓人皆許之而不吾試論道之位宜而不陟前是公之後兄季弟伯姊三年之間繼歿執天倫之喪如荼如蓼竟以無祿天何不仁然則賈與董名位不盡其才吾先君之歎主恩天命斯見矣銘曰

常州之仁孝行為大蒸之翼之敬以愛友于兄弟如捧如戴常州之義篤于朋友用之有恒行之可久扶危拯溺爾身我手常州之才施于有政撫柔三部以仁為柄龔遂國僑千古迭映常州之文究其本質取其深艷從其損益在星之緯在衣之袞常州之年止中身去昭之之盛世与萬鬼而為鄰白馬江上青烏洛濱鶴鶴在原嗟爾元昆線衽霑血長號訴冤纂述遺美謂余不謾我邁之子將二十年相投藥石胡疚不痊譬我于池子為之泉譬我于桐子為之絃祭不獨遂難不雙全如何淑明摧頽碎堅獻衣楚挽徘徊墓田望之不見赴之無緣狸首斑如女手拳然如天如天涕泣漣漣



毗陵集卷第一

朝散大夫使持節常州諸軍事常州刺史賜紫金魚袋

獨孤及著

賦

夢遠遊賦

詩上二十三首

壬辰歲過舊居

夏中酌于述畢曜問病見贈

三月三日自京到華陰水亭獨酌寄裴六薛八

海上寄蕭立

唐文粹作五

酌梁二十家中所贈兼別梁少府

東平蓬萊驛夜宴平盧楊判官醉後贈別姚太子置酒留宴

觀海

雨後公起谷北原眺望寄高拾遺

丙戌正月出洛陽書懷

季冬自東山赴洛道中

代書寄裴冀劉頻

客舍月下對酒醉後寄畢曜

庚子歲避地至玉山酬韓司馬所贈

下弋陽江舟中代書寄裴侍御

題思禪寺上方

早發若峴驛望廬山

癸卯歲赴南豐道中聞京師失守寄權士繇韓

幼深

初晴抱琴登馬退山對酒望遠醉後作

賈員外處見中書賈舍人巴陵詩集覽之懷舊

代書寄贈

寒夜溪行舟中作

江上代書寄裴使君

與韓侍御同尋李七舍人不過題壁留贈

李張皇甫閻權等數公並有送別之作見寄因

題答

賦

夢遠遊賦

卷一

二小雲谷鈔書

英華誤借

老氏稱吾所以有大患者為吾有身大哉聖人之知微
予夫生者一氣之暫聚耳有天地之和自然之力以運
其行止節其天壽非智力之所能扶明矣而舉世矻
莫不保持形骸謂為己有執迷妄往而不返小者攘禮
樂竊忠信以賈譽大者盜天地之權至于忘身道德之
衰皆此物也余生于浮而長于妄汨沒當世與群動俱
智不能逃形于名聲之韁鑠脫屣于冠冕之籠檻及其
世界顛倒萬物反覆始返照收視以觀身世然後知一
生之患假合豈真芻狗土苴熟焰聚沫而已則我之生
也與百憂皆長况重險之中予思欲冲三清出五濁乘
凌虛極與造物者為伍莫有由矣嘗中夜夢飛昇太空

英華一作梗

若有以名跡見誚者覺而自失乃為賦以狀遠遊且旌
悟道之晚也其詞曰

仰太素兮觀元精之烟煴孰官司予物兮得流形而
為人太皞遺我八卦藏天地于文字黼而黻之為聖為
智褻衣之徒相與擊建鼓而揭日月兮奔孝慈而走仁
義其弊也古是而今非身賤而名貴騫驥馭運兮道路
屯雲而奔波絢煥轆轤兮玉帛鐘鼓之駢羅霍燬兮心
懸天地而火馳蒼黃兮得未終也而失已繼之百骸與
日月並走五藏與哀樂交戰義和未及弭轡榮枯紛而
萬變何生涯之倏倏兮蹇吾降此中州馮世道以上下
若涉水而無津兮與吹萬同其波流况世緒坱圠兮如

英華一作而

英華作燮

英華作馳

英華作北

英華一作繆

紛絲之相膠見辰極之低昂兮知杞人之殷憂顧鬼呀
以蝕月兮天地閉而雲愁鳳凰焚其故巢兮遠舊國以
失儔埃盞燭以上薄兮虞羅紛其四周吾始未知夫六
合湫隘之若此孰與吾兮遠遊豈無太清之路兮夫何
漫而追遠望帝鄉之低徊兮微白雲与之偕逝澄于
神還夜与顛氣期乎無垠真境沕穆以傷感精誠薰然
而來親歛乘夢以奮飛博至靈以上賓望見碧落天地
如掌洞開一門別有萬象亭物外乘化直上身世雙
遺獨與道往其往也泛兮若游魚振鱗而泳清川回兮
若胡鴈得順風而緣秋天忽不知誰之身天胡為者冢
入空界七曜在下問予津于混茫兮蹇徜徉以延佇若

英華一作虛

英華作遺

英華一作深

英華一作逃

英華作五色

又作五毛

有人兮縹緲指人間以唁予曰鳳兮鳳兮何德之睽天
固桎若以禮義桎若以機事盡支離其德而起于物累
使逸翮可得而籠樊兮孰云夫吾毛之自異天運地載
剛柔生焉千变萬化如環無端彼廢興与往復同大壑
之波瀾將令歸根明徵其原則吾與若皆幻也又奚睢
盱于其間幻未始有封物未始有壘成則虧進則傷無
汨而和無易而方山立其中央善汝行密汝藏道將自
光吾在大羅之上玄都之所乾坤為家日月為宇噓吸
元氣太虛之下叶尚一乃心勿謂道阻遊子無窮吾顧
見汝奉真告以自省兮五情怒其增熱哀攀龍之無階
兮思過天之曷月未知去下方幾萬億兮退將返遵吾

英華作愁

英華一作遇

英華一作龜

英華乃字下誤
有命字

英華一作都

歸輒修玉虛以下降濟銀漢以中歌馮東井以俯視識
故國之城闕千門萬戶遙如蟻穴百川綺分五嶽羅列
覓舊山與喬木總依稀而明滅見伊川大道鞠為戎狄
歷陽故人半作魚鱉曩之奔命于市朝者如紛紜飛馳
講、啞、蹙、躑躅宵翹陸離若畿虱之聚壞絮蜘蛛
之乘遊絲吾乃今日識羣動之變態兮莞然倚長空而
笑之亦既自得周覽未畢惕焉形開萬象如失羣有儼
以皆作百慮續其來歸乃夜昔之人寰始故時之喧卑
向之俯仰欣戚無非妄者然後知吾之生也與妄生邪
氣乘之萬緣合并為憂為患為虧為行彼君子方碌碌
然自以為覺猶飾妄以實名安知聖人不以世界為重

英華有之字

英華有命字

英華一作肯

英華一作口

英華一作以
英華一作由
英華作抄
英華作俄
英華作翻
英華作載又
作乾

陸生死為大夢視變化与品類亦猶神交飛動与遺物
以顧身兮悟生浮而質陋以一氣之倏忽與萬化而紛
糅自視泯然寄形宇宙尚何能濡首于榮辱之境甘心
于哀樂之間囿鷓鴣于飛載翻載翻君子至止栖息化
元獨立道樞貽神胚渾萬物轉薄吾真長存止水不波
浮雲無根與時盈虛委質乾坤倚伏相軋吉凶同源物
各自爾予欲無言優哉游哉聊以窮年

詩上 二十三首

壬辰歲過舊居

少年事遠遊出入燕與秦離居歲周天猶作勞歌人負
劍度潁水歸馬自知津緣源到舊廬攬涕尋荒蕘隣居

喜相勞壺鶴展殷勤酒闌擊筑語及此離會因大夫隨
世波豈料百年身今日負鄙願多慙故山春

夏中酌于逖畢耀問病見贈

救物智所昧學仙願未從行歲兩乘角躡蹻風波中薄
官恥降志卧病非養蒙閉關涉兩旬羈思浩無窮鸞鷺
何處來舞下碧空離別隔雲雨惠然此相逢把手卧
席間舉杯欣酒濃新詩見久要清論激深衷高館舒夜
簾開門延微風火雲赫嵯峨日暮千萬峰遙指故山笑
相看撫號鐘聲和由心親事感知氣同出處未易料且
歌緩愁容願君崇明德歲暮如青松

三月三日自京到華陰水亭獨酌寄裴六薛

文粹作淪跡
未憶念

八

祇後匪息經時客三秦還家問節候知到上巳辰山
縣何所有高城閉青春和風不吾欺桃杏滿四隣舊友
適遠別誰當接歡忻呼兒命長瓢獨酌湘吳醉一酌一
朗詠既酣竟亦申言筌暫兩忘霞月祇相新裴子塵表
物薛侯席上珍寄書二傲吏何日同車茵詎肯使空名
終然羈此身他年解桎梏長作海上人

海上寄蕭立

唐文粹
作五

朔風剪塞草寒露日夜結行二到瀛壖歸思生暮節驛
樓見萬里延首望遠碣遠海入大荒平際窮髮舊國
在夢想故人胡且越契濶阻風期荏苒成雨別海西望

文粹作屆

文粹作且胡

文粹作日窮

南望

文粹作以

京口兩地各天末索居動經秋再笑知曷月日南望中
盡唯見飛鳥滅音塵未易得何由愁飢渴

酌梁二十家中所贈兼留別梁少府

少讀皇帝書肯不笑機事意猶負深衷未免名跡累
厭負學干祿欲徇賓王利甘為風波人豈復江海意擔簦
平臺下是日飲羈思送君道寸心暫喜一交臂緒言未
及竟離念已復至寧陵望南丘雲雨成兩地途殊跡方
間河廣流且駛暮帆望不及覽贈心欲醉愛君如金錫
昆弟皆茂異奕赫連絲衣榮養能錫類君子道未長深
歲青雲器巨鱗有繼時今日不定議唯當加食飯好我
袖中字別離動經年莫道分首易

定字俗改足
吳本亦作足

東平蓬萊驛夜宴平盧楊判官醉後贈別姚
太守置酒留宴

驛樓張海壖秋月寒城邊相見自不足况逢主人賢夜
清酒濃人如玉一斗何啻直十千木蘭為樽金為杯江
南急管盧女絃齊童如花解郢曲起舞激楚歌採蓮固
知別多相逢少樂極哀至心嬾媚少留莫辭醉前路方
悠然明日分飛倘相憶祇應遙望西南天

觀海

北登渤澥島迴首秦東門誰尸造物功鑿此天地源
瀕動吞百谷周流無四垠廓然混茫際望見天地根白日
自中吐扶桑如可捫超遙蓬萊峰想像金臺存秦帝昔

吳本作何

經此登臨翼飛翻揚旌百神會望日羣山奔徐福竟何
成羨門徒空言唯見石橋足千年湖水痕

雨後公超谷北原眺望寄高拾遺

崕口雨足收清光洗高天虹蜺斂殘靄山水含碧鮮遠
空霞破露月輪雲薄片成魚鱗五陵如薺渭如滯目
極千里關山春朝來爽氣未易說畫取花岵贈遠人

丙戌歲正月出洛陽書懷

往歲衣褐見受服金馬門擬將忠與貞來酌主人恩天
地暫雷雨洪波生平原窮鱗遂躑躅夙昔事罕存幸道
帝出震授鉞清東藩白日忽再中萬方咸駭奔王風從
西來春光滿乾坤螿虫競飛動余亦辭籠樊遭遇思自

強寵辱安足言唯將四方志迴首謝故園

季冬自嵩山赴洛道中作

皇運偶中變長地食東土天益西北傾衆星殞如雨胡
塵動地起千里聞戰鼓死人成為阜流血塗草莽策馬
何紛々捐軀抗豺虎甘心赴國難誰謂荼葉苦天子初
受命省方造區宇斬鯨安溟波截螿作天柱三微復正
統五玉歸文祖不圖漢官儀今日忽再覩升高混京邑
佳氣連海浦寶鼎歎景雲明堂舞干羽虎臣口激昂口
口禦侮腐儒看著縫掖何處議鄒魯西上輟轅山丘陵
橫今古和風蒸萬物臘月春靄吐得為太平人窮達不
足數他日遇封禪著書繼三五

代書寄裴六冀劉二穎

昔余馬首東君在海北音畫屏簿領書相與議岩穴
載來諸佳境每山有車轍長嘯林木動高歌唾壺缺此
辭月未周虜馬嘶絳闕猛虎踞大道九州當中裂聞君
棄孤城猶自握漢節恥栖惡木景忍與故山別脫寫挂
嶺雲罔然若鳥逝聲唯留潺湲水分付練溪月爾來大
谷梨白花再成雪關梁限天險歡樂竟兩絕大盜近削
平三川今底寧勾芒布春令屏翳收雷霆伊洛日夜漲
鳴皋蘭杜春青騫二西黃鵠何處遊青冥疇昔切玉小應
如新發硎及時當樹勳高懸景鐘銘莫拖白雲意徑往
丹丘庭功成儻長挹然後謀滄溟

一作抱

客舍月下對酒醉後寄畢四曜

御路風雪深生事憂患迫天長波瀾廣高舉無六翮獨
立寒夜移幽境思彌積霜月照膽淨銀河入簷白沽酒
聊自勞開尊坐檐隙主人奏絲桐能使高興劇清機暫
無累獻酢更駘繹慷慨曷天歌惜二廣陵陌既醉萬事
遺耳熱心亦適視身兀如泥瞪目傲今昔故人問城闕
音信兩脉脉別時前盟在寸景莫自擲先是畢贈及詩
云洪爐無火傳
日月速若飛忽然口
人身飲酒不須疑心與白日闔十無一湍百寓形薪
火內甘作天地客与物無親踈斗酒勝竹帛何必用自
苦將貽古賢責

庚子歲避地至玉山酌韓司馬所贈

滄海疾風起洪波駭恬鱗已無濟川分甘作乘桴人揮
手謝秣陵舉帆指甌閩安知風塵表偶与瓊瑤親共悲
行路難况逢江南春故園忽如夢返復知何辰曠遠豺
虎滿深山蘭蕙新枉君灞陵什迴首徒酸辛

下弋陽江舟中代書寄裴侍御

故鄉陽西日去水連長天前路知幾許但指天南邊愴
恨極浦外隱映青山連東風蒲帆來五兩如弓絃遙羨
繡衣客罔然馬首先得滄武昌魚不顧潯陽船屈指數
別日忽乎成半年百花已滿眼春草漸碧鮮豈是離居
時奈何于役牽洞庭有深涉曷日歸期旋且作異御料
詎知携手緣離憂未易銷莫道罇酒賢

題思禪寺上方

溪口聞法鼓俾橈登翠屏攀雲到金界合掌開禪扃
鬱律衆山抱空濛花雨零老僧指香樓云是不死庭眇
于越路茫茫春草青遠山噴百谷繚繞馳東溟目極道
何在境照心亦冥駭然諸根空破結如破瓶下視三界
狹但聞五濁腥山中有良藥吾欲隳天形

早發若峴驛望廬山

雨罷山翠鮮冷東風好斷崖雲生處是向峯頂道誰
謂崢嶸遠跋予可瞻討忘緣祛天機脫履恨不早祇恐
歲云暮遂与空名老心往迹未并慙愧山上草

癸卯歲赴南豐道中聞京師失守寄權士繇

文粹作亭非

文粹作想

韓幼深

種田不遇歲策名不遭時胡塵晦落日西望泣路歧猛
虎嘯北風聲慶皆載馳深泥駕疲牛蹉躓余何之詰屈
白道轉繚繞清溪隨荒谷嘯山鬼深林啼子規長歎指
故山三奏歸來詞不逢眼中人調苦車倭違士猷松筠
操幼深瓊樹姿別來平安不何階一申眉白雲失帝鄉
遠水限天涯昂歲雙威屬曷月還兩枝努力愛華髮盛
年振羽儀但令屯難康不負滄洲期莫作新亭泣徒使
夷吾嗤

初晴抱琴登馬退山對酒望遠醉後作

年長心易感况為憂患纏壯圖迫世故行止兩茫然王

旅方伐叛虎臣皆被堅魯人著儒服甘就南山田挈榼
上高橙超遙望平川滄江大如綆隱映入遠天荒服何
所有山花雪中然寒泉得日景吐雷鳴前：舉酒勸白
雲倡歌慰頽年微風度竹來韻我號鐘絃一彈一引滿
耳熱知心宣曲終余亦酣起疊山水前人生幾何時大
半百憂煎今日羈愁破始知濁酒賢

賈員外處見中書賈舍人巴陵詩集覽之懷

舊代書寄贈

海岸望青鎖雲長天漫二十年不一展知有閑山難適
遂阮始平立馬問平安取公詠懷詩示我海江瀾暫若
窺戎庫森然矛戟寒眼明遣頭風心悅忘食餐大駕今

一作溜

返正熊羆扈鳴鑿公遊鳳凰沼獻可在筆端繫越有長
纓封關祇一丸同然翔窠廓仰望慙羽翰嘉會不我與
相思歲云殫唯當袖佳句持比青琅玕

寒夜溪行舟中作

日沈諸山昏寂歷群動宿孤舟獨不繫風水夜相逐雲
歸恒星白霜下天地肅月輪大如盤金波入空谷魏闕
萬里道竊念千慮束倦飛思故巢敢望梧与竹沈吟登
樓賦中夜起三復憂來無良方歸候春酒熟

江上代書寄裴使君

何地離念劇江臯風雪時艱難傷遠道老大怯前期疇
昔行歲計祇將力命推能令書信數猶足緩相思

與韓侍御同尋李七舍人不遇題壁留贈

三徑何寂寂主人山上山亭空簷月在水落釣磯閑藥
院鷄犬靜酒壚苔癘斑知君少機事當待暮雲還

李張皇甫閻權等數公並有送別之作見寄

因題答

洞庭正波蘋葉衰豈是秦吳遠別時謝君篋中綺端贈
何以報之長相思

文粹作李

毗陵集卷第二

朝散大夫使持節常州諸軍守常州刺史賜紫金魚袋獨孤及著

詩中 三十一首

送陳兼應辟兼寄高適賈至

早發龍沮館舟中寄東海徐司倉鄭司戶

海上懷華中舊遊寄鄭縣劉少府造渭南王少府

將還越留別豫章諸公

雜詩

山中春意

傷春懷歸

九月九日李蘇州東樓宴

李卿東池夜宴

將赴京答李紆贈別

江寧訓導縣劉少府贈別作

送號州王錄事之任

送長孫將軍拜歙州之任

送何員外使湖南

送江陵全少府赴任

送虞秀才之長沙

送陽翟張主簿之任

送李賓客荆南迎親

酌常鄙縣見贈

送游員外赴淮西

送馬鄭州

蕭文學山池宴集

送荆南張判官

送義烏常明府

送湘里郎中赴江西

和虞部常郎中尋楊駙馬不遇

和贈遠

和題藤架

官渡柳歌送李員外赴揚州覲省

同岑郎中章員外花樹歌

奉和李尚書西射虎圖歌

詩中 三十一首

送陳兼應辟兼寄高適賈至

結綠處燕石卞和不必知所以王佐材未能忘茅茨罷
 官梁山外獲福楚水湄適會傅岩人虛舟濟川時天網
 忽搖頓公才難棄遺鳳皇翔千仞今始一鳴岐上馬指
 國門舉鞭謝書帷預知大人賦掩却歸來詞天子方在
 宥朝廷張四維料君能獻可努力副疇咨舊友滿皇州
 高冠飛翠鞋相逢絳關下應道軒車遲高侯秉戎翰策
 馬觀西夷方從幕中事參謀王者師賈生去洛陽焜耀
 琳琅姿芳名動北步逸韻凌南皮爾二舉鴻毛冷然順

文粹作李

文粹誤作亭

風吹波流有同異由是限別離漢塞隔隴底秦川連鑄
 池白雲日夜滿道里安可思夢想浩盈積物華愁變衰
 因君無錯刀送遠益悽其四海各橫絕九宵應易期不
 知故巢燕決起樓何枝

早發龍沮館舟中寄東海徐司倉鄭司戶

沙禽相呼曙色分漁浦鳴榔十里聞正當秋風渡楚水
 况值遠道傷離羣津頭却望後湖岸別處已隔東山雲
 停驢目送北歸翼惜無瑤華持寄君

海上懷華中舊遊寄鄭縣劉少府造渭南王少府崧

涼風臺上王峯月王任鄭縣日千城角築小臺號涼風

不夜城邊萬里沙
離別莫言關塞遠
夢魂長在子真家
將還越留別豫章諸公

客鳥倦飛思舊林
徘徊猶戀衆花陰
他時相憶雙航葉
莫問吳江深不深

雜詩

百花結成子
春物捨我去
流年惜不得
獨坐空閨暮
心自有所待
甘為物華誤
未必千黃金
買得一人顧

山中春思

猶祭川水大人家
春日長獨謠
晝不暮搔首
慙年芳靡草
知節換含葩
向新陽不嫌三徑深
為我生池塘
亭午井灶閑
雀聲響空倉
花落沒屐齒
風動羣木香
歸路雲

水外天涯杳茫茫
獨卷萬里心
深入山鳥行
芳景勿相迫
春愁未遽忘

傷春懷歸

誰謂鄉可望
在天地涯
但有時命同
萬里共歲華
昨夜南山雨
殷雷拆萌芽
樛源不余欺
先祭秦人家
寂戶外掩
遲春日斜
苑源嘿無言
秦人獨長嗟
不惜中腸苦
但言會合賒
思歸吾誰訴
笑向南枝花

九月九日李蘇州東樓宴

是菊花開日
當君乘興
秋風前
孟嘉帽月下
庾公樓酒
解留征客
歌能破別愁
醉歸無以贈
祇奉萬年酬

李卿東池夜宴

得池字

立文粹作

政成機不擾心愜宴忘疲去燭延高月傾壘就小池舞
盤迴雪動絃奏躍魚隨自是山公興誰令下士知

將赴京答李紆贈別

膠漆常投分荆蠻各倦遊帝鄉今獨往溝水便分流甘
作遠行客深慙不繫舟思君帶將緩豈直日三秋

江寧訓鄭縣劉少府兄贈別作

往年脫絳掖接武仕關西結綬腰章並趨階手板齊仙
山不用買朋酒日相携抵掌誇潭壑忘情向組珪事遷
時既往年長跡逾睽何為青雲器猶嗟濁水泥役牽方
遠別道在或先迷莫見良田晚遭時亦杖藜

送虢州王錄事之任

謂子文章達當年羽翼高一經成白首三命尚青袍未
遇須藏器安卑或告勞盤根儻相植試用發劔刀

送長孫將軍拜歙州之任

臨難敢橫行遭時取盛名五兵常典校四十又專城浪
逐樓船破風從虎竹生島夷今可料繫頸有長纓

送何員外使湖南

夙昔皆黃綬差池復瑣闌上田無晚粟逸翮果先飛前
路舟休繫故山雲不歸王程儻未復莫遣鯉書稀

送江陵全少府赴任

冢司方慎選劇縣得英髦固是攀雲漸何嗟趨府勞楚
山迎驛路漢水漲秋濤騫翥方茲始看君六翮高

一作長

送虞秀才擢第歸長沙

充賦名今遂安親事不違甲科文比玉歸路錦為衣海
運同鯤化風帆若鳥飛知君到三徑松菊有光輝

送陽翟張主簿之任

舊聞陽翟縣西接奉高山作吏同仙隱知君處劇閑少
年當效用遠道豈辭艱遲子揚名後方期絲服還

送李賓客荆南迎親

宗室劉中壘文場謝客兒當為天北斗曾使海西陸毛
節精神著銅樓羽翼施還申供帳別言赴倚門期恩渥
雷行李晨昏在路岐君親兩報盡不敢議傷離

酌常眉縣見贈

愛君修改若修身鰥寡來歸乳雉馴堂上五絃銷暇日
邑中千室有陽春謂乘是鳥朝天子却媿猪肝累主人
辭後讀君懷縣作定知三歲字猶新

送游員外赴淮西

多君有奇畧投筆佐元戎已佩郎官印兼乘御史驄使
星隨駟騎歸路有秋風莫遣無書札他年懷袖空

送馬鄭州

使君朱兩轡春日整東轅芳草成羣路青山涼水源勉
修循吏跡以謝主人思當使仁風動遙聽輿頌喧

蕭文學山池宴

檀栾千畝綠知是辟疆園遠岫當庭戶諸花覆水源生

人邀盡醉林鳥助狂言莫問愁多少今皆付酒尊

送別荆南張判官

輜車駱馬往從誰夢浦蘭臺日更遲欲識桃花最多處
前程問取武陵兒

送義烏常明府

妙年能致身陳力復安親不憚關山遠寧辭簿領勤過
江雲滿路到縣海為鄰每嘆違心賞吳門正早春

送相里即中赴江西

君把尺一詔南遊濟滄浪受恩忘險艱不道岐路長戎
狄方構患休牛殊未遑三秦千倉空戰卒如餓狼委輸
資外府諏謀寄賢良有才當陳力安得遂翱翔豈不慎

井賦：均人亦康遙知軒車到萬室安耕桑火伏金氣
騰昊天欲蒼茫寒蟬慘已卸秋色愁沅湘昨日携手西
於今芸再黃歡娛詎幾許復向天一方躑躅話世故惆
悵舉離觴共求數刻歡戲謔君此堂今日把手笑少時
各他鄉身名同風波聚散未易量曷月還朝天及時聞
智囊前期儻猶濶加飯勉自強

和虞部常即中尋楊駙馬不遇

金屋瓊臺蕭史家暮春三月渭川花到君仙洞不相見
謂已吹簫乘早霞

和贈遠

憶得去年春風至中庭桃李映瑣窻美人挾瑟對芳樹

玉顏亭：與花變今年新花如舊時去年美人不如茲
借問離居恨深淺祇應獨有庭花知

和題藤架

尊：葉成帷幄：花落架花前離心苦愁至無日夜人
去藤花千里強藤花無主為誰芳相思歷亂何由盡春
日迨：如線長

官渡柳歌送李員外承恩往揚州覲省

君不見官渡河兩岸三月楊柳枝千條萬條色一一勝
綠絲花作鉛粉細葉成翠羽帳此時送遠人悵望春水
上遠客折楊柳依：兩含情夾即木蘭舟送即千里行
即把紫泥書東征覲庭闈脫却貂襜褕新著五綵衣雙

鳳并兩翅將雛東南飛五兩得便風幾日到揚州莫會
揚州好客行刺淹留即到官渡頭春闌已應久殷勤道
遠別為謝大堤柳攀柳儻相憶五里一迴首明年柳枝
黃問即還家否

同岑郎中屯田常員外花樹歌

東風動地吹花發渭城桃李千樹雪芳菲可愛不可留
武陵歸客心欲絕金華省郎惜佳辰祇將棣萼照青春
君家自是成蹊處况有庭花作主人

和李尚書西射虎圖歌

飢虎呀：立當路萬夫震怒百獸怒彤弓金鏃當者誰
鳴鞭飛控流星馳居然西中見真態若務際惡不顧私

時和年豐五兵已白額未誅壯士恥分銖遠邇懸轂中
不中不發思全功舍矢如破石可裂應弦盡敵山為空
殺氣滿堂觀者誠颯若崕谷生長風精微入神在毫末
作績造物何同功方并秉鉞受命新丹青起予氣益振
底綏靜難功可擬嗟嘆不足聲成文他時代天育萬物
亦以此道安斯民

毗陵集卷第三

朝散大夫使持節常州諸軍事守常州刺史賜紫金魚袋獨孤及著

詩下 二十八首

代書寄上李廣州

自東都還濠州奉酌王八諫議見贈

訓皇甫侍御望瀟山見示之作

垂花塢醉後戲題

登山谷寺上方答皇甫侍御卧疾闕陪車騎之

贈

詣開悟禪師問心法次第寄韓郎中

喜尋韓十四郎中書兼封近詩見示因代書題

答

同皇甫侍御齋中春望見示

答李滁州題庭前石竹花見寄

暮春于山谷寺上方遇恩命到加官賜服酬皇

甫侍御見賀之作

和張大夫秋日有懷呈院中諸公

和張大夫秋夜書情

傷春贈遠

送陳王府張長史還京

答皇甫侍御北歸留別

得柳員外書附寄近詩書中兼報新主行營兵

文粹作奉同

馬因代書戲答

同徐侍郎五雲溪新亭重陽宴集作

和中書常舍人晚秋集賢院即事寄贈徐薛二

侍郎

登後湖亭傷春懷京師故舊

答李滁州見寄

水西館泛舟送王員外

得李滁州書以玉潭症見託因書春思以詩代

答

題玉潭

答李滁州憶玉潭新居見寄

奉和李大夫同呂評事太行苦熱行兼寄院中諸公

雨後同王員外泛後湖

陪王員外北樓待月

詩下 二十八首

代書寄上李廣州

皖水望番禺迢二青天來鴻鴈飛不到音塵何由達獨
有輿人歌隔雲聲誼聒皆稱府君仁百越賴全活推誠
魚鱉信持正魑魅但疲民飽中和性足無天闕天子咨
四岳佇公濟方割幾時復旋歸入踐青鎖闥賤子託明
德繚若松上葛別離鄙怯生結念思所豁門欄闕山阻

岐路天地濶唯憑萬里書持用慰飢渴

自東都還濠州奉酬王八諫議見贈

關西仕時俱雅容彪之之鬢始相逢天地變化縣城改

天寶中及尉華陰鄭縣別後經祿山之亂鄭縣殘毀城移于州西獨有故人交態在不

言會合跡未并猶以歲寒心相待洛陽居守寄鄴侯君
著貂冠參運籌高閣連雲騎省夜新文會友涼風秋青
袍白面昔携手冉二府趨君記否雲分雨散十五年始
得一笑樽酒前未遑少留遂遠別况值旅鴈鳴秋天二
華舊遊如夢想他時再會何由緣賴君贈我鄴中曲別
後相思被管絃

酌皇甫侍御望天濶山見示之作

一作永日

早歲慕五嶽嘗為塵機礙孰知天柱峰今与郡齋對隱
嶙抱元氣氤氲含青靄雲岵媚遠空石壁寒古塞漢南
南遊日望秩此昭配法駕到谷口禮容振荒外焚柴百
神趨執玉萬方會天旋物順動德布澤霽霈講武威已
耀學仙功未艾黃金竟何成洪業遽淪昧度世若一瞬
昨朝已千載如今封禪壇唯見雲雨晦長望哀往古勞
生慙大塊清輝幸相娛幽獨知所賴寒城春方正初日
明可愛萬殊喜陽和余亦荷時泰山色日夜綠下有清
淺瀨媿作拳樓人沉迷簿書內登臨嘆拘限出處悲老
大况聽郢中曲復識湘南態思免物累牽敢令道機退
瞞然誦佳句持比秋蘭佩

垂花塢醉後戲題

賦得俱字韻
并序

莊周臺南十許步有丘一成上有樛藤垂花而蔓草荒
之且隔大溝路不可涉道士張太和伐薪為堰封土以
壅澮余亦命難氏治蕪穢而剗宿莽遂闢為登賦之位
位廣一席之間足以函尊酒二簋三月戊子及群英由
堰而升焉諸花倒植下拂杯案紫葩縞縱如釵如旒衆
君子瞻弄之不足故秉燭進酒以繼落日欲稱醉而不
能也因命其地曰垂花塢堰曰綠花堰亦飾之以詩云
紫蔓青條覆酒壺花_落時与竹風俱歸時自負花前醉
笑向儵魚問樂無

登山谷寺上方答皇甫侍御卧疾闕陪車騎

之贈

梵宮香閣攀霞上天柱孤峯指掌看漢主馬踪成蔓草

寺中間石上有竅穴古法王身相示空棺 禪門第三祖塔太師遺塔

老相傳云漢武帝馬跡 在此坊天寶中別駕李常開館取 雲扶塔擁青霄庫皮

反松蔭禪庭白日寒不見戴遠心莫展賴將新贈比琅

玕

詣開悟禪師問心法次第寄歸郎中

障深聞道晚根鉅出塵難濁劫相從慣迷途自謂安得

知身垢妄始喜額珠完欲識真如體君嘗法味看

喜辱歸十四郎中書兼封近詩見示代書題

贈

各牽于役間遊遨獨坐相思正鬱陶長跪讀書心尚緩

短章投我曲何高宦情緣木知非願王事敦丁人散告

勞所歎在官成遠別徒言岢水總去容舫

同皇甫侍御齋中春望見示之作

望遠思歸心易傷况將衰鬢偶年光時攀芳樹愁花盡

晝掩高齋厭日長甘比流波辭舊浦忍看新草遍橫塘

因君贈我江楓詠春思如今未易量

答李滁州題庭前石竹花見寄

巖烏疑曙霞染巧類匣刀裁不怕南風熱能迎小暑開

遊蜂憐色好思婦感年催覽贈添離恨愁腸日幾迴

暮春茶山谷寺上方過息命加冠賜服酬皇

甫侍御見賀之作

天書到法堂，朽質被榮光。自笑無功德，殊思謬激揚。還登建禮署，猶忝會稽章。佳句慙相及，稱仁豈易當。

和張大夫秋日有懷呈院中諸公

至公無假日，高閣閉秋天。肘印拘王事，籬花思長年。績成心不有，慮澹物猶牽。竊效泉魚躍，因聞郢曲妍。

和張大夫秋夜書情即事

上略當今闕，高情善閉關。忘机羣動息，無戰五兵閑。鈴閣風傳漏，書窓月滿山。方知秋興作，非惜二毛斑。

傷春贈遠

去年^水流年日並馳，年光客思兩相隨。咨嗟斑鬢今承弁。

慙媿新荷又發池，楊柳透迤愁遠道。鷓鴣啁哳怨南枝，憶君何啻同瓊樹。但向春風訴別離。

送陳王府張長史還京

論齒弟兄列為邦，前後差十年。方一見此別，復何嗟。極目故關道，傷心南浦花。少時相憶處，招手望行車。

答皇甫十六侍御北歸留別作

正當楚客傷春地，豈是騷人道。別時俱狗空，名嗟欲老况。將行役料前期，勞生多故應。同病羸馬，單車莫自悲。明日相望隔雲水，解顏唯有袖中詩。

得柳員外書封寄近詩書中，兼報新主行營兵馬代書戲答。

文粹作奉同

郎官作掾心非好儒服臨戎政已聞說劍常宗漆園吏
戒嚴應笑棘門軍遙知抵掌論皇道時復吟詩向白雲
百越待君言即叙相思不敢愴離羣

同徐侍郎五雲溪新庭重陽宴作

萬奔蒼翠色雙溪清淺流已符東山趨况植江南秋白
露天地肅黃花門館幽山公惜美景官為芳尊留五馬
照池塘繁絃催獻酌臨風孟嘉帽乘興李膺舟騁望傲
千古當歌遺四愁豈令永和人獨擅山陰遊

奉和中書常舍人晚秋集賢院即事寄贈徐

薛二侍郎

漢家金馬署帝座紫微郎圖籍凌群玉歌詩冠栢梁陰

文粹作風前

陰萬年樹肅々五經堂揮汗忘朝食研精待夕陽晴空
露盤迥秋月瑣窻涼遠興生班鬢高情寄縹囊歲蕤雙
鸞驚夙昔並遊翔汲冢同刊謬蓬山共補亡差池推羽
翮流落限江湘禁省一分袂昊天三雨霜石渠遺跡滿
水國暮雲長早晚朝軍先室歸時道路光

登後湖亭傷春懷京師故舊

昨日看搖落驚秋方怨咨幾經開口笑復及看去花時
世事空名束生涯素髮知山々春草滿何處不相思

答李滁州見寄

相逢遽嘆別離牽三見江皋蕙草鮮白髮俱生歡未再
滄洲獨往意何堅愁看郡內花將歇忍過山中月屢圓

終日望君休汝騎，媿無堪報起予篇。

前年春與獨孤常州兄，花時為別倏已三年。
矣。今鶯花又爾，覩物增懷，因之抒情，聊以奉
寄。時蒙溪幽居在義興，益增懷想。

李幼卿

近日霜毛一番新，別時芳草兩迴春。不堪花落花開處，
况是江南江北人。薄宦龍鍾心懶慢，故山窠窟水滄淪。
緣君愛我疵瑕少，願竊仁風寄老身。

水西館泛舟送王員外

單醪敢獻醉曲沼，荷經過汎覽。親魚鳥，黃綠涉芰荷。劇
談增惠愛，美景借清和。明日汀洲草，依二奈別何。

得李滁州書以玉潭莊見託因書春思以詩
代答

春物行將老，懷君意詎堪。朱顏因酒強，白髮對花慙。日
日思瓊樹，書二話玉潭。知同百口累，曷日辦抽簪。

題玉潭

碧玉徒強名，冰壺難比德。唯當寂照心，可並滄淪色。

答李滁州憶玉潭新居見寄

從來招隱地，未有有剖符人。山水能成癖，巢夷擬獨親。猪
肝無足累，馬首敢辭勤。掃灑潭中月，他時望德鄰。

奉和李大夫同呂評事太行苦熱行兼寄院
中諸公

駟馬上太行修途亘遼碣王程無留駕日晏未遑歇請
問此何時恢台未明朱月長蛇稽天討上將方北伐明主
命使臣皇華得時傑已忘羊腸險豈憚溫風熱搖策汗
滂滄登岵思紆結炎雲如烟火溪谷將恐竭晝景艱可
畏原隰何由發山長飛鳥墮目絕極行車絕趙魏方倣覆
安危俟明哲歸路豈不懷飲水有苦節會同傳檄至疑
議立談決况有阮元瑜翩二秉書札起予歌赤坂永好
踰白雪誰念剖竹人無因執羈紲

雨晴後陪王員外泛後湖得溪字

遠山眉平楚宿雨漲清溪
泝任舟楫歡言無町畦
酒酣相視笑心與白鷗齊

陪王員外北樓宴待月

勸酒論心夜不疲
含情有待問誰思
佇看晴月澄二景
來照江樓酌二時

毗陵集卷第四

朝散大夫使持節常州諸軍事守常州刺史賜紫金魚袋獨孤及著

表上

代文武百官賀芝草表

賀擒周智光表

代宗——永泰二年

賀袁倓破賊表

請降誕日置天興節表

賀樸陽縣醴泉表

賀太陽當虧不虧表

賀潞州芝草嘉禾表

諫表

英華

為李給事讓起復尚書右丞兼御史大夫表七

為譙郡唐太守賀赦表

為張濠州謝上表

表上

代文武百官賀芝草表

英華無文
武二字

臣某言臣等伏見開府儀同三司魚朝恩奏含暉院及
白華亭院內並芝草生者臣等謹披圖按課竊考前志
蓋王者以道涖天下而德及庶物則有神木靈草儲祥
効異陛下賢聖恭儉慈仁愛人開闡學校尊教勸德將
以五經根本庶政風化所浹人神以和氣傷感蒸而

五字英華
作謹按圖
志作
典

英華其下有
等無臣等二字
英華作靈木神
草祥作祉

一字作和氣身
達感蒸為瑞

為瑞不然豈靈芝菌蠢異處同植不產他宇必于宸居
暉九葩之蓋煌三秀之質蓋表陛下之欽明光宅
以人文成化靈根碩茂萬葉無疆神應炳然天意如答
臣等獲忝朝列幸覩禎祥臣無任嘉慶之至

賀擒周智光表

代宗永泰二年

臣等言臣聞征而無戰王者之師也將而必誅春秋之
義也臣伏見周智光傲假頑虐昏迷猖狂敢專生煞之
威以慢王度崇飾姦慝之志自干天誅陛下謂罪在已
躬視人如子永言式遏之義不得已而用師而將總受
鉞兵未血刃已梟元惡之首載安舊汚之俗昔漢征黠
布望陳而憂設伐鬼方積年乃剋豈若陛下朝命將帥

英華作校

英華作塵

夕穢渠魁制勝神速從古未有臣等無任

英華作不勝

慶快之

懷玉按此表文苑英華誤作獨振受

賀表係破賊表

代宗寶應二年

臣某等言臣等伏見河南副元帥行軍司馬太子右庶子兼御史中丞袁倓露布奏今年五月十七日破石埭城賊方清并降烏石山賊陳庄等徒黨二萬五千五百人者臣聞聖人之生不能使大盜不起故唐虞之代時則有三苗之師姦宄草竊為患舊矣山賊方清等叢爾狂狡敢干天誅聚椎剽之徒謂險遠可恃作為蛇豕以荐食勾吳乃有跨據大江吞噬東土之計七州之地人罷耕織百姓業全活無所陛下方銳志于偃武不得已而用兵乃命將受略使先勝後戰故倓等役不再舉

英華作輕

英華作物弊

英華作師

英華作用

而師有成績巢窟皆傾俾無遺類詿誤之輩得返故業汚俗更始流人汔康此三代之舉也非陛下齊聖格天文思柔遠豈能底綏盜亂如此其速臣等幸覩成功不勝大慶臣無任抃躍之至云云

請降誕日置天興節表

臣某等言臣聞天有春秋冬夏之氣時也時有分至啟閉之候節也至若寒食上巳端午重陽或因人崇尚亦播為風俗况曆運光啟聖人降生固宜紀載震之辰與八節同號故玄宗生日命曰天長節肅宗生日命曰天平地成節並以飲食燕樂布慶萬方使賜及同軌風流後代陛下纂祖宗純懿與天地同德禮樂克修憲章咸

一作三

備而誕聖之日未有嘉名將何以表出震之期慶流虹
之瑞率土咸企思扇舊風是以臣等願二不勝大願二
以十月十三日為天興節其王公士庶上壽作樂悉如
開元乾元故事上以殷薦崇先天不違之德下以布澤
錫萬代無疆之休使知社鳴河清實在茲日臣無任

賀櫟陽縣醴泉表

臣等言伏見京兆尹李勉奏櫟陽縣有醴泉湧出飲之
者痼疾皆愈臣聞王者澤周庶類則神降百祥天地之
心去人不遠陛下厚德載物与坤同符以善利人如水
潤下故后土献瑞湧泉療疾靈源酌而不竭沈痼飲而
皆痊勿藥之喜萬人是賴仰窺天意豈不以是彰陛下

之德施乎不然何衆庶二強名聖水彼丹井朱草白
麟赤鳳徒稱太平之瑞未聞功施于人方之聖泉豈喻
神異臣等無任喜慶之至

賀太陽當虧不虧表 代宗大曆十三年

臣某等言伏見今月一日雲物陰晦太陽當虧不虧者
臣聞殷太戊宋景公皆修德立言而妖變為福陛下以
日月薄蝕勞謙惕厲而災不勝德雲為垂陰若天降衷
使其謫不見易象曰既憂之咎不長也臣等無任欣戴之至

賀潞州芝草嘉禾表

臣某等言臣伏見陳鄭澤潞隴右節度使奏潞州使院
行軍司馬裴政廳梁柱上生紫芝草七莖長子縣厚載

英華收作故

卿生嘉禾兩莖同一穗者臣聞靈芝嘉禾太平之瑞昔
在周漢嘗表休徵當時福應疾如影響今庶政方久而
二瑞薦臻是天降殊祥用彰有德豈非陛下寶持慈儉
輯柔遠邇克俾天下和平當時周漢之盛予神祇景既
寔甚昭晰彼唐姝之獻與齋房之漢歌明德所感古今
同契臣無任

諫表

臣某言伏見陛下屢發德音招延獻納使左右侍臣得
直言極諫忠謇者無不聽狂謬者無不容又辛丑詔書
詔裴冕崔渙等十有三人集賢殿待制以備詢事考言
之問此並五帝之盛德也而臣以目覩生則幸矣然頃

英華作犯

唐書作
士辰

英華作者

者陛下雖容其直而不錄其言進獻上封者大抵皆事
寢不報書留不下但有容諫之名竟無聽諫之實遂使
諫者稍自引鉗口就列飽食偷安相招為祿仕此忠
鯁之士所以竊歎而臣亦恥之十室之邑必有忠信如
孔丘者况以朝廷之大卿大夫之衆而陛下選受之精
假令不能如文王之多士堯舜之比屋其中豈不有溫
故知新可使懋陳政要而億則屢中者乎陛下惟虛存
其儀令條奏不曠及議政之際曾不採其一說堯之疇
咨禹之昌言豈若是耶昔堯設詢木于五達之衢孔子
亦曰以能問于不能以多問于寡又曰丘也幸苟有過
人必知之然則多聞闕疑不恥下問聖人之心也臣不

英華作誠

勝大願。陛下試以堯孔心為心，日降清問，啟其弘說，不可者罷之，可者議之于朝，與執事者共之，知之必言，言之必行。之必公，則君臣無私，論朝廷無私，政天下無私，是陛下以此辯可，否于敵替而建太平之階可也。况國體予自師興，不息十年矣，萬姓之生產空于杼軸，擁兵者第館，亘街陌，奴婢厭酒肉，而貧人羸餓，就役剥床及膚，長安城中白晝椎剽，京兆尹不敢詰，加以官亂職廢，將墮卒暴，百揆墮刺如紛麻，沸粥百姓不敢訴于有司，有司不敢聞于天，聽士庶茹毒飲痛，窮而無告，今其心願，獨指梅望于麥，不登則易子，齧骨可鼓而待眠于焚薪之上，豈危于此，陛下不以此時軫薄水朽

英華有其字

英華作刻

英華作戒

索之念厲精，更始思所以救之。術忍令宗廟有累，邠之危，百姓悼心而失圖，臣寔懼焉。及去歲十二月丁巳夜中星隕如雨，昨者清明降霜，三月苦熱寒暑氣候錯綜顛倒，疹莫大焉。豈下凌上替，怨讎之氣，跋以取之耶？不然，天意之丁寧，謹誠以是警陛下，陛下宜反躬罪已，苟求賢良者而師友之，黜棄貪佞不肖而竊位者，下哀痛之，詔去天下所疾苦，廢無用之官，罷不急之費，禁止暴兵節用，愛人固使，官官亂國，政佞言敗，厥度兢。乾以激福于上下，必能使天誠感而神心應，反妖災以為和氣，彼太戊桑穀，宋景熒惑，焉足為陛下道哉？臣一昨陳奏請減江淮山南等諸道兵馬，以贍國用，陛下初

英華無一字

不以臣言為愚妄許當施行然及今竟未有沛然之詔
臣竊遲之今天下唯朔方隴西有吐蕃僕固之虞邠涇
鳳翔等兵足當之矣自此而往東洎海南至番禺西盡
已蜀萬里無鼠竊之盜已積歲矣而兵不為之解傾天
下之貨竭天下之穀以給不用之軍而為無竭之費臣
不知其故假令居安思危用備不虞自可于阨要之地
少置屯禦餘悉休之以其糧儲靡履之資充疲人貢賦
歲可以減國賦之半陛下豈遲疑于改作遂巡于舊貫
使大義有所壅而率土之患日甚一日是益其弊而厚
其疾也臣竊惑焉夫療癰者必決之使潰今兵之為患
患猶癰也不以漸戢之其害滋大：而圖之必力倍而

功寡豈周易不俟終日之義歟伏惟圖其始而要其終
天下幸甚臣無任懇款之至

為李給事讓起復尚書左丞兼御史大夫弟
二表

草土臣某言臣昨以哀瘵愚懇昧死上陳冀迴日月之

光曲念蝼蟻之志伏奉丁酉詔報未蒙矜允捧讀聖旨

五情殞絕臣某中謝臣伏以適四方宣王命之任必擇

職位素貴問望炳著學能專對才有餘力者以充其選

臣以宗室末屬妄荷寵命惟才与智俱不如人况今衰

羸殘喘加以病苦支離沉瘵歷夏及秋終日不過一食

不杖不能自起自料若力疾祇命適數千里雖欲自強

英華作高

英華作推

英華作濡

英華作準繩

英華作德

英華作養非

英華作命

必中道委頓璽書詔旨廢失是憂臣伏見廣德二年七月赦書罷天下起復之官許終喪禮此陛下孝德過于兩漢然渙汗之發率土霑濡豈獨令臣獨在赦外又尚書右丞會府之樞轄御史大夫天下之繩準宣慰巡檢朝廷之大寄今臣受此三職而起復為名因臣過舉破陛下法令使百寮師何以取則臣夙遭不造倖生人之艱官始一命先臣奔背慈母鞠育至于成立遭罹二京覆沒弱弟以宗室見害臣惻然茹痛獨侍板輿併嘗險阻冀及榮養總擢掖垣慈顏遠代罔極之痛終天莫追今靈筵未塵墳土尚濕遽令臣荷金印之寵處皇華之榮使總帷廓然奠祭無主此恒情之所不忍也陛下其忍

英華作而露

英華作撫

英華作哀

英華作不

之子伏乞以聖慈曲臨皇明下照於臣臣屢察察臣不逮更擇時爰授之使職許臣得以羸骸終其喪紀寔天地之施鍾于臣身儻殘魂未滅朽質可委誓當摩頂至踵以答聖造臣無任哀哀瘵懇迫之至

英華作賤

英華作閣

感吳本旁校作

勅卿朝廷雅望宗室良才爰自居喪頗聞過禮將宣國命允藉親賢舉其權道之文以伸必行之旨載循來表具悉哀誠宜抑情而奉公佇銜恤以從政即宜斷表也

第三表

草土臣某言臣再以微誠伏闕請命綸言累降天聽未回仰戴聖情俯循哀感悲懼交迫悼心失圖臣某中謝臣才能不及中人且未嘗有毫髮勲效陛下不以臣不

英華作天

英華作不

英華作守職

肖特降殊私授以驅馳之任賜以親賢之目臣且匍匐
奉詔戮力將命寧敢矯禮為名以讓自飾顧臣羸瘵奄
奄行步支離力有所不任用有所不逮風憲重任也宣
撫大典也誠恐以疾墜王命隳使職負陛下所舉以重
臣之罪方今濟多士盈于朝列陛下捨而勿用而拔
臣于苦廬之中必以臣智識為小有可採臣之他日猶
不如人况今厄劣餘息方寸紊矣焉能為陛下震揚休
命覽觀風俗竊自惟忖知不勝任是以拳然再誠猶冀
識察陛下仁聖孝德錫類海內豈令善貨不沾臣身敢
希慈造俯遂微懇則死之日生之年也臣無任哀懼之至

第四表

英華作廷

臣某言一昨臣以哀瘵叨奉恩私封章三上不蒙矜允
猥以羸瘵之質謬銜出疆之命賴陛下威靈免貽咎責
復得待罪朝闕許守几筵仰荷天慈俯慙靈祐臣某中
謝頃陛下不以臣駑蹇特加寵渥者豈非知臣屬忝宗
盟曾奉使河朔謂能闡揚天旨懷柔遠方而尚書省才
賢如林庶政必舉陛下垂拱羣臣守職固不假臣以區
區之力重尸首闡明矣今將命既復本職未解敢恃皇
眷輒復陳乞臣某然在疚獨無兄弟荼毒日淺創鉅痛
甚且又疾病四體支離榮遇人之所欲力有不任名敢
虛受此臣所由拳不已有望于陛下也臣伏以三年
之喪未足伸罔極之恩先王制禮以節人情臣在喪未

英華作及

英華作臣亦

英華作輿

英華作乞

踰一年奉使已歷三月若又假國家名器食陛下祿俸
是臣亡母于臣有終身之愛而臣于亡母無數月之報
先聖以孝感為號陛下以孝德格天下錫類之恩宜及
海內今寵命一降使臣有不孝之目子而不孝如臣不
忠不孝不忠人所當棄豈足為陛下操持綱轄彌綸憲
章臣之頑固猶知不可况天下僉論朝廷公議予伏願
許臣免官遂臣私志倘終喪紀尚有餘息誓當摩骨粉
項以答殊恩臣無任

第五表

臣某言臣去冬十一月某日又詣銀臺門下上表陳情
至今積旬未奉恩旨屏營無地哀惶疚心臣某

叩謝臣

英華作恃

英華作情

蕞爾朽質叨奉明恩適天因辭豈不知罪寔由恃陛下
蒸之德故敢守臣子區區之意伏以忠孝之道禮先
于情資親事君愛敬同等臣生處聖代齒力未衰致身
日長効節途遠獨慈親違棄永往莫追先王制禮居喪
之紀有限昊天不弔欲報之德罔極而今茹痛緘哀冒
寵干責雖欲僥倖從事使臣何以為心蓋三年之喪金
革無避自魯公伯禽晉襄公始也寔以徐戎秦師之役
有為之非是則否故孔子對子夏問曰以三年之喪
從利者吾不知也今朝廷無徐秦之難臣非金革之任
竊陛下名器是從利于喪也食稻衣錦之責舍臣誰歸
凡曲全萬物使不失性天地之仁也鞠育嫗煦知寒熱

疾痛父母之慈也兼而有之明君之惠也臣是以又持
悃欵昧死上言竊希天父之恩不奪臣子之志泣血待
命惟陛下省察臣無任

第六表

臣頓首昧死詣闕累陳情狀肝胆悉以披露懇誠冀蒙
識察于今決辰德音不下實由臣詞淺意陋無以動天
哀惶失圖踟躕無地臣某中謝臣雖親忝葭莩才寔駑
鈍位忽過量思亦加等宜竭筋力仰酌造化豈敢飾讓
自言企禮顧望嘗聞上有至仁之君下無失性之人陛
下以蒸三聖德格于上下故哀三孝思敢辨榮祿陛下
豈忍抑其微誠假令臣損情變化陳力就列亦猶雙鳧

英華作重

英華作臣

乘鴈何補江海况敢貪不次之寵遺罔極之報因喪從
利以哀為祭此臣所以屢黷天威望迴神聽懇至之願
形于累表拳然待命唯聖慈察之臣無任

第七表

臣某言伏奉某月某日批勅矜臣荒謬之情許以殘喘
終喪使奉几筵獲展哀報陛下誕敷五教惇叙九族以
臣屬忝枝葉哀纏蓼莪恤以皇慈使及于禮天地之意
曲全人欲日月昭回下及苦廬伏讀詔書感懼交集仰
戴聖造若蚊負山屏營瞻奉惶懼殞越臣無任哀戴之
至

英華作涼

為譙郡唐太守賀赦表

英華作鬼

英華作湛

臣某言伏奉二月五日制書大赦天下喜氣動天榮光
被物百神踴躍衆庶悅豫臣某中謝臣聞大道所寶莫
先于慈聖人之德無以加孝陛下執大象以御物不得
已而用兵假一戎之威為萬物歎難再造區宇以匡黎
元慈之至也纂服配天不失舊物然後增鴻名以嚴父
正榮號以恭己元二本二尊二親二孝之大也猶慮物
有不遂其性政有不阜行俗如肆昔之恩与天下更始
滌瑕蕩穢燭幽及微風行物表鏡照海內雷作而萬戶
蟄振網開而三面鳥飛陽春無私品物何幸臣位忝邦
守預沐渥恩臣此字無任抃躍之至謹奉表陳賀以聞

為張濠州謝上表

英華作康

英華作天

英華作休

類表作州上訖

英華作守官

臣沐言頃隔身凶族待罪黃沙戮社釁鼓職臣之分陛
下照臣以日月之光察其微懇拔臣于縲紲之下授以
專城今日餘生實聖朝所賜寵章榮命豈賤臣之心碎
首粉骨未答天造今以某月某日到濠州上訖謹當竭
力官守正身率下勉勵苦節綏安疲人冀立犬馬之誠
或申絲髮之効無任感懼之至謹附表陳謝以聞

英華作是

英華作
緝綏

毗陵集卷第五

朝散大夫使持節常州諸軍事守常州刺史賜紫金魚袋獨孤及著

表下 十三首

為江淮都統賀田神功平劉展表

為杭州李使君論李藏用守杭州功表

為江淮都統奏破劉展兵捷書表

為江淮節度奏破餘姚草賊龔屬捷書表

為張洪州謝上表

為獨孤中丞天長節進鏡表

為獨孤中丞謝讓官爵表

為獨孤中丞謝賜紫衣銀盃等表



謝濠州刺史表

謝舒州刺史兼加朝散大夫表

謝加司封郎中賜紫表

謝常州刺史表

常州奏甘露降松樹表

表下 十三首

為江淮都統賀田神功平劉展表 上元二年

臣某言得田神功等狀稱官軍以正月二十六日過江
大破賊衆擒元惡于秣山之下完殘撲滅江界無事臣
某誠歡誠喜頓首頓首臣聞四時成歲秋為司殺故聖
人則之以作五兵蓋姦宄寇賊或乘釁而起則干戈弧

英華作寶

英華無
故字
則字

英華作詔

英華作云我

矢亦有時而用自陛下率遏亂畧再造區宇揔槍旬時
竹破瓦解鼙爾狂狡敢干天誅作為長蛇薦食江漢乃
矯誣我天命攘竊我王師暴殄我城邑俶擾我疆鄙荆
吳之人若墜泉谷萬姓業業奔走無所陛下神聰不測
睿筭無方將欲擒之必固縱之先侈其心而厚其毒然
後制勝兩楹之下授畧千里之外使神功等一戰而陷
陣再戰而逐北三戰而擒其渠魁繫頸以索覆巢傾穴
刮野掃地如列風之破駭浪嚴霜之隕落葉浹辰之內
平揚州定淮南下朱方收三吳流亡者復故業塗炭者
返壽域扇以皇風與之更始遂令東土耆老復見漢官
威儀非陛下乃武乃文之鴻烈日用不知之玄化孰能

英華作始

英華作卯

英華作墜

英華作舊

英華作神

英華作殆

英華作士

英華作始

英華作嶮

陰騭聖功如此其速臣無任慶抃之至

為杭州李使君論李藏用守杭州功表

臣某言臣聞當逆賊劉展擁兵過江之日變起倉卒鋒不可當人心動搖物情危駭五道節制望風潰敗自淮而南至于海隅遂無敢保一城能守一節者唯少府少監李藏用以宗室近屬憂國如家臨危抗憤忠勇奮發收聚散卒糾合義師挺身履險出萬死一生之地與賊轉戰堅守蘇州相持經月殺獲過當使兇徒逆黨鋒銳挫斃自此王師載張賊眾知懼其後以外援不至眾寡懸絕遂移師就險退保杭州當此時江淮諸軍已散平盧之師未至三分全吳賊有其二藏用且募且戰獨守

二字英華作賊徒

英華作戰士

孤城以忠義感激令驍雄樂用旬月之內致死士三千賊遣偽將張景超孫待封等盡銳率眾分道來攻藏用與將士等戮力一心義形于色殊死決戰奮不顧身遂能兵鋒所加無不摧陷皆一舉盡敵覆而屠之前後俘斬虜獲至數萬計向使非夫人之力扞此州之境則江介土宇盡為戎疆海隅蒼生非復我有由是浙江之外南至閩嶺士庶免有波逆道路窮寇不敢塘揆藩籬屏息風波宴然百姓樂業父不喪子兄不哭第藏用之功也今都統使停本職已罷孤軍無主莫知道從將士噉噉未有所隸天聽高邈無人為言遂使殊勲見委忠節未錄口不言賞亦不及伏恐非聖朝旌有德表有功

英華作西

英華作能

舊疑脫誤案英華無屏息二字便可讀

英華作賊

英華作以

英華作無有

英華作之

之意今逆寇雖爾人心猶携山陬海島往々結聚睦州
草竊為蠹尤深唯憚歲用之兵是以未敢進逼若此軍
一散必羣盜交侵則臣此州危亡是懼伏望早降恩旨
以答其勤錫之勲策委之戎政俾總統所領以鎮遏江
表寔江東萬姓顛々之望艱難之際人多二心以宗子
維城智勇如此必能寇賊姦宄不敢窺伺間隙則江淮足
以高枕而卧陛下可無東顧之憂臣屬忝葭莩任居牧
守安危之分臣實預焉臣無任懇款之至

為江淮都統使奏破劉展兵捷書表

肅宗上元二年

臣聞聖人之生不能使大盜不起唐堯之代時則有四
凶在列王制所以誅不恪討不庭小者市朝大者原野

英華作虞

史下英華有臣字

英華作據

英華作德裕一作德容

姦宄草竊何代無之劉展包藏禍心為日固久敢肆奸
慝乘間阻兵長驅凶徒掩臣未備以偽言亂政謂天命
在已于是有豕食淮泗鯨吞荆吳之心使黎庶播越人
神憤怒臣職司靖難敢不戮力當憑廟略以殄寇讐謹
遣副使少府少監攝侍御史李晟用屯兵杭州伺隙進
討且分處隘害以遏其唐突賊眾扭于初役師輕而驕
不虞我軍能折其銳也乃于今月三日使其偽將軍張
幹朱法雲等領步卒七千馬軍六百徑入杭州東門焚
燒閭閻鼓譟而進藏用引其精卒設伏于途羸師張之
使入死地然後整堂々之陣以薄其壘使左廂兵馬使
潭州長史李澄右軍左一將張岩光先鋒將李強李陵

英華作久矣

英華作楚

英華作將

四子英華作驕舞輕脫

英華作陰

等佐之都押衙高幹為右軍左押衙楊履和都虞候魏
守寂佐之左二將皇甫山栖左三將梁朝康承寤左四
將吳季之李楚玉顏光胤等督遊軍之騎以彌縫其闕
表裏合戰奇正夾攻以將帥之餘勇因黎元之積憤奮
皆敢死登必先赤羽交而三軍風生金鼓鳴而萬夫
氣作自卯至午覆而敗之神扶電怛雷落山破噍類無
餘隻軍莫返鋒鏑之血朱殷長江甲齊崇山尸作京觀
寔賴陛下聰明齊聖與日月合故能慮圖發于樽俎而
威靈加于遠方臣等盡敵如拾芥成功如指掌惡氣殄
稂掃蕩無日海隅蒼生比屋何幸無任慶快之至

為江東節度使奏破餘姚草賊龔厲捷書表

照字据英
華補
英華作抵

代宗

英華作三苗

英華作隘後
篇作險

英華作取

英華作得

合英華作散

後篇作水

臣聞皇天分時秋為司殺王者立極兵以禁暴唐虞有
共工苗人之患殷周有鬼方昆夷之戰蓋蠻夷猾夏自
古有之自頃胡寇作逆吳越震恐龔厲父子乘間起兵
劫明州之人略餘姚之地負阻海口憑陵江干蟻聚偷
安蠶食分給屬王師北伐未遑南征逮茲二春侵掠益
甚將擬復東甌故地窺南越僭迹邊邑黎庶為之騷然
臣方荷推轂之寄懷盡敵之計思所以扶乘天威圖制
遠畧料其貪而無整勇而無剛鳥獸散聚不足當堂二
之陣山潛海匿不足用桓二之師難以力制易以計滅
臣遂遣軍將潘景蘭領輜馱數十輩偽為商旅傷山谷
往來以餌之又遣軍將呂道光領拍搏刀手一百人取

英華作年

英華作軍將

英華作二

後篇作兵

英華作一

其便道為伏以待之遣軍將左璋率弩手一百五十人為左翼將軍將余能變率弩手一百五十人為右翼皆三吳良家百越勁卒爭賈餘勇樂于公戰蓬頭突鬢效騎火烈相為輔車夾敵之路又遣軍將張思覽率拍刀手一百人為中軍操中權之制以節其進退以三月二十九日至青烟洞口果如臣策賊遂出山先者遇伏鼓譟合戰于是奇正畢舉四軍夾攻賊眾奪氣不知所守飛鞬雷動飛鏑雨集轉戰四十里殺其三百餘人龔厲尚稽天誅且偷畧剽收合餘燼八九十人更登高堙背山借勢張思覽等連弩亂發引軍合圍天啟揚而勇士厲銳氣作而妖星殞遂斬元凶父子擒其妻孥餘黨僵

英華作數

英華作並

一作六

英華作同

英華作同

後篇作請

仆原隰脂膏草莽猶恐蔣潢翳蒼尚有伏姦遂攬山搜谷刮野掃地傾其巢窟返旆而旋累載逋誅一朝撲滅非陛下聖謨神策與天合契制勝兩楹加威四海則安能剪材狼如拉朽掃摠槍如拾芥使吳越又安江漢澄廓臣受鉞未幾覩茲成功無任慶快之至謹差攝福州泉山府別將左璋奉提書以聞并齎逆賊父子頭奉獻伏望懸之藁街以示百姓其餘首級于當州梟示訖所獲賊物各令分賞將士器械官收山海餘妖自取誅滅既非強敵不足叙功謹錄奏聞

懷玉按此篇在文苑英華五百六十六卷中所謂後篇是也

為張洪州謝上表

英華洪州下有刺史二字

臣某言伏奉某月日勅除臣使持節都督洪州諸軍事

英華作府

英華作榮
類表作秩

洪州刺史充洪撫等七州都防禦觀察等使臣才不如
人位忽過量仰戴天造兢兢然自失臣某誠惶誠恐頓首
頓首臣往歲祿山以盜泉飲臣：受左衽之辱而不能
死陛下以鴻私活臣：荷乾坤之施而不能答徒竊寵
祿三典藩郡至如俗阜不擾人或小康此寔克風被物
比屋日用敢貪天功以為己力不謂陛下獎勸是務以
臣為勤自春徂秋凡三錫命九州之伯臣忝其一况豫
章重鎮荆揚奧區五嶺控其南九江在其北連帥所統
安危是繫分憂之寄豈臣足當負荷恩輝懼墮越于下
今以某月日到所部止訖謹當靖恭守位夙夜在公宣
皇猷以導風俗伏天威以訓師旅庶以四境無虞百姓

光
于下二字据英華補

英華作軍
類表作軍
于上疑

或字据英華補

輯睦為報力不足則繼之以死臣之分也敢有二事臣
無任喜懼之至謹奉表陳謝以聞

至下七字
据英華補

為獨孤中丞天長節進鏡表 肅宗

臣某言臣仕于太上聖皇之朝早蒙寵秩位至剖竹任
兼干城摩頂至踵皆聖皇所賜陛下又不以臣菲薄加
臣憲威殊私降臨榮命重疊臣頃雖罄誠竭節竟未能
夷凶靜難思所以仰酬天造緬邈無階以去年五月五
日于淮陽鑄上件鏡欲獻之行在為聖皇壽冀伸犬馬
之意臣子之心屬材狼方熾道路艱阻懇願空積上達
無由今宸極正而乾坤貞觀驚塵收而日月開朗當白
露盛序之秋是黃河澄清之日臣幸逢佳節願展微誠

英華作氣霧

謹遣下英華
有某官二字
英華作工黷聖
聽

謹遣某乙進上件二鏡一獻聖皇一獻陛下輒以愚懇
上續聖壽臣伏以聖皇報契垂化有如金玉之潤陛下
時乘馭天騁飛龍于國步臣故以金龍飾鏡以表聖德
伏冀織塵莫翳朗鑒長懸挂仙臺而如日之昇含品物
而無私不照而臣之肝胆亦庶呈于此輕黷宸扆越
交深臣無任

為獨孤中丞讓官爵表

臣間仕非其賢則負乘之寇至寵過于分則尸素之患
生所以建官者必惟賢是擇就列者亦量力而處臣幸
以駑蹇遭逢盛明頃當遏亂之日謬以專城見委雖常
嘗胆歷年然未有以報國陛下獎臣微効驟加崇班以

執憲剖符之職兼推轂授鉞之寄位至十連澤及三族
臣豈不知踰涯越分冒寵叨榮顧凶黨尚存王師未戢
當聖主宵衣之日非臣子釋負之秋是以勉勵疲朽不
敢陳讓然爾來竟未能奮一奇展一策掃蕩寇賊仰酌
恩私而事乖誠願又加風疾無功而當厚賞抱病而處
大藩尸位曠職臣實增懼今聞大軍長驅已濟河圍鄴
祇氛沴氣朝暮廓清聖朝方當橐弓矢而休牛馬搜俊
又以備鴛鴦豈臣菲薄之質疲蕭之身所宜猶握兵要
仍居寵秩使上黷朝倫下連官謫以臣固陋猶知其不
可况陛下聖心予伏乞特降睿慈矜臣疇瘵許臣停官
養疾以避其賢良則縷之餘生于茲幸甚臣無任感

戴之至

為獨孤中丞謝賜紫衣銀樂碗等表

臣某言今月十九日越州長史盧漸至伏奉某月日勅書特賜慰勞聖藻御札降臨自天二月三日中使劉光俊至又奉宣口勅賜臣衣一副銀樂碗等各一兼百索一筒紫衣十副分賜用命將士端午續命推心而澤流萬里頒賜而慶及三軍臣等捧戴恩渥殞越是懼臣某誠惶誠恐頓首頓首臣拔自周行見委戎律受金鉞分竹符荷天之寵歲一周矣竟未能虔奉廟畧誅鉏殘寇使邊烽尚燃虜馬未却臣之罪也陛下不以臣官非其據任重予力而驟降殊榮累加厚賜天文下矚而星辰爛燦宸翰俯臨而烟雲飛動况盤盂器用章服繒絲賜

一作素

臣為壽施及行間投醪之恩未足言醉挾纊之德曾何喻暖臣等雖勉勵忠勤誓清塵霧然絲髮之效未展雨露之渥亟加揣分循涯臣懼深矣謹當宣皇恩以勵將帥奉師律以練甲兵必使江海無虞士卒知訓然後畢力殄寇以答鴻私臣無任

謝濠州刺史表

英華作濠州刺史謝上表

臣及言臣伏奉今年五月一日勅授臣使持節濠州諸軍事濠州刺史臣頃待罪禮官備位即署職曠無補增懼且愧陛下不以臣愚擢居二千石之列今之刺史古之諸侯州人安否繫在一吏臣非其才無以稱旨奉詔之日懼又甚焉以閏六月十二日到所部上訖唯當奉

英華作

英華作到任所

臣典濠州無政可紀
人幸不擾時和所致
流者稍復年登之力
臣敢貪此以為己能
陛下過聽驟降殊
獎英華既增之秩
又命以服無德受
賞魏媿幸孰甚焉
仰戴皇渥穎表且
榮且懼今以九月
二十七日到州上訖

經積年寇盜瘡痍
之後百姓流竄英華
十不一存臣以奉宣
聖慈與之休息勞
束鰥寡薄英華
後賦是以英華
招攜亡者撫業存
者庶經秋之後願
或頗或英華安集
非白能爾冀竭力
焉臣無任感戴之至
謹奉表陳謝以聞
無任下十一字英華
補

謝加司封郎中
賜紫金魚袋
臣及言伏奉三月一
日勅加臣檢校司封

宣聖猷竭誠帥下瞻英華天造英華酌英華無階英華無任喜懼之至謹附驛奉表

臣及言臣伏奉七月十八日勅加臣朝散大夫使持節
舒州諸軍事兼舒州刺史充當州團練守捉使仍知淮
南岸當界緣江賊盜賜紫金魚袋殊榮厚渥驟鍾臣身
且喜且駭以愧以懼臣聞堯舜建官三考黜陟漢氏二
千石以循良稱者于是有璽書勞勉增秩賜金之制臣
到官始半歲職事未有所稱補見在戶口總皆地着其中
鰥寡疲弱不能自存者十猶六七徵遣征賦未嘗及期
此臣政不逮及不任之效獲宥罪戾幸固深矣豈謂皇
恩驟降復以古典命臣加位授服寵過臣量伏讀詔旨

懼孰大焉此則古荆舒之地詩人懲其剽輕復當賊寇
度劉比屋流亡之後其人心已難安易動况加徭役稅
斂日不獲已緩之則驕急之則散輯柔底綏之道尤非
愚臣所及伏思夙夜勉勵力安斯人省事以慰其愁示
信以杜其諍亦異俗稍務本人漸足食使貢賦之入歲
增月長三歲大比以版圖歸于有司犬馬之心也敢有
二事臣無任感戴之至英華補

謝常州刺史表英華補
刺史謝上表

臣及言臣伏奉去年十二月二十三日勅授臣使持節
常州刺史充常州團練守捉使臣伏以江東之州常州英華
為大陛下不以臣不肖拔臣于羣吏之中以考則年未

郎中使持節舒州諸軍事兼舒州刺史充當州團練守捉使仍知淮南岸當界緣江賊盜

類表作泰

久以勞則功無可錄而除拜之次加于人一等臣及誠惶誠恐頓首頓首臣往歲嘗忝諫官歷博士尚書郎之秩雖備嘗獻納累黷天聽竟無絲髮裨補明盛及典濠舒二州出入七年又不能副陛下政平訟息与我共此之嘆至如流人自占旱不為灾寔由陛下當勤恤之初下哀痛之詔寬減租稅入三分之二是以和氣傷感災变为福一流臣州人是以又臣寧敢貪天功以為己力今陛下賜臣詔曰斷獄歲減流庸日歸以人俗之豐給當准湖之災早陟爾明效宜列中朝臣無其實謬奉殊獎伏覽聖旨惶悚殞越况陛下厲精百揆之始日以克吁舜咨傷求後造或經時不除一吏除必以公才為先

英華作

盛明

英華作雨

顧字英華作欬
魁二字

苟非其人位不虛授縉紳之輩僥倖望絕臣當如此獨荷榮異人之多幸將自臣始致寇速謗憂寔自貽今以三月十七日到州上訖雖顧勵疲鈍增修吏職懼力不逮上累皇明奉詔夕惕且慙且駭無任感戴喜懼之至謹奉表陳

常州奏甘露降松樹表

臣及言臣州內廳東階下二松樹自今年十月十三日夜至今月十八日夜前後二十七度甘露下降樹根株葉露洒皆遍潔白凝馥味同飴蜜餘溜滴地委積成泥傾州官吏咸共祭觀臣謹按鵬冠子云聖王之德上及太清下及萬靈則甘露下瑞應圖曰王者德至于天則甘露降松柏陛下寔行慈儉懷柔遠近無為之政与太

如此二字非沿類表之誤英華作此時是

英華作勤

古同風故天下氣和合而成瑞况休徵感應之始當陛下降生之日皇符昭晰天意炳煥蓋表聖壽寶曆將与天比崇臣為州三年無績可紀疲朽何幸目覩禎祥臣無任喜忭之至謹奉表以聞伏望宣付史館

毗陵集卷第六

朝散大夫使持節常州諸軍事守常州刺史賜紫金魚袋獨孤及著

議九首

景皇帝配昊天上帝議

故太保韓國公贈太師苗晉卿謚議

故御史中丞盧奕謚議

故左武衛大將軍使持節隴右節度經畧大使

兼鴻臚卿御史大夫中丞贈涼州都督大原郡開國

公郭知運謚議并酌答三首

故江陵尹兼御史大夫呂諲謚議并酌答三首

行狀一首

唐故尚書祠部員外郎贈陝州刺史裴禎行狀
議

景皇帝配昊天上帝議

永泰二年

謹按禮經王者禘其祖之所自出以其祖配之凡受命
始封之君皆為太祖繼太祖以下六廟則以親盡迭毀
于太祖之廟雖百代不遷此五帝三王所以尊祖敬宗
也故受命於神宗禹也而夏后氏祖顓頊而郊鮌續禹
黜夏湯也而殷人郊嚳而祖契革命作周武王也而周
人郊稷而祖文王則明自古必以首封之君配昊天
上帝唯漢氏崛起豐沛豐公太公皆無位無功德而可以
為祖宗故漢以高皇帝為太祖其先細微故也非足為

英華作而以祖

英華無以字唐志會要有英華作而

文粹無氏字

英華無細字

文粹作成

一字文粹但作部禮高祖非

英華作尊

失孰甚焉舊唐志孰莫大焉會要作孰將甚焉

後代法伏唯太祖景皇帝以柱國之任翼周弼魏肇起
王業建封于唐高祖因之遂以為有天下之號天所命
也亦猶契之封高后稷之封即禘郊祖宗之位宜在百
代不遷之典郊祀太祖宗祀高祖猶周之祖文王而宗
武王也今若以高祖創業當躋其祀是弃三代之令典
遵漢氏之末制黜景皇帝之大業同于豐公太公之不
祀返古違道罪孰甚焉夫追尊景皇帝廟號太祖高祖
太宗所以崇尊二之禮也時更七聖載經二百名臣碩
儒備經討論未嘗有獻同異于宗廟今將議其全典變
更先聖制度曷知其可若配天之位既易則太祖之號
宜廢祀之不修廟亦當毀尊祖報本之道其墜于地乎

文粹作代

三字英華作崇尊會要作尊崇

禮文二字英華作
禮之舊文
自謹稽至之制唐
志作謹稽禮文參
諸往制

漢制擅議宗廟以大不敬論今武德貞觀之憲章未改
國家方將敬祀以和神于禘郊之間恐非所宜言謹稽
禮之舊文參諸夏殷周漢故事配食天帝之制請仍舊
典謹議

故太保贈太師韓國苗公謚議

漢王按此題與目不合文粹又
作唐並相故太保贈太師苗晉卿

太師稟天純懿為唐股肱兩朝當國庶績惟允論道敷
政送往事居協恭秉彛動因遠德惠和以懋其事明哲
以保其身昔嘗懸衡九流剖竹四郡刃尺之下無滌用
襦袴之間無負人洛陽居守東夏輯睦天寶之季二京
為戎皇輿西狩億兆左衽太師踐危機不易心處橫潰
不忘國奮身拔蹟于豺狼之口道不污而節不奪忠

文粹作滌

文粹無年字

之大者至德乾元年中天下多故皇綱未張肅宗循漢
宣故事用刑名繩下而太師以曹參為師持清淨守職
勵翼王度將順事典人亦寧一厥猷茂焉能知人能官
人慎選乃僚言刈其楚至有拔羣萃而取公器不五六
年比肩袞職者光映策府當代榮之漢史稱胡廣與故
史陳蕃並為三司太師有焉夫九德咸事寬之為首百
工惟時能哲則惠宜其享天眉壽為國元老古者生以
行觀其志歿以謚易其名謚之美惡視行之大小後代
或三字以表其德貞惠文子是也或二字以彰善節文
終侯留文成侯是也蓋有績大名盛則禮優謚崇太師
德冠播紳位侔周召將加誅謚之制宜以節留為準謹

文粹作備

文粹作哲則能惠

二字文粹作其跡

按大戴禮體和居中曰懿文賢有成曰獻稽千載之令
典合二名以配德謹諡曰懿獻謹議

故御史中丞盧奕諡議

時任太常博士

朴字舊唐書會
要同英華作而

先策高足四字英
華作競先策高足

英華指言下有之
字諸本無

英華無感憤二字
文粹無猶感憤慨
至變色十九字

盧奕剛毅朴忠直方而清勵精吏事所居可紀天寶十
四載洛下覆沒于時東州人士狼狽鹿駭猛武磨牙而
爭其內居位者皆欲保性命而完妻子或競先策高足
爭脫昇穀或不耻苟活甘飲盜泉奕獨正身守位義不
去以死全節誓不辱勢窘力屈以朝服受執猶慷慨感
憤數賊梟境之罪觀者股慄奕不交其色西向而辭君
然後受害雖古烈士方之者鮮矣或曰洛陽之存亡操
兵者寔任其咎非執法吏所能抗師敗將奔去之可也

英華作虎

英華位下有
踏字諸本無

英華無君字
舊唐書作西
北面辭君會
作西面辭君

文粹無敗字

文粹有而字

舊唐書文粹作
於忠

舊唐書不避上有
食焉二字

文粹作石正

會要二唐書悝
下有栗字

舊唐書作特操

委身寇讐以死誰懟及以為不然勇者禦忠者肅必社
稷是衛則生死以之危而去之是智免也忠于何有益
荀息殺身于晉不食其言也仲由結纓于衛不避其難
也玄冥勤其官而水死守位而忘軀也伯姬待保姆而
火死先禮而後身也彼四人者死之日皆于事無補夫
豈愛死而賈禍也以為死輕于義故蹈義而捐生古人
書之使事君者勸然則祿山之亂大于里克孔悝廣察
之任切于玄冥之官分命所繫不啻保姆逆黨兵威烈
于水火于斯時也能與執干戈者同其戮力挽之不来
推之不去豈不以師可虧免不可苟身可殺節不可奪
故全其操持于白刃之下孰与夫懷安偷生者同其風

舊唐書作
昔

英華無
而字

舊唐書作
甚

文粹無夫
字

舊唐書曰作身
下同

英字據英華補
下同

英華無五子

文粹同英華作備

哉謹按謚法圖國忘死曰貞秉德遵業曰烈矣執憲戎
馬之間志藩王室可謂圖國矣危不能救而繼之以死
可謂忘死矣歷官十一任言必正事必果而清節不撓
去之若始至可謂秉德矣先時黃門以直道佐時奕嗣
之以忠純可謂遵業矣請謚曰貞烈謹議

故左武衛大將軍持節隴右節度經畧大使
兼鴻臚卿御史中丞贈涼州都督太原郡開
國公郭知運謚議

博士獨孤及議曰郭知運驍勇有謀善用兵起行間為
唐大將當時唐興百餘載矣天下充富太倉有二十年
之蓄玄宗循漢武故事方銳意拓土知運適與時會遂

英華作
推

文粹有於
字

英華有扶
字

英華作獨

文粹作其

乘天威奮其材力敵與虜確故能破嘿吸可汗以靖其
北庭敗吐蕃誅康待賓隴砥以西烽火為息慰薦麾下
吏士任必才往超倫績用茂著王君奭以果勇代處
今聞之寄牛仙客出將入相以清幹信謹稱斯文獎拔
之明也當時議者謂知運與郭虔瓘王峻薛納並為中
興名將至今隴上將士思之或有起祠宇於故城遺壘
尸而祝之者上元中肅宗加太公望以武成王之號知
運列于配食之位則是勲伐事業宜有以美稱易其名
者謹按謚法服反懷遠曰威易曰孚威如繫辭曰孤矢
之利以威天下虞書曰董之用威傳曰非威非懷何以
示德則威者聖人所以佐仁義以齊天下者也施于名

英華文粹
無其字

英華作記

通典會要有所
以二字

英華無間字

英華無之字

文粹作過

號可以表將帥之德請謚知運曰威謹議
左司員外郎崔履議曰郭知運承恩詔葬向五十年今
請易名竊恐非禮謹按禮經云禮時為大又曰過時不
為禮也昔衛公叔文子卒將葬其子戌請謚于君曰日
月有時將葬矣請易其名者蓋時不可踰也節度既名
不浮行數紀之間前門生故吏已合謀謚今乃申請竊
將有為而作節度嗣子又頃屬多故屢制方隅朝廷
策勲位表端揆附從者竊不中之禮會无妄之求况節
度當開元之初贈特加碑誌並建皆出恩命追悼之
遇亦已當矣今又鹵莽外干典章追送往之闕遺故將
來之冒昧况今列土者接軫專征者百輩若率而行之

會要有餘
字

通典會要
有及字

通典有卒
字

文粹脫之
字

英華作端
等

誰曰無請不唯有司疲于簡牘抑恐名器等于草芥雖
欲曲全竊將不可又禮經云已孤暴貴不為父作謚若
若節度合謚而不以其時則嗣子廢先君之德若不合
謚而苟遂其志則先君因嗣子而見尊以僕射而言之
恐貽越禮之議以國家而言之又殊旌善之體請下太
常重議謹議

英華無之
字

重議郭知運

博士獨孤及議曰禮時為大順次之將葬易名時也有

文粹作古有
非

英華無五字

一率師下有太子少
葬有嗣六字
二字通典會要作
三百禮經三千威儀

故闕禮追遠請謚順也假如諸侯五月而葬魯惠公之
薨也有宋師至隱公元年十月而改葬不以踰時廢禮
又公叔戌請謚適當葬前謹按禮經魯不言已葬則不

英華有而字

英華作貴位

舊作政据英華
改通典作征鎮
其字通典會要作
而其間有

可追謚况帝王殊途不相沿襲新禮則死必有謚不云
日月有時今請易名者五家無非葬後苗太師一年矣
呂諤四年矣盧奕五年矣顏真卿八年矣並荷褒寵無
異同之論獨知運以其子不幸遂以過時見抑苟必以
已葬未葬為節則八年與五年其緩一也而与奪殊制
無乃不可乎議云已孤暴貴不為父作謚此謂其父無
位而子居大官不當以己之貴加榮于父也禮不云子
父為士子為大夫葬以士禮若知運者處方面既位列
九卿茂勲崇名与衛霍侔飾終之禮宜加于他將一等
豈特因依嗣子然後作謚今之專政者雖逢風雲化為
侯王其祖父爵位与知運齒者鮮矣奈何懼名器等于

通典作何乃

吳本作真非
會要作後

看字下通典會
要有辛夕延居
敗卑隸之中九子

通典會要作廢

英華作秦

文粹無寵字

草芥以是殺禮竊謂近誣乾元以來累有詔追贈百官
祖父内外文武具察之先悉蒙恩錫或音徽久沫或墓
木已拱受大名貴位于九原者以萬數未嘗以沒代遠
近為限夫贈謚一也贈者一時之寵謚者不刊之令今
以歲久而廢易名是王澤決于天下而獨隔于一人也
當開元二年吐蕃以舉國之師入京五原塞擊柝之聲
聞于咸雅知運与鄯虔璿討平之以張王室當時微知
運則沂隴之西左衽是懼今朝廷方出將以征不服討
不庭宜褒寵之以勸握兵者安可以葬久而廢大典况
夫謚法者蓋考其言行事業之邪正必以字褒貶之使
生者聞其美謚而慕觀其惡謚而懼不待賞罰而賢不

四字英華作
方將命師

肖皆勸是一字之謚賢于三千之刑本非為沒者之子
孫以為哀榮寵贈之具假令知運無子且未嘗立勳苟
位至上將則謚不可廢豈以其子之存亡為請謚之可
否竊稽載籍徵諸舊章易名之禮請如前議謹議

故江陵尹兼御史大夫呂諲謚議

文粹故上有
唐並相三字

呂諲任職從政聰敏肅給能以才智潤飾吏道至德中
與三司同鞫大獄獨引律文附會經義而平反之當時
卒用中典諲參其論在台司鑿鑿雖無匪躬之能然平
章法度守而弗失其為荊州一年有成號令明具賦歛
均一物有制而事有倫大抵以威信為主戮陳希昂按
申太芝之奸而三楚之人悅服厥功茂焉自至德以來

文粹有矣字

文粹有矣字

文粹作棒

荷推轂受賑之寄處方面者數十輩而將不驕卒不墮
政修人和如諲者蓋鮮豈不以人散久矣而兵未戰挹
濁流者難俟清整琴絲者難為功諲當此時能以慈惠
易其疾苦且訓其三軍如臂使指闔境無拔葵噉枣之
盜而楚人至于今猶歌詠之此其才畧必有過人者雖
欲勿褒之其可乎按謚法威德克就曰肅禁暴威也愛
人德也考禮議名而擬諸形容請謚曰肅謹議

度支員外郎嚴郾議曰伏以故相國江陵尹兼御史大

附嚴郾議

夫贈吏部尚書呂公諲昔在先朝累當大任至德之初
天步艱難公首披荆棘扈蹕靈武忘軀進忠一日三接
先朝察匪躬之節納沃心之議爰立作相弼諧神人其

事作戰折文
粹改

文粹有其字

嘉謀嘉猷獻可替否之跡入則造膝出則詭辭溫樹不言難可得而知也至有爛焉明白欲益而章者請區而載之乾元收復之際西都衣冠多繫于三司詔獄御史中丞崔良器議事失入時宰相苗太師崔趙公等雖庭諍之然未堅決公有犯無隱引經正辭上是其言刑為之省所全活者益數百人明主收雷電之威聖朝行寬大之典者繫公之力也古者進賢受上賞書不云乎咎繇曰都在知人公踐台衡專以推賢任人為務故相國房公瑄故吏部尚書常公陟入登左職皆公之由今相國黃門侍郎杜公之蒞江陵也公薦在方面之任今相國中書侍郎元公之在度支也公咨以幕府之政曾未

文粹脫相字

文粹作霜

數歲而二相接武于上台天地交泰聖賢相得庶績咸熙五典克從者資公之舉善也則子皮之舉子產鮑叔之舉管仲蕭何之舉曹參武侯之舉蔣琬方之前人戒有餘地其在荆南也戢兵和衆令行禁止理績為天下最雖古之羊杜無得而踰今太常議荆南之政詳矣而曰在台司觀二無匪躬之能者乃抉瑕掩德之論非適中之言也國家故事宰臣之謚皆有二字以彰善旌德焉夫以呂公文能無害武能禁暴貞則幹事忠則利人盛烈宏規不可備舉傳叙八元之德曰忠肅恭懿若以美謚擬于形容請謚呂公曰忠肅謹議

文粹作中

博士獨孤及議曰呂諲任宰相曰淺當時謂肅宗躬親

文粹字及字

文粹字及字

文粹字及字

萬機庶政羣臣畏威奉職而已雖有謨謀于岩廊之上
莫由有知之者及其荆門之政為仁由己其畧見于事
其恩惠被于物其風謠存乎人故得而稱之議名之際
敢不闕其所疑而錄其尤著者有司之職也其闕實詔
獄在未執政之前已議之詳矣敢辱再告至若推進
名公使登大任既同温室之樹且行狀一所不載孔子
曰君子于其所不知蓋闕如也故不書今奉符令必用
二字且以忠配肅謹按舊儀凡歿者之故吏得以行狀
請謚于尚書省而考行定謚則有司存朝廷辨可否宜
在衆議今駁議撰謚異同之說惟故吏專之伏恐亂庖
人尸祝之分違公器不私之戒且非唐虞師錫僉曰之

文粹有八字

文粹字初
字非

例 文粹故下十字

文粹有時字

道昔周道衰孔子作春秋以繩當代而亂臣賊子懼謚
法亦春秋之微旨也在懲惡勸善不在哀榮在議美惡
不在字多文王伐崇周公殺三監誅淮夷晉重耳一戰
而霸諸侯武功盛矣而皆謚曰文以奠缺之格德臨事
審命之忠于其國隨會之納諫不忘其師言身不失其
友其文德不優乎而並謚曰武固知書法者必稱其大
而畧其細故言武不言文言文不言武三代以下朴散
禮壞乃有二字之謚二字謚非古也其源生于衰周施
于戰國之君漢興蕭何張良霍去病霍光俱以文武大
畧佐漢致太平其事業不一謂一名不足以紀其善于
是乎有文終文成景桓宣成之謚雖瀆禮盛甚矣然猶

褒不失人唐興參用周漢之制謂魏徵以王道佐時近
文直言極諫愛君而忘身近貞二者並優廢一莫可故
曰文貞公謂蕭瑀端直鯁亮近貞性多猜貳近褊言褊
則失其蹇正稱貞則遺其吝狹非一言所能名故曰貞
褊公其餘舉凡推類大抵准此皆有為為之也若迹無
殊途事歸一貫則直以一字目之故杜如晦謚成封德
彞謚明王珪謚懿陳叔達謚忠溫彥博謚恭岑文本謚
憲韋巨源謚昭唐休璟謚忠魏知古謚忠崔日用謚昭
其流不可悉數此並當時赫々以功名居宰相位者謚
不過一字不聞其子孫故吏有以少稱屈者由此言之
二字不必為褒一字不必為貶若褒貶果在字數則是

文粹作武靈

文粹字為字

文粹無至字

堯舜禹湯文武成康不如周威烈王慎靚王也齊桓晉
文不如趙武威魏安釐秦莊襄楚孝烈也杜如晦王珪
以下或成或明或懿或憲不如蕭瑀之貞褊也歷考古
訓及貞觀以來制度似皆不然今奉所議云國家故事
宰相必以二字為謚未知出何品式請具示請當以為
按據若忠者臣事君之常道苟靖恭于位誰則非忠非
有炳然之異則不以為謚至如議獄緩死任賢舉善德
之美者然爾者威德克就之名足以表之矣月令曰孟
秋天地始肅詩曰曷不肅雍又曰肅々王命仲山甫將
之肅嚴也敬也忠之屬也天地不肅則歲不成宗廟不
肅則禮不立軍旅不肅則人不服肅之時義大矣哉以

諛之從政也威能開和德可濟衆故以爾易名而忠在其中矣亦猶隨會竇侖之不稱文豈必因而重之然後為美魏晉以來以賈詡之籌筭賈逵之忠壯張既之政能程昱之智勇顧雍之密重王渾之器量劉恢之鑒裁庾翼之志畧彼八君子者方之東平宜無慙德死之日並謚曰爾當代不以為貶何嘗徵一字二字為之升降予謹上稽前典下據甲令參之禮經而究其行事請依前謚曰爾謹議

行狀

唐故尚書祠部員外郎贈陝州刺史裴公行

狀

本作重据
文釋改

本作徵据
文釋改

英華作公非
英華作唐

曾祖仁基隋光祿大夫行左光祿大夫皇朝贈使持節都督原州諸軍事原州刺史謚曰忠祖行儉皇朝銀青光祿大夫禮部尚書聞喜縣開國公贈太尉揚州大都督謚曰猷父光庭皇朝光祿大夫行侍中兼吏部尚書正平縣開國男贈太師謚曰忠獻絳州聞喜縣崇慶鄉太平里裴禎年若干行狀公天姿英拔德宇宏曠顯昂公器磊珂高節武庫森戟玉山照人起家以門調補千牛備身歷太子通事舍人太常寺主簿是時萬邦方乂獻公當國天子垂衣穆清以有天下而衮職之闕疇咨之府公入則竭力出則匪

英華作又

英華作網

英華作倫

英華作尋

躬外詢輿人以備過庭之問陰薦多士用弘審官之選
 既而濟之俊又爛盈東閣邦之得賢于斯為盛畫一之
 詩作而嘉魚之頌興公之裕新蠶也轉京兆寺司錄參軍
 輦轂之大網轄之劇牒訢浩穰文墨填委公投及餘地
 而大却斯批若網在條而衆目不紊談笑之際簿領爾
 如論者知逸驥之足方自此始開元十一年獻公捐館
 惇然在疚哀越乎禮會執事者醜正作福怙寵匿怨乃
 因喪乘豐將逞憾于我言之如簧上亦投杼公乃銜恤
 進牘叫閹抗憤危言自明至誠苟感由是宗祏垂祉高
 天聰迴恩方照微神亦悔禍卒令臧孫有加等之葬公
 業有不忘之嘆公之克家也服闋授起居郎載筆赤墀

英華作葬
英華作禮

英華作然

書法不隱開元二十四年三庶人以罪廢事出宮闈
 生飛語時壽王以母寵子愛議者頗有奪宗之嫌道路
 惘嘿朝廷疑懼公乃從容請間慷慨獻諫上述新城之
 殷鑒下陳戾園之元龜謂興亡之由在廢立之地天子
 感悟改容以謝因詔以給事中授公曰陛下絕招諫
 之路為日固久今臣一言而荷殊寵則言者衆矣何以
 錫之上善其敏而多其讓乃止不拜尋除尚書祠部員
 外郎恪居禮闈休問惟穆弘濟之畧固為己任于時播
 紳高議方以青雲期公不弔昊天降此短曆開元二十
 九年某月日薨于第春秋若干君子謂公貂蟬之葉瑚
 璣之器壽不及黃耆名不登明堂天亡其其孤趙之勳

英華作同

英華有私字

成宣之德也非昌其身必大于後果介繁祉有才子四人長曰倩尚書駕部員外郎兼殿中侍御史江西道租庸鹽鐵等使次曰倣尚書司勳員外郎兼殿中侍御史參中軍元率雍王軍事次曰倚殿中侍御史試守萬年縣令季曰侑太原府榆次縣尉構厦瓌材切玉利器價敵三虎族擬八王朝廷褒之方倚以成務元年春建辰月肆大眚命有司錄勲追舊於是詔贈公諫議大夫猶以禮未超倫位不克德秋八月詔曰贈諫議大夫裴某操履貞純器能溫敏素推雅望嘗踐清班志業屈于當時風猷悲于既往願其胤久在周行雖禮及前修已申追遠而恩霑後命宜有贈榮俾高列岳之班更表重

英華作令

英華作戎

英華作以

泉之飾可贈使持節陝州刺史禮也公天機超邁雅有大畧氣直而溫性擾而毅貞可幹事善足救物外坦蕩豪舉朗然不羈內敦敏純固忠而能力至若輕死重義貴身賤名視錢帛如糞土戲公卿若草芥其于臨危機臨大節則氣冠貴育勁侔風霜未嘗以得喪夷險薑芥于胸臆詩云昭明有融高朗令終公實有焉謂宜荷天之休俾熾而大龍泉未試隙駟先往天子斯才而有斯壽今寵優以命澤及九原已伸追遠之恩請追易名之

英華作刀

英華作險

英華作乃

一作泉

英華作沐

典

寶應二年某月日故吏某官某謹上
尚書省考功夫存以行觀其志沒以謚表其德則名實

英華作謹狀上

英華作宥

英華作美

英華作寵荷

令章

不虧善惡知勸謹按故尚書祠部員外郎贈使持節陝
州刺史裴稹鼎鉉公族珪璋令名孝克負荷忠能匡諫
宏圖方壯利涉未息舟壑既遷音徽已沫命官褒德合
荷寵章考行飾終敢徵前典謹上

毗陵集卷第七

朝散大夫使持節常州諸軍事守常州刺史賜紫金魚袋獨孤及著

銘 三首

仙掌銘 并序

古函谷關銘 并序

洪州大雲寺銅鐘銘

頌

慶鴻名頌 并序

碑

陳留郡文宣王廟堂碑 并序

阮公嘯臺頌 并序

論

吳季札論

銘

仙掌銘

并序

陰陽開闔元氣變化洳為百川凝為崇山：川之作與
 天地並疑有真宰而未知尸其功者若巨靈鼎負攘臂
 其間左排首陽右拓太華絕地軸使中裂坼山脊為兩
 道然後導河而東俾無有害留此巨跡于崑之巔後代
 揭厲于玄蹤者聆其風而駭之或謂恢詭不經存而不
 議及以為學者拘其一域則惑于餘方曾不知創宇宙
 作萬象月而日之星而辰之使輪轉環繞箭馳風疾可

英華作潤

文粹作有

文粹作怒

英華作感

英華作物

英華無則字

駭于俗有甚于此者徒觀其陰騰無朕未嘗駭焉時而
 巨靈特以有跡駭世：果惑矣天地有觀陰陽有藏燬
 煉六氣作為萬形：有不遂其性氣有不達于物則造
 化者取元精之和合而散之財而成之如埏埴鑪錘之
 則為瓶為缶為鈎為棘規者矩者大者細者然則黃河
 華嶽之在六合猶陶冶之有瓶缶鈎棘也巨靈之于自
 然益萬化之一工也天機動而聖功啟元精感而萬物
 應故有無跡之跡介于石焉可以見神行無方妙用不
 測彼管窺者方循跡而求之揣其所至于巨細之際則
 道斯遠矣夫以手執大象力持化權指揮太極蹴踏顛
 氣立乎無間行乎無窮則拔長河如措盃擘太華若破

二字英華
作居也
英華作元

文粹作據

文粹作謂

文粹作而

文粹無陰字

英華手雙然
二字

塊不足駭也世人方以禹鑿龍門以導西河為神奇可
不為大哀乎哉二靈掌纖指如西隱鱗磅礴上揮太清
遠而視之如欲捫青天以掬浩露攀扶桑而捧白日不
去不來若飛若動非至神曷以生此唐興百三十有八
載余尉于華陰華陰人以為紀崢嶸勒之果頌嶧山銘
燕然舊典也玄聖巨跡豈帝者巡省伐國之不若歎其
古之闕文以俟之言者歎仰之斐然琢石為志其詞曰
天作高山設險西方至精未分川壅而傷帝命巨靈經
啟地脉乃眷斯顧高掌遠跡焉如剖竹騶若裂帛川開
山破天動地折黃河太華自此而闢神返而極跡挂石
壁跡豈我名神非我靈變化翕忽希夷杳冥道本不生

文粹作而

文粹作生

英華作五

文粹作娥

化亦無形天何言哉山川以寧斷鼈補天世未覩焉夸
父愚公莫知其踪屹波靈掌懸之巖窅介二大都亭二
高聳霞絕烟噴雲抱花捧百神依憑萬峰朝拱長于上
古以闕羣動下視衆山蜂蟠蠓螻彼邦人士永揖遺烈
瞻之在前如揭日月三川有竭此掌不滅

古函谷關銘

并序

王者建邦經野觀象立極于是有重門擊柝以待暴客
故封畧土宇守在關塞山川丘陵為之城池天作崤函
俾屏京室崇山迴合連崗蔽倚長河屈盤萬里來東陔
奔嶺感谷抱溪關崛起重險為秦東門截函夏于閭域
鎖天府于戶牖外扼九州之咽喉故百二形焉內擁六

文粹作八

合之與區故霸王出焉當其周原鹿駭戰國蝟起嬴氏
建瓴山東擇肉宇內持戟百萬連衡此闕是時也開闢
而九國師遁振策而二周鼎入奄有大寶遂吞中區及
江返秦璧天祐漢祚高皇帝提劍而西以遏亂畧斬白
帝紕降王舉漢中平咸陽廓金城以建都活萬姓于三
章取威定功此焉是保粵若詢事國謀聆風仙籙則真
氣靈蹤起乎其中柱史一去流沙萬里留玉函于舊宅
傳寶圖于本枝豈上帝乃眷興王是感不然何錫羨開
國如此其盛耶太歲在大火余適下陽停驂塞門憑覽
舊國衿帶如故世道不啻秦餘空山漢為茂草復恐舟
失于壑岍化為谷萬載之後昧者不知乃刻頌此石以

文粹作大
太歲工英華有其
字

英華作中

二字英華
作國洎

英華作起

英華作以

英華作道

示來裔其詞曰

天地雷雨英雄交爭設險守國作藩于京姓易時移山
空塞平千秋陵谷想見精靈仙駕長往雄圖杳冥何以
志之勒銘岩扃

洪州大雲寺銅鐘銘

參變化孕律呂和神人莫疾于聲故天地以雷震萬物
聖人以樂節八風佛土以鐘警六時天造聖作同符異
貫自真乘開設其輪三轉像教不墜而法鼓之制存形
彤蓮宮於江之濱萬井在其前善惡興乎人將欲誕敷
我法音啟迪我善根我是以作萬鈞之鐘大其器所以
昭其度也侯誰尸之長者杜海泊此方上士釋法觀精

英華作我字

英華作于

二字英華作
制在左焉

文粹作此

英華作

英華作循

英華作况字

英華作川塞
微溢

英華作度越

鷲與比丘衆百三十有五人寔果其願將辨所作于時
火官金工修厥戒令法陰陽九六之數以合造化均薄
厚侈弇之濟以諧清濁聚精會神鳩工于其間弘誓既
達昏疑皆破故衆心如城施者如市大悲之感与萬靈
接况祝融回祿彷彿交應越五月辛丑新鐘成于是此
邦民大會膜拜縱觀盈川塞衢億兆諦聽鯨魚乃發訇
然如扶搖號而萬竅怒霹靂作而崇山破在坑滿坑在
谷滿谷金界岌岌若震若蕩既而物怒散渙与迴颺俱
激越若火千周流六虛經于嚴城入于梵宮徘徊于霜
天凌厲于清夜千門徹萬戶警魚龍皆奮虫豸不蟄于
是聆其音者奮駭遷善聾盲知方識浪安流地獄清涼

英華作祀

英華作日

英華作禁

英華作我

英華無有字

吒王解刑刀輪摧藏嚴乎心者聞聲以知受觀受以悟
法若露清耳根鏡照身業彼金鼓聲氣木鐸徇路整衆
孚號方斯陋矣蓋聖人弘道以勸善因善以建法作法
器以為天下利者教之果法者教之因善者教之宗
戒鐘乃懸是訓是崇世界有極大音無窮

頌

慶鴻名頌 并序

唐興百三十有八載皇帝在宥天下鑄五兵為農器栖
萬姓于壽域道證德洽神人以和春正月家臣上將卿
士庶尹洎三老五更公侯伯子男相与揭厲皇猷請增
明號上揭讓而未許也僉曰陛下存達神明道超先帝

英華作向南

以德則符廣運以時則復大朴以功則保定丕業格于
上下而尊稱猶淺鴻名未光億兆之心何戴神祇之望
何塞天子南向而讓者九不得已而命有司具
昭告之禮二月乙酉脩法駕朝太清宮勅宮神以洒掃
詔月將使警蹕雲動天旋至于靈壇報功于三清祈禱
乎上玄景戌享大廟用明水越席玉豆彫簋之禮燭蕭
以合薊灌鬯以報魄神休穰而萬靈接精意陳而六幽
感丁亥朝群臣于蓬萊前殿于是四方人大和會命太
尉班五瑞合六樂遂展禮奉祭度受大號曰開元天地
太寶聖文神武證道孝德皇帝是日也解商野之三網
受塗山之萬玉大赦天下與人更始協時月同度量贊

英華作劬
英華作福

英華作魂

四字英華作天寶

英華作
接

英華作况

傑俊書雲物恤高年禮大祇接天瑞受地釐撫柔萬邦
存省其安危遂迎日推箕布慶行賜扇勳風調元氣拓
千歲之大統操三皇之遺珠垂其衣裳与天地合符樂
適禮崇乘輿乃入然後屏櫺房而徹黃屋徜徉乎大庭
氏之館泊兮凝神恍兮存真想洪崖廣成之倫披霓裳
而下鳳闕踰躐左右上千萬壽凡遭逢昌運沐浴聖渥
而不能頌蒸人賦江漢吉甫仍妹之罪也臣敢有一事
乃作頌曰

穆三閔宮敷時繹思天有成命孝孫受之鋪衍下土報
功神祇我瑞如山我福孔夷聖敬攸感上玄豈私誕受
鴻名載揚緝熙風動雲行雨飛露垂昆虫昭蘓草木阜

為英華作端折子

滋恭已南面無為之師柏皇尊盧萬代一時昭假遜
上帝是祗永錫多祜萬壽無期

碑

阮公嘯臺頌并序

陳留郡文宣王廟堂碑銘 并序

唐天寶十有一載歲次壽星陳留 郡守河

南道採訪處置使元彦冲所以崇德樹風敬教勸學初

公以三務之隙分命有司修廢功舉墜禮而此堂也舊

規逼陋下宇將壞我是以有經始之制冬十月丙午新

宮成凡天下有道則文教大洽為政者克廣舊典以尊

先聖禮也浚儀令河東裴勝叶恭大猷祗奉成績乃立

石于廟廷以旌盛德所庇云

吳本作而

有三才然後有剛柔剛柔交而利害作乎其中于是橫
目蚩：天不能節黃帝堯舜氏始以仁義拯溺其流及
乎夏商而周監二代有明堂之禮樂教之者首也逮周

脫周字

德下衰王室卑而五霸起彘倫墜而六學缺天將持其

木鐸以授後聖繇是周公致五百歲而夫子生雲從龍

風從虎大道既作天下化成故夫子修詩書以酌虞夏

殷周之損益而國風帝典備約魯史記以書二百四十

二年之廢興而亂臣賊子懼於予不大壞何以見聖人

之全功乎粵若中都之制立民極也以匡頑風防不為

曲兩觀之法用重典也以去奸宄政不為苛夾谷之會

誅無禮也以尊兩君刑不為僭三預是邦之政而魯至

于道向使鳳鳥來河圖出東周之化其在魯乎嗚呼明
王未興亢龍無輔運非我與德兮何衰蓋弘其道以救
物處其順以安時行藏屈伸與化推移也其世衰也揭
仁義于天下其大來也啟土宇于身後出入百代波流
萬方孰不日用聖猷欽若祀典然後知素王之德與天
地並或曰夫子栖魯衛陳蔡之間或者其未智歟君
子曰是智也聖人與時消息同彼憂患不有丘蒲之難
麟鳳之感何以試苟合安蒙求使違者順時窮者知命
然則卷舒之跡其可究乎奕新廟庶人成之有以見
誕敷之德勿亟之化益黜聖其楹玄端其服加罍器之
等正當宇之位王命所以寵舊章也兩楹之下四科以

班究公東序西嚮費侯齊侯黎侯吳侯衛侯西序東嚮
其餘未入于室者画衣冠于西牖配祭所以辨等威也
議者謂我邦君于是乎建宏規而播新命修令典而崇
明祀講義以度公懋功以從時訓人以盛德昭德以合
禮六者禮之善物而時有遺邑有改不銘考父之鼎紀
奚斯之功是廢名也何以示後嗣遂命客卿前封丘縣
必泗上陳夔志之其詞云

阮公彌臺頌

并序

按晉陽秋阮公諱籍字嗣宗陳留尉氏人也夫雲蒸于
山不擇時而出故公以全德生于衰也于時中州多故
大道浸缺于用者知膏火自錄逃于累者懼木屨兩

傷公由是內張道机外墮天穀穀土梗聖智批糠軒冕遂
登廣武以覽古望梁臺而寓詞埋照于竹林放神于蓬
池德充也爾其興懷昔遊故為東平相貽情善釀故為
步兵校尉弛張遽寧之際出處夷惠之表否泰莫得介
于靈府名實不足泪其冲氣螭蟠龍卧与道偕隱所以
沉吟志全慷慨神王獨立長嘯遺榮此臺當其寓興也
蓋將毫視泰山囊括顛氣頽然自得与造化者為友故
卷其用而懷之世莫得而窺也其外物所感則寄之翰
墨焉謂道莫至于專氣抱一于是著釋老論哀莫大于
矯時死名于是有弔比于文情動于中而形于言賦詠
懷詩問道蘓門笑而不答作大人先生傳歲在玄默余

登大梁之墟：中之人方誦公遺塵歎玄風蕪沒議樂
石以旌朽壤余採其故事之存于糟粕者勒而為嘯臺
頌：曰

天下多故賢人穀恥隱于沉飲以俟傾否越禮逃用晦
德忘己不知我者謂我狂且長嘯懷人詠古著書感時
而慟非必窮途洒彼汴水東流無返跡是人非荒臺可

踐升高延佇想見青眼道烏乎在日逝日遠一本云五

微交戾天地之氣有時而閉君子迷陽亦既懸解萬象

離境一孟顛世大辯不言至清無徒冷然長嘯味道之

樞神和天倪跡寄窮途物我兩忘獨与化俱湯二汴河

東流不返之子已往德音日遠荒臺未傾嘉壽勿剪升

論

吳季子札論

謹按季子三以吳國讓而春秋褒之余徵其前聞于舊
史氏竊謂廢先君之命非孝附子滅之義非公執禮全
節使國篡君弑非仁出能觀度入不討亂非智左丘明
太史公書而無訊余有感焉夫國之大經實在擇嗣王
者慎德之不建故以賢則廢年以義則廢卜以君命則
廢禮是以泰伯之奔勾吳也蓋避季歷季歷以先王所
屬故篡服嗣位而不私泰伯知公器有歸亦斷髮文身
而無怨及武王繼統受命作周不以配天之業讓伯邑
考官天下也彼諸樊無季歷之賢王僚無武王之聖而
季子為泰伯之讓是徇名也豈曰至德且使爭端興于

英華有也字

英華作建

英華作文非
英華有也字
英華有也字

文粹作閻

上替祖機作于內室遂錙命于子光覆師于夫差陵夷
不返二代而吳滅以季子之閔達博物慕義無窮向使
當壽夢之眷命接餘昧之絕統必能光故周道以伯荆
蛩則大業用康多難不作闔廬安得謀于窟室專諸何
所施其匕首嗚呼全身不顧其業專讓不奪其志所去
者忠所存者節善自牧矣謂先君何與其觀變周梁慮
危戚鐘昌若以蕭牆為心社稷是恤復命哭墓哀死事
生孰与先豐而動治其未亂棄室以表義掛劍以明信
孰与奉君父之命慰神祇之心則獨守純白不義于嗣
是潔已而遺國也國之覆亡君實階禍且曰非我生亂
其孰生之哉其孰生之哉

英華作吳

毗陵集卷第八

朝散大夫使持節常州諸軍事守常州刺史賜紫金魚袋獨孤及著

頌 二首

唐故太子賓客兼御史大夫洪州刺史洪吉八

州防禦觀察處置使平原郡開國公張公遺愛

碑頌 并序

唐故開府儀同三司試太常卿兼懷州刺史贈

太子少傅楊公遺愛碑頌 并序

碑 三首

唐故睢陽郡太守贈秘書監李公神道碑銘 并序

唐故朝議大夫申王府司馬上柱國贈太常卿

常公神道碑銘 并序

唐故朝議大夫高平郡別駕權公神道碑銘 并序

頌

唐故太子賓客兼御火大夫洪州刺史洪吉

八州都防禦觀察處置使平原郡開國公張

公道愛碑頌 并序 英華作唐故洪州刺史張公道愛

北斗魁戴筐六星曰文昌宮其三曰貴相聖人法天建
官作為台司以左右民于是予有敬敷五教平章百姓
之職居之者下代天工上應星宿其或一麾出守八命
作牧內為吉甫外為方幹弘道利物其政一也惟唐七
世皇帝誅羿澆纂舊服得柱石之臣曰平原張公諱鑄

英華作也

英華作去
英華作林

字從周秉中庸之德含光大之量輟耕隴畝為唐臯夔
推轂于河南樹風于荆門作賓銅樓登侍禁掖牧撫人
半歲洪州再稔鰥寡不侮神人咸若慈惠之政洽于百
城享壽六十有一歲在癸卯七月壬寅夢于位夫德之
被物也厚則物之興感也至故公之捐館自九江至于
敷淺原南暨于梅嶺東臻于閩徼而蚩之民靡勿靡
艾涕泣于遺風悽愴于棠陰懇予若求而不得企而不
及者僉曰平原其可謂盛德也已子惠困窮俾富而庶
若解衣之我輟飯之我公棄我往矣誰育我矣逝矣遠
矣音徽殊矣吾儕小人嗚呼疇依盍詠歎之刻諸金石
秋八月既殯耆壽吉州安福縣丞鄧琳玉等一百十有

英華作其

二字英華
作一十

御字英華作卿老

四字英華作司馬

英華作觀

英華作年

英華作于

英華作其

五人乃率鬪眾戚謀及故吏從事州長縣尹虎賁亞旅
卿大夫相与稽予陳迹建頌表德用廣留侯之世家紀
子產之遺愛禮也公曾祖曰善見位朝散大夫越州司
馬司馬生武定任荊州都督府戶曹參軍戶曹生知古
官止代州司功參軍廣德元年贈太子少傅自司馬至
少傳世以儒顯天鍾美于其後嗣四世而生平原河目
屏額山立玉色森然若大厦棟梁清廟祭器該綜六學
大抵以周易為師將探化元恥觀朵頤隱居南山蓋三
十暮天寶十有四祀始褐衣召見凡用舍繫乎才行止
牽乎時當無為無事則許由善卷各得安其節及人思
俾又則黃公角里不能逃于用勢使然也由是一命左

英華作燕頤

英華作于

則字英華作即

拾遺再命右補闕修國史三命侍御史四命諫議大夫
五命中書侍郎同中書門下平章事起布衣三歲縮相
印佐王業名敷之盛耀動今古于時至德二載也天子
方以復夏之師蒐于岐陽三河之人左衽是懼公入除
百揆出分二陝帥東諸侯之兵收復宗鄭誅後至者以
懲不恪安危之機懸于方寸方將董正東夏懷柔山戎
會帝咨百工曰有能典朕荆楚俾奸宄不作予惟克邁
乃訓于是拜公荊州大都督府長史明年元良肇建上
曰疇若予樂正父師之職汝作賓客卒調護太子嘉言
惟允于是授太子賓客上思夙夜出納言語侍從之臣
命公作左散騎常侍會鍾陵鄱陽之間人咨艱食工又

英華作二年
英華作古
英華作子
英華作叙是

命公作左散騎常侍會鍾陵鄱陽之間人咨艱食工又

曰命汝作州伯摠十縣之任俾予全無虞惟汝賢于是
有洪州之拜粵寶應元年冬十月公朝服受命至是臨
川彰善用明瘴惡用威一法度用信布愷悌用德慰薦
掾吏勞徠繹寡化以公廉扇以禮讓煦而嫗之使自得
清而靜之使自定于是豪民捐吏革面斂手家有忠信
人懷恥格暢于事業播于風俗決于人心被于詠謠是
歲也三吳飢民相食厲鬼出行札喪毒痛淮湖之境豁
皆成岳而我倉如陵我民孔旱犬豕之境疫厲不入災
不勝德也臨海賊帥袁晁扭于會稽之役侵我東鄙江
界大恐民思繹駭公命左軍屯上饒隘塞常山之口斬
其塘突者二千餘級自是茲鄙散落不敢南向而諸郡

英華作爾

英華作布

英華作屬

英華作作

英華作三千餘人

英華作孝弟

英華作人

英華作疵

十字英華作不教
南向而邪邪人安焉

英華作乘

英華作室家

英華作流

英華作于于正

人安焉舒城賊帥楊昭憑蜂聚之衆殺同安郡守劉秋
子以叛師潰而奔犯我疆場公覆而取之懸其首于五
達之衢凶徒殲焉沈千載者新安大豪結椎剽掠之鄙
為之囊橐弄兵潢池度劉戎民桴鼓之聲相聞郡國二
千石不能禁公命次將斬之以徇鉏其根株俾無遺類
新安民庶家室相慶江干清焉振六條之宏綱開布大
信從善如不及視民如赤子克己推誠以百姓心為心
飲之以和俾服從教化輕剽皆竄奪攘矯虔之俗固或
于正懞悴寒亟苛察繳統之吏不能見其考哀敬明廢
期于無詞德政行焉慎選乃僚必國之良有若博陵崔
賁昌黎韓裊趙郡李惟岳北海王士華河間邢宙河東

英華作秋

一作掠

英華作用

二字本缺從

英華作怒

英華作昌子

英華作拖

英華作備書未
及下

裴孝智隴西李道昌皆御材也以嘉言頌畫參公軍事
澄清之內無濁流審克之下無冤民淑德旌焉公之解
短褐而施國章也十有一年矣雖匪躬之故宣力不暇
而滄州願言未始^胡忘每曰少伯子房吾之師也累乞
骸骨將角巾故山朝廷方虛三若五更之位待公而除
書未^{此字}及下而公薨焉嗚呼哀哉褒德之盛典退身之正
志享用之遐福三者俱未從人欲斯可以嘆矣唯公出
將入相文武為憲謹言成畧歲在策府代莫得而聞也
今採其德刑禮義之善利物者頌之于石慰彼墮淚者
之心焉爾其文曰
純粹之氣升為星辰降為賢人皇王得之以釐百工以

英華作德

英華作員

英華作思

英華作必寧

英華作悅

隲下民九江之南五品不遜百姓不親平原來斯道之
以德俾民化淳寬厚清靜飾躬率先是訓是勤猛獸不
噬夜犬不吠豐年來臻藹之令德家有膏雨戶有陽春
牧我若暮棄我若早寶天不仁南州窠之東山依之德
音若存千載之後魂魄登此頌聲不泯

英華作道

英華作新

唐故開府儀同三司試太常卿懷州刺史贈
太子少傅楊公遺愛碑頌

并序

皇帝嗣位二載河內得賢二千石曰猗氏楊承仙者剛
毅公廉仁明愛人起鞞鼓間為唐循吏天性貞方非有
經術潤飾推誠御眾以身帥先民用不擾政是以茂于
時王師始平河北而單懷總歸于我大兵之浚城郭為

英華作軍

英華作民

墟相國梁公拔公于戎馬之上表為刺史俾慰安斯人
公既至則弔其瘡痍為剪荆棘省事節用寬其征而均
其力然後濬決古溝引丹水以溉田之汙萊遂為沃
野衣食河內數十萬口流人襁負不台自至如歸市焉
鰥寡無告不能自耕者貸其種與農器而教之視五穀
所宜督其程課勞來不怠使民無不咸返其本每循行
屬縣問所疾痛時其飢飽心為慘怛如身之恤臂指慈
父之視幼子也性嚴殘而恭于奉法訓軍以律禁暴以
肅有抵刑者雖拔葵犯禾煞之無赦由是兵不為盜猛
獸不食人河內之犬無夜吠者人得敦其業而厚其
生上奇其能以璽書勞勉封弘農郡公邑二千戶拜其

英華作人

英華作母

英華作把

英華作人作民並重
一民字

英華作四

英華作政

英華作可

英華作期

英華作簡

英華作重

英華作義

英華作胃

英華作公

男銳河南府參軍方倚以牧人不遐其福大曆二年八
月六日公薨于州春秋五十四皇帝悼惜詔曰軍興以
來列郡凋耗二千石少能以教化稱者唯丞仙苦心精
力惠此一州家給而人知禮節氣和而無災害三年有
成表課第一賢守既歿誰其嗣之宜贈太子太傅好事
者謨公景行謂公清直強力能動其官百城之州三軍
之師可使居其任量不極而歿惜哉初岐國公魯炆之
守穰鄧也公為新軍佐敵殊死督戰奮士卒先蘭矢石
亂中敗面滅鼻而不言病卒以是挫敵軍中服其義勇
及涼公東鉞而委質焉前後保河陽守高平安潞鎮鄴
董戎壺口戮力危机之中嘗勇倉卒之間唯盡敵是求

英華作嘗不
光祿下英華作
多殿中由光祿五
字

朱
二字英華作片

英華作因

未嘗顧身元戎賴之卒集大勳由是歷羽林金吾光祿
大夫加開府儀同三司試太常卿而後至于是州也公
嘗表請歸葬途由于洛陽人聞楊懷州之至也環而
觀之及其還也懷入數千頌于路其亡也闔境相吊童
子不巷歎凡立誠應物者信不足則不信歸知沾名者
寔不足則名喪若楊公者非仁必由已而誠在言前則
不能使千萬人悅之速如是其官某耆壽某等願復
攀公之朱轡望公之清揚而靡因也故立石為碑慰彼
永思云五字英華作
慰被後人思其詞曰其詞曰三字
据英華補
吳公文翁遭時無危因而縵之其績易施公之未斯大
盜始夷師旅飢饉丁于此時頑民反側比屋流離飲公

英華作

醇仁而忘怨浴飢者得食寒者得衣豈知典謨以吏為
師豈必法令信則不欺功倍古人愛及莞發空從人欲
俾壽無期嗚呼不備捨我曷歸公俾我活何以報之我
思公兮泣淚此碑

碑

唐故睢陽郡太守贈秘書監李公神道碑銘

并序

漢家之建侯親也。以荆燕吳楚為首封而後嗣多材。
世濟厥美辟疆路叔更生子駿比肩而出慶鍾故也。唐
有天下肺腑是依有若江夏淮安河間東平以明畧茂
勲左右大業其休德粹氣降為百祥公子公孫或哲或

英華有首
字

英華有也字

三字英華作道

立

二字英華作力
修

英華作里

仁勤勞王家焜耀國牒從東平三葉後生睢陽言春秋
者謂公族多士與炎漢侔矣公諱少康字其太祖景皇
帝五代孫太祖生雍王繪雍王生東平王韶東平王生
高平王道立高平王生單公景淑初單公娶于太常京
兆韋萬石女有才子三人伯曰孟康忠敬直溫謙光不
耀官至太子左贊善大夫仲曰仲康弘毅密重文敏貞
諒由尚書主客郎中剖符楚州楚人到于今由其教而
思其躅公楚州之母弟也纂二昭二穆慎身之烈迪元
方季方裕蠶之範家貽其謀天鍾其休故蓄為利氣播
為盛德年始孩而單公捐館七歲受孝經至喪親章捧
書孺慕哀哽不食隣伍長幼為之涕泗既冠遭太夫人

二字英華
作道
三字
英華作道

英華作元
迪

英華作敬
英華作毀

英華作錢

英華作司

弃孝養直貞茹毒血泣無聲者三年自是孝稱鄉黨名
冠宗室會垂拱永昌己後天下有鶯喙之謠七廟支庶
不絕若經公正志蒙難危行全德貞厲二十年以後道
長中興後乃筮仕由朝邑縣尉凡七徙官至尚書祠部
郎中以太府上佐授潞州司馬因考績彰聞拔為青州
刺史于時海岱貢篚衣履天下俗尚夸侈吏務豪奪公
以德禮示法度以誅賞禁淫怠惠宣明教化飭行即先使
刺繡倚市者悉返耕織于是貪者廉善者勸海濱之俗
變至鄒魯按察使戶部侍郎宋遙以狀聞墮書褒異逸
公于常州賜一子出身常之吏民望公風聲其奇褒借
濫者解印綬自去比及下車無為而人和復以高第擢

英華作親

英華作替
非
本作後据
英華改

英華作用

英華作奢

英華作尊
師

英華作
苛詭

英華作早

英華作隋

後英華作天寶

英華多獄市不擾故五子

英華作厲

拜除州刺史先是歲比大歉人流者什五六公條奏逋
逃之名削去其版然後節用務本薄征緩刑以來之歲
則大穰人不患寡浮游自占者至數千萬優詔嘉歎賜
帛二百疋玄宗後元年改宋州為睢陽郡命公為太守
淮湖漕輓刀布輻輳萬商射利奸之所由聚也公謂非
勝之艱安之惟艱故峻其侵漁之令弘其并容之仁吏
或不廉不恪不惠不迪亂之結之必誠必信誠信不欺
故獄市不擾問井輯睦由是飲純固之德音如餒者得
哺寒者得纊有司方將計課以聞天不惠于宋乃崇降
癘疾三年春賜告歸洛陽是歲十二月丙午薨春秋六
十有四宗室悽歎士友失圖宋人徐人輟春相唁明年

英華作美

英華有公

英華作共

英華作好

某月遷宅兆于京兆見子原先塋禮也公雅善屬詞有
集二十卷晚節任禪味耽道論嘗傳道德上下經五千
言為之訓解以究微旨其為政貞方廉靜明達端懿嚴
不殘直不訐清不矯時善不循名友交推誠好惡中節
博見強志親仁愛士居儉用晦遭時利徃行藏之機与
道屈伸未始以去就寵辱潰其出處而壽位未極其量
也故林祐復集于後昆夫人某縣太君廣平程氏生元
子曰涵以忠文孝讓儀刑王室天子位可內司九法外
鎮百城大曆七年夏五月由尚書兵部侍郎為御史大
夫蘇州刺史巡省江左邁德昭訓之所及也夫人沛國
武氏以繼室生仲子汗二弟濃皆公才而不幸早世某

四子英華
作新于懷

英華作卿

弟英華作季子

英華作族

英華作以

年據漢月日朝廷建推恩之令追贈公秘書監大夫之孝達于祖禰也及嘗忝禮官之屬知王侯之廟祧昭穆与功烈德善故受命于大夫酌而為志著之樂石以代蒸夷曰敦叙九族皇風所始公生德門運叶麟趾王曰叔父高陽才子縉乃祖服似續介祉底績三署舊章孔修赤舄彤襜收彼四州明照奸訛仁覆隱憂神因時怨民斯輯柔民之不幸公壽不永王曰彼天匪愁俾屏仁泆鰥寡道在彝鼎滅孫有後遺烈煥炳

唐故朝議大夫申王府司馬上柱國贈太常

卿韋公神道碑銘 并序

楚元王傳傳後五世長鴻相漢始自魯國徙家杜陵其後

英華有公字

英華有而字

英華有子二子

十六世孫景畧仕魏為青州刺史青州生隨倉部侍郎南皮公瓚南皮生三子皆才同時為郎長曰季武實居主爵次曰叔諧典司庫部季曰叔讓歷吏部考功時人號為三列宿考功生知人以司庫員外郎為職方郎中自長鴻至青州二丞相一侍中十一二千石自南皮至職方二葉五尚書郎為當世言婚官者謂之郎官常家梗柀瑤琨非崇山濬源不生故公侯卿大夫實鍾德門事業名聲与冠蓋俱四牡龍旂之慶百代彌熾盛矣哉公諱縉字某職方之仲子也忠廉無邪温直好禮用誠明博厚祇若祖考之訓雖顛沛不遠仁非得之不苟求言足以成事濟眾默足以居易慎獨御舉經行吏部登賢

英華作云

英華作科

能拔授秘書省校書郎親累徙官再遷至亳州臨渙縣
令寬信豈弟之政行予千室期年而頌聲興遷薛王府
文學轉秘書郎王宮圖牒天祿典籍公皆以儒服參焉
藝文修而彞章叙歷佐濮徐仙三州清恪如一入為申
王府司馬以達才居陪臣之列弘道以奉職安義以直
已諫從政肅繫忠亮是賴掌邦典者謂王門之治可移
于公卿方議登之三府會寢疾終于位是歲開元十一
年歲在甲子冬十月二十二日春秋若干夫人河南元
氏益州唐安縣主簿知柔之女承先祖供祭祀之謂職
閔勤勞勸以義之謂德莊敬恭順婉婉聽從之謂禮顧
復勞瘁均養善訓之謂慈夫人兼有焉某年月春秋

英華作免

英華作
景惠

石 英華作聖若金

英華作尉

英華作武

英華作入字

若干卒某年月日合葬于某原嗚呼才宜貴仁宜壽世
祿宜富三者公夫人皆居其地不臻其分鄉黨宗族以
命不可說宜甲焉唯明德必有後之言也信有若孟子
幼成博見利器鏗若金錫天寶十年自尚書兵部郎出
守漢中兼山南西道採訪處置使移典河內河內人至
今頌之仲子幼卿洛陽縣丞叔子幼奇宋州楚丘縣令
季子幼章有貞幹審識恭寬而明前後八執憲而再起
草自兵部郎中持節典泗楚二州錫金印紫綬咨以此
田贍軍食如漢營平侯故事以言以立皆公之教訓也
寶應二年春三月以子為大夫故詔追贈公太常卿君
子謂公之義方慶及其身而楚州之孝誠格于宗祏禮

英華作
極

英華作物

也猶以為与化俱者人事不可期者立隴雖大宗小宗
可詳諸姓氏譜命官時日各存子屋壁之志若遺直與
故事非金石刻則無以示後世也繇是楚州稽首于廟
見託謨德垂懿萬億孝思罔極其銘曰

英華作功

英華作乃

肅：乃祖翼商屏周勳群邦兮退傳間生扶陽重侯德
乃降兮龜紐虎符黼衣彤弓世相付兮百代純嘏鍾仁
于公德斯懋兮為邦三年_只民知方政之減兮拔文石
渠觀書魯堂志自強兮三佐列郡曳裾遊梁道未光兮
已矣介福不克景行于嗟命兮一經之遺垂裕果盛衰
榮並兮子：孫：丕承忠敬荷餘慶兮

唐故朝議大夫高平郡別駕權公神道碑銘

并序

英華作因寵憑位

十字英華作甘不
官甘不之甘不官甘
子

開元天寶之際玄宗始以八柄付三公由是台司得專
廢置其中或憑寵固位懼天下有異已者諸附離之者
皆出入三臺若公才令名以望見憚則稍：優其俸而
黜其職故天水權公幼明由新安縣令為絳郡司馬高
平郡別駕而歿同于道者皆竊嘆之是歲天寶六載秋
八月也歿後二十有二載歲次己未春二月返葬洛陽
故塋夫人新鄭縣君榮陽鄭氏祔焉縣君某縣某官某
之孫某之子以仁儉好禮輔佐懿德采明之風訓齊閨
門壽六十五大曆二年十月某日終于丹陽初公娶于
博陵崔氏生子曰驊而終鄭新以繼室生四子曰軼曰

英華作其

英華作詞

英華有其

英華作
驊下同

英華作折

英華作新華

在下英華有其字

六字英華作翼生

英華作重

申曰器曰舒。不幸短命驂軼申器悉忠信好學善屬
文位未顯而今名歸之慶之垂訓之流也至是既卜宅
兆驛等懼日月愈遠後裔不知其先人之德善謂及泰
鄉舉之舊故使錄而銘之云公諱徹字幼明隴西天水
人也權氏之先出于顯頊其遠祖殷武丁之小子生而
手文曰權因以權受封且命氏焉至周為楚武王所滅
國除其後有仕隴西遂家于天水歷漢魏晉宋間子孫
世都尉為郡守至裔孫翼與王景畧同佐符堅官至僕
射數世至景宣景宣生士玠並知名于時士玠生萬春
歷華州刺史封千金縣公華州嗣右領軍將軍曰文獎
領軍嗣永興令曰懷育公永興之嗣也奕葉之明德粹

英華作允

英華作少

二字英華作受起作受氏

英華作生

英華作字

英華作同

英華作八年

英華作恒

氣藪于其躬故融而為仁行播而為文學童子時舅氏
崔湜奇其文嘗謂有何無忌之似其鄉舉也考功郎中
蘇頲拔諸群萃之中連尉湖城汾陰新繁渭南河南五
縣開化二十三年拜監察御史會監祭太廟時同會事
者約相與偕赴及將赴祭約者有故不至遽不暇告公
曰人約我矣可先已而後信予遂不赴坐是降為河南
府法曹君子義之初選部舊制每歲孟冬以書判選多
士至開元十八年乃擇公廉無私上文者考校甲乙
丙科以辨論其品是歲公受詔與徐安貞王敬從吳翬
裴朮李宙張烜等十學士參焉凡所升獎當時才參考
判之自由此始也于時天下無兵百二十餘載搢紳之

英華作字

英華作完其

五字英華作
以媚青韜

中立英華作字

英華有字
英華年斯字

徒用文章為耕耘登高不能賦者童子大笑公據臂其
間以仁義為己任片言隻字動為學者所法時輩榮之
而居家清方唯德禮是仗潤身飾吏不過經術不矯特
操以游媚貴倖行威作福者忌之由是官被而階不遷
從法曹數歲而後有新安之拜及至歷洺郡高平任愈
踈遠安貞中立未嘗易方虛舟其心與位昇降春秋六
十四而終蓋道之行止與時不并論者以漢梁叔敬桓
君山為比所著文二十卷立其言之宗趙郡李華編而
序之若世系事業則書之斯文其文曰
嗚兮權公有德有言忠恕廉清道直而溫行有餘力足
言足文居官釐績勤約是守与明以信寧出不苟跡屈

英華有
字

英華作
字

志伸義章身後冉政游學左詩潘誅風流遺烈足以遺
子九原與歸末由也已

毗陵集卷第九

朝散大夫使持節常州諸軍事守常州刺史賜紫金魚袋獨孤及著

碑銘 五首

唐故揚州慶雲寺律師一公塔銘 并序

舒州山谷寺上方禪門第三祖燦大師塔銘

福州都督府新學碑銘

舒州山谷寺覺寂塔隋故智鏡禪師碑銘

山谷寺覺寂塔禪門第三祖鏡智禪師塔碑陰

文 懷玉案以上二篇皆非公作蓋就錄碑
文章連誤入者姑如原本以俟後考

碑銘

唐故揚州慶雲寺律師一公塔銘 并序

英華作膚

英華作

自然妙有

公諱靈一俗姓吳廣陵人也神清氣和方寸地靈与太
初元精合其純粹聞思修惠介然生知九歲出家三千
斷結嚴持律藏將紹法實示人文學以誘世智初不詳
身中有我二中有身德克報圓緣斷相滅寶應元年冬
十月十六日終于杭州龍興寺春秋三十有六臨滅顧
命以香木茶毗為送終之節門弟子虔奉遺旨粵于是
月某日焚身于某山起塔于某原從抱尸城之制也右
補闕趙郡李紆殿中丞侍御史頓邱李湯嘗以文字言
語遊公廊廡至是相与追錄遺懿以詔塵劫謂公貞靜
直方淵遠弘大而密識洞鑒天倪道機注不滿酌不竭
冲如也自受生至于出家貪恚不入念哀樂不見色自

不虛

英華作

自知道至於返真雙
不踐居士之門六根不
欲界之塵學于常師
悟不以漸而以了因
果所以惠用攝物与止
水空若同其和而法
施不住天機于方精
義元言或形于章句
駘和之遺韻用謝之
缺文不能極之其終第
以了義傳約和者
量其根之上下而投以
法味飽其厚者亦廣
而求索而歸或以是
言言必緣情一緣即
若緣作而法相見
乃不可守曰佛法自利
他不係於指掌將善
誘之心咱和之固曰示
固波可也公又嘗謂
字生正位矣相宗本

出家至于涅槃六根不染欲界之塵自知道至于返真
獲履不踐居士之門公之嚴持也初公之先世為富家
既削髮摧萬金之產悉以讓諸孤昆季所取者惟衲衣
錫杖及身而三捨七畧五欲如棄涕唾公之純白也其
所底止必擇三間樹下無塵垢之地初舍于會稽南山
之南懸溜寺焉與禪宗之達者釋隱空虔印靜虛相与
討十三部經第一義諦之旨既辨惑徒居餘杭宜豐寺
隣青山對佳境以嶺松澗石為梵宇竹風月露為文室
超然獨往与法印俱自是師資兩忘空色皆遣暴風偃
山而正智不動巨浪沃日而浮囊自安于是著法性論
以究實諦公之懸解也公智必先覺法施無方每禪誦

二乘所感漢者莫
究於是若法性論
以辨之而迦葉後
惠遠與言驕焉
斷漢若冰釋者足
以為而後士發
好務宏道則法王
度闡洲公孰窮
嗚呼生不極其涯
道不竟其源豈在
相之緣佳世之教止
於是乎為世締之始
終報身之去來非
思議之所及乎清
塵緬然與子若安仰
若涉大紅而三舟航
儒生險名以志陳疏
。懷玉擬自知道至
於返真見於英華
若此其然中問字

之隙輒賦詩歌事思入無間與舍飛動潘阮之遺韻江
謝之闕文公能綴入蓋將昭合詞林與儒墨同其波流
然後循善誘指以學路由是与天台道士潘清廣陵
曹評趙郡李華潁川韓極中山劉穎襄陽朱放趙郡李
舒頊邱李湯南陽張繼安定皇甫丹范陽張南史清河
房從心相與為塵外之友講德味道朗誦終日其終篇
必博之以文約之以修量其根之上下而投之以法味
欲使俱入不二法流公示教之攘門也內張天机外與
物接捨法無我以虛受人曠焉若空谷之响止水之象
優而柔之使自得之其道樞未始不無為也而飲其和
者亦虛而來實而歸明徵其所以然則不得其朕公應

句似有油誤道後
係考

自日發以下至此
似有為脫

英華作范

英華作於焉

之無涯也宜豐寺地臨高隅初無志泉公之戾止有靈
泉呀然而涌噴金沙之溜于禪庭左右挹之瀾清澗之
無窮公精至感物也嗚呼曰癸天啓壽量彼一劫住世
聖道以極枝喪得大雲而涼大宅其公乎吁嗟吳穹奪
我善友使生不極其涯道不竟其源豈前已就諸有可
出將轉現他方乎為應化之始終法身之去來非思議
所及乎凡今學徒戒歸若涉大水而無梁抽毫強名以
志陳迹其銘曰後銘詞似有脫句用韻處前
范生五濁愛習如債何以為師尸羅為戒卓爾上士一
念識滅萬法懸得解佛密藏名離性空俾道勿壞破魔
結壤穎脫諸有微視三界上德不器大道無方天縱之

英華作立
英華作言

英華作我皆令

英

英華作時

英華作字

文亦和其光發彼蒙童啓迪思量我今令人直心道場
奈何法船今也則亡適來豈逆適去豈順施未及普天
胡不慙飛鳴無迹法雷罷震福庭虛空來者曷問言之
糟粕留為秘印

福州都督府新學碑銘

世与道交相興喪弘之者在人非庚桑楚不能使喂壘
大壤向微文翁蜀學不崇閩中無儒家流成公至而俗
易民賴德施古今一也初成公之始至也未及下車禮
先聖先師退而嘆堂室湫狹敷學荒墜懼鼓篋之道寢
子矜之詩作我是以易其地大其制新其棟宇盛其俎
豆俎豆既修乃以五經訓民考教必精絃誦必時于是

化字托英華補

莊子作畏

英華作字

一年人知敬學二年學者功倍三年而生徒初賢不
肖競勸家有洙泗戶有邠魯儒風濟被于庶政大曆
十年歲在甲寅秋九月公薨于位于是群吏庶民耆儒
諸生雨泣廟門之外若有望而不至號曰豈天不欲斯
文之漸漬于東甌之人欤不然何錫厥教化而不避公
之年也吾黨嗟然嗚呼曷歸判官膳部員外郎兼侍御
史安定皇甫政殿中侍御史穎川韓贍監察御史河南
長孫繪率門人部從事州佐縣尹相与議以公之功績
明示後世謂及嘗同司諫之列宜備知盛德善政見託
論撰以寔錄刻石曰公諱倚字某皇帝之諸父宗室之
才子寬裕而愷悌考慈忠敬莊而成式文而強立治王

英華有孫子

英華二十此子
移上角又字

英華作何

英華作日

氏易左氏春秋酌其精義以輔儒行故居處執事著書
屬詞非周孔軌躅不踐也天寶三載應選部辨論為安
陽尉中興之後歷御史尚書郎諫議大夫給事中十餘
年周歷三臺言中彛倫動中大本上交不諂下交不瀆
家貧不樂清近求為京兆少尹無何出守弘農弘農人
和移典華陰兼御史中丞華陰之近者安遠者來天子
以為才任四嶽十二牧之職大曆七年冬十有一月加
御史大夫持節都督福建泉漳汀五州軍事領觀察使
處置都團練等使八年夏四月龍旂六轡至自京師闕
越舊風机巧剽輕資貨利与巴蜀埒富猶有無諸餘善
之遺俗號為難治公將治之也考禮正刑節用愛人頒

英華作履

賦遣役必齊其勞逸視年豐耗量入以制用削去事之
煩苛法之掎克者使吏不奉職民不帥教則懲以薄刑
俾浸遷善由是人知方矣公將安之也初奇舒晃反書
至公履及于門遽命上將帥戈船下瀨之師西与鍾陵
軍會先拔循潮二州以援番禺推誠示眾士皆奮勇既
而大懸就戮五嶺底定民是以康繫我師是賴人無姦
宄寇賊之虞矣公將教之也考類宮之制作為以學而
寓政焉躬率群吏之稍食与贍刑之餘羨以備經營之
費而不溷于民也先師寢廟七十子之像在東序講堂
書室函丈之席在西序蓋胄之位列于廊廡之左右每
歲二月上丁習舞釋菜先三日公齋戒肆禮命博士率

胃子修祝嘏陳祭典釋菜之日豐器用幣籩豆在堂樽
壘在阼公玄端赤舄正詞陳信是日舉士之版視其藝
之上下審問慎思使知不足教之道之講讓以勗之八
月上丁如初禮歲終博士以遜業之勤惰覈思之精粗
告于公斂其才進其等而貢之于宗伯將進必以御飲
酒禮之賓主三揖受爵于兩壺之間堂下樂作歌以
祭德鹿鳴南陔由唐嘉魚南山有臺以將其厚意由是
海濱榮之人以不學為恥州縣之教達於鄉黨鄉黨之
教達于衆庶矣公薨之明年太常議謚按公叔發修衛
國之班制以交四鄰故易其名曰文孔文叔其勤于公
家夙夜不懈衛人銘其彝鼎以公尊教而勸學德洽荒

英華子人子

英華子二子

士上英華
有學字

服乃奏謚曰成詔贈禮部尚書而刻金石之禮則闕而
未備今也敢播德馨貽之無窮其銘曰

公之文肅恭且仁宣力事君潤飾經術底綏斯民公之
武鰥寡不侮剛亦不吐率師勤王戡厥醜虜公之移風
經始類宮百堵皆興孔堂崇之四科以班乃侯乃公秩
秩祀典鏘之禮容大昕鼓徵學士萃止褒衣方履登降
以蓋從公于邁渠我泮水我釐我里講誦資始比屋為
儒俊選如林縵胡之纓化為青衿公宜難老為學者司
南女金反板日吉凶實天匪枕翹之和鸞兮不聞遺音願言
思公兮如玉如金縷餘烈于此石以塞罷市者之心

舒州山谷寺覺寐塔隋故鏡智禪師碑銘序并

英華作論

英華作造

英華作斜

文粹卷之五

英華作以

文粹卷之五

文粹有厚品三字

文粹卷之五

文粹卷之五

按前志禪師號僧璨不知何許人也出見于周隋間傳
教于惠可大師謂此字無樞衣于鄴中得道于司空山會身相非
真故示有瘡疾法無我謂此字無所故居不擇地以衆生病為病
故所至必說法度人一相不在內外不在其中間故足
言不以文字其教大畧以寂照妙用攝流注生滅觀四
維上下不見法不見身不見心乃至心離名字身等空
界法同夢幻亦無得無證然後謂之解脫禪門率是道
也上膺付囑下拯昏疑大雲垂陰國土為化謂南方教
所未至我是以有羅浮之行其來不來也其去無去也
既而以絮姿与法俱付悟者道存形謝遺骨此山今二
百歲矣皇帝即位後五年歲次庚戌及剖符是州登禪

文粹作師

英華作

英華作禪師
門非文粹作
禪師是

英華作不

師遺居周覽陳迹明徵故事其茶毗起塔之制實天寶
景成中別駕前河南少尹趙郡李公常經始之碑版之
文隋內史侍郎河東薛公道衡唐詹相國刑部尚書贈太
尉河南房公瑄繼論撰之而尊弘道之典易名之禮則
朝廷方今以多故而未暹也長者比丘釋湛然誦經于
靈塔之下與澗松俱老痛先師名氏未經邦國焉与禪
衆寺大律師釋澄俊同寅叶菴亟以為請會是歲嵩嶽
大比丘釋惠洪至自廣陵勝業寺大比丘釋開悟至自
廬江俱慕我禪師後七葉之遺訓日相与嘆塔之不命
號之不崇懼像法之本根墜于地也願申無違衆生之
弘誓以抒罔極揚州牧御史大夫張公延賞以狀聞于

文粹作尊道
英華尊作道

原作等括英華
改

英華作不
用分非

英華作止

是七年夏四月上沛然降興廢繼絕之詔冊謚禪師曰
鏡智塔曰覺寂以大德僧七人灑掃供養天書錫命暉
煥崖谷衆庶踊躍謂大乘中興是日大比丘衆議立石
于塏東南隅紀心法興廢之所以然及以為初中國之
有佛教自漢孝明始也歷魏晉宋齊施及梁武言第一
義諦者不過布施持戒天下感于報應而人未知禪世
與道交相喪至菩提達磨大師始示人以諸佛心要人
疑而未思惠可大師傳而時之人思而未修迨禪師三
葉其風浸廣真如法味日漸月清萬木之根莖枝葉悉
沐我雨然後空王之密藏二祖之微言始粲然行于世
間泐于人心當時問道于禪師者其淺者知有為法無

文粹三十二字

文粹三能公下
十二字
文粹有人字

英華有馬字

英華作既後

非妄想深者見佛性于言下如燈之照物朝為凡夫夕
為聖賢雙峰大師道信其人也其後信公以教傳弘忍
忍公傳慧能神秀能公退而老曹溪其嗣無聞焉秀公
傳普寂二公之門徒萬升堂者六十有三得自在慧者
一曰弘正弘公之廟廡龍象又倍馬或化嵩洛或之荆吳
自是心教之被于世也與六籍併盛於戲微禪師吾其
二乘矣後代何述焉庸詎知禪師之下生不為諸佛故
現比丘身以救濁劫予亦由堯舜既在周公制禮仲尼
述之游夏弘之使高堂后蒼徐孟戴慶之徒可得而祖
焉夫天以聖賢所振為木鐸其揆一也諸公以為司馬
長立夫子世家謝臨川撰慧遠法師碑銘將令千載之

英華作流

英華有
七字

英華作普川

文粹作人靜
性與生偕植

英華作以

文粹作為

後知先師之前身禪門之權輿王命之追崇在此山也
則敬其風紀其時宜在法流及嘗味禪師之道也久故
不讓其銘曰

衆生佛性莫匪宿植知誘于外率為妄識如浪斯鼓與
風動息淫駭貪怒為忍為賊生死有涯緣起無極如來
憫之為闢度門即妄了真以正覺源起迴心印貽我後
昆間生禪師俾以教尊二十八劫迭付微言自摩訶
付心法遮相傳至師子比丘凡二十世自達如二禪
摩大師至鏡智禪師凡三世共二十八世也
師膺其弘宣世溷法滅獨與道全周武帝下令滅佛法
有三年山十童蒙來求我以義傳攝相歸性法身乃圓性
身本空我無說焉如禪師道既棄世將二十紀朝經

文粹無帝子

英華作不

乃屆皇明昭賁億兆膜拜凡今後學入佛境界于取非
取誰縛誰解初禪師謂信公曰汝何求曰求解脫曰誰
何求信公于是言下證解脫不見縛者不見解者然則
請益是日禪師即授以祖師所傳聚項禮萬有千歲此
法無壞

舒州山谷寺上坊禪門第三祖燦大師塔銘

右淮南節度觀察使揚州大都督府長史兼御

史大夫張延賞狀得舒州刺史獨孤及狀得僧

湛然等狀稱大師遷滅將二百年心法次第天

下宗仰秀和尚寂和尚傳其遺言先朝猶特建

靈塔且加塔冊謚大師受聖賢衣鉢為法門津

梁至今今骨之地未沾易名之禮伏恐尊道敬

教盛典猶闕今因肅宗文明武德大聖大宣奉
皇帝齋忌伏乞准開元中追褒大照等禪師例
特加謚號兼賜塔額諸寺抽大德僧一七人洒
掃供養冀以功德追福聖靈

中書門下

牒淮南觀察使

牒奉

牒奉勅宜賜謚號鏡智禪師具塔餘依牒至准
勅故牒

大曆七年四月二十四日牒

中書侍郎平章事元載

門下侍郎平章事王縉

兵部尚書平章事李使

使字旁書

司徒兼中書令使

山谷寺覺寂塔禪門第三祖鏡智禪師塔碑

陰文

嗚呼至聖者遺名久矣而司名者必從而與之其與之
何哉尊其道行其教仰不可及故立其象者所不至強
為之名：哉非道之緼捨名則道無從得：不得之際
其名之寄耶我大師茂其法脫其身去所染因際世間
有幾千二百甲子崇岩未改前川曰逝松栝蒼然光景
如翳翳乎至誠友求舍利而建塔廟者聚乎寶錄有徵
遺言而立碑頌者于稽其意其慕之滋遠而思之滋深
將祭明之終然有待歟皇唐大曆五年舒州刺史河南

獨孤及字至之以慈惠牧人於茲土是惟無作二則參于玄妙躊躇故山永懷道要貢善言于閭闔降吾君之明詔覺者知其本也寂者根其性也鏡者無不照也智者無不識也四者備矣吾師之道存焉顯二法侶如甘露灌有階薛內史道衡洎皇朝房尚書瑄與今獨孤使君及三子慧炬相燭也文辭相摩也嗣為之碑森列淨土如經星五緯更為表裡焉然述者之詞各因所見言或踳駁將貽惑于來世吾所辯焉薛碑曰大師與同學定公南隱羅浮山自後竟不知所終其銘曰留法眼兮長在入羅浮兮不復還據此南游終不復此地也房碑曰大師告門人信公曰有人借問勿謂于我處得法遂

託疾山阿向晦寤息忽大呼城市曰我于峴山設齋汝等當施我食于是邑居咸集乃齋于楊樹下立而終焉今以兩碑參而言之則薛內史制碑之後大師從羅浮還付囑信公然後涅槃于茲房公以得於傳記而述之非徒然也其餘事業則三碑載之詳也今則不書其錫名之詔與有地者之爵里行教護塔者之名號不可以莫之傳于後也皆刻于獨孤氏之碑陰

毗陵集卷第十

朝敬大夫使持節常州諸軍事守常州刺史賜紫金魚袋獨孤及著

靈表 一首

唐故朝敬大夫潁川郡長史贈秘書監河南獨孤公靈表

墓誌 上 七首

唐故潁川郡長史贈秘書監獨孤公第三子澄墓誌

唐故浙東道節度掌書記越州剡縣主簿獨孤丕墓誌

唐故潁川郡長史贈秘書監獨孤公第六子萬

墓誌

唐故亳州刺史鄭公故夫人河南獨孤氏墓版文

前左驍衛兵曹參軍獨孤公故夫人韋氏墓誌
殤子常八墓誌

唐故大理寺少卿兼侍御史河南獨孤府君墓誌銘 并序

靈表

唐故朝散大夫潁川郡長史贈秘書監河南獨孤公靈表

公諱某其先劉氏出自漢世祖光武皇帝之裔世祖生

華作馬 華華同誤
拓後 華華同誤
修改
華華作少

華華作尸是不同

華華作反

華華作後

其字華華 作獨孤

不究

沛獻王輔：生釐生定：生節生巧：生長子廣嗣王

位次子虞仕漢為洛陽令虞生穆：生進伯為度遼將

軍擊匈奴兵少援不至戰敗為單于所獲遷居獨孤

山下生戶利單于加以谷蠡王之位號獨孤部尸利生

烏和：生二子長曰去卑為右賢王建安中獻帝自長

安東歸有李淮郭記之亂右賢王率其部衛車駕還洛

遂從遷許復歸國卒次弟猛代立生嗣論嗣論富論生

路孤路孤生春：生羅辰從魏文帝遷都洛陽遂為司

州洛陽人始以獨孤部為氏用征伐賜爵永安公位

征東將軍定州刺史征東生萬齡官至廷尉謚曰貞廷

尉生禧字延平善左右射學窮金匱之奧魏世祖初從

華華有陽字
華華作富
下同

平滑臺以功授散騎常侍歷守冀定相三州時新定律
令慎選廷尉徵公拜焉再世為法官俱以廉平不苟顯
名當時榮之加鎮東將軍薨謚曰文鎮東生歸辨聰而
才又為鎮東薨贈太尉太尉生冀字希顏以博學侍講
東宮歷安南將軍定州刺史贈司徒司徒生永業以文
武兼備佐齊王入洛定鄴都督幽洛二州由行臺尚書
令陞司徒封臨川郡王語在齊史臨川王生子嘉在齊
為勁弩將軍在周為儀同三司在隋守清遠鎮握節死
難贈并州刺史并州生義順武德中歷民部侍郎尚書
左丞光祿大夫封洛南郡公洛南生左千牛脩身諱元
慶公之祖也千牛生朝敬大夫定州長史公之父也二

英華作隋

英華作戶

英華作彌

英華作仁

英華有若字

四字英華作不
探隱索德

十三葉之德善鍾其人于公剛方廉清貞信弘寬德厚
性和與四時氣侷非天下直道不行非先王之法言未
嘗言當出處去就之間非抑與不苟求與朋友交非同
道不苟合至守王事臨大節非其正雖臨大兵不懼恪
德危行居易中立不可得而親不可得而踈讀書觀忠
孝大畧不索隱蹟屬詞止乎禮義不止詠情性而已太
極元年詔舉文可以經邦國者宣勞使源乾曜以公充
賦時對策者數百人公與滎陽鄭少微特冠科首起家
拜同州郃陽縣尉歲滿授好時縣尉開元十四年玄宗
初登封太山注意二千石令長以照姬下民授公益州
溫江令公治縣如治家明不至察威不至猛去煩苛繳

英華作充

英華作主

英華有子

統之政施德信刑禮以訓齊之溫江人飲公之風化通
者復疲者悅善者勸不善者知恥益州刺史張敬忠以
狀聞詔授監察御史轉殿中侍御史會權臣惡直斥去
不附已者貶公廬州長史明年惡直者罷位公稍移武
功令未到官病免二十三年除寧州司馬二十八年遷
穎州長史初公為御史嘗以直忤吏部侍郎李林甫至
是林甫當國常欲逞憾于我而五府三署每有高選群
公皆昌言稱公全才且各以減文竊位自引由是免咎
然十年再遷位不離佐郡或勸公界其道可以取容于
世公曰可界非道也屈伸天也非人也人如予何天寶
元年加朝散大夫二年七月七日寢疾終于位春秋五

英華子位字

英華有子

英華作一

英華子孫字

英華作右

英華作勸是

英華作老

十七位不尊壽不遐志善行下不報其直與虛語守道者
相弔以為痛是歲八月殯于郡東至德二年歲次癸酉
十月十有四日權遷窆于洛陽龍門山西崗大曆四年
五月十三日詔贈秘書監命卿之位錫于自後嗚呼哀
哉夫人河南洛陽人也薛國長之玄孫咸陽縣丞諱顯
府君之女左金吾將軍諱子哲府君之妹稟天元和生
知孝慈含德之厚与坤體合執筭助祭四十餘載人莫
見夫人喜怒之容躬歡順承動協禮經宗族以睦長幼
以序無言無為化成于家公之加命服也夫人封丘
縣君記等既孤夫人棄采蘋之度修釋氏教受正觀法
于長老比丘尼上方服勤一年得四念處三昧視去諸

楊通鑑目錄
英華作右

英華作

英華作

英華作

情
葉華作名帖子

四字英華作一
後石

法猶棄涕唾至德二年隨子東征明年歲在甲戌七月二十四日終于會稽享壽六十有四月某日權殯于雷門之南汜巨及正等遭天不吊無恃無怙以世故坎慄不克遷柩者十一年矣欲報顧復天胡有極今年閏宅兆于前都水使者張係下廿泉東伊水西廿泉鄉之原吉謹以歲次己酉秋七月壬午遷公夫人靈坐合厝于此原猶懼陵谷世人之不明我期也故不敢不志收血勒石以遺後嗣

墓誌

唐故穎川郡長史贈秘書監獨孤公第三子
愷墓誌

英華有
安子

唐天寶元年歲次壬午穎川郡長史府君第三子曰愷寢疾卒于穎川至德二載冬十月四日權窆于洛陽龍門西山大厝四年五月十二日詔追贈穎川府君秘書監是歲七月壬午遷宅兆于壽安甘泉鄉之原以君之喪葬于塋之左禮也君沉毅果斷聰敏好學弱歲專左氏春秋工于西尤善音律圖書之奧靡不深究性倜儻達節不欲以細行竊名志氣方遠未仕不幸多病年終二十二而歿修短之經聖人罕論同塵願冉茹恨何言嗚呼

唐故浙東道節度掌書記越州剡縣主簿獨
孤丕墓誌

皇唐故潁川郡長史贈秘書監河南獨孤公遷宅兆於
壽安縣甘泉鄉之原公第五子丕陪塋于塋之西序第
三兄愷墳在右第六弟萬墳在左三穴齊列如平生侍
立之序禮也丕字山甫少聰明有志操好學博古年十
五能屬文祖述典謨寔而不華有古人風采至若探綜
圖緯推步六甲昊天曆象太乙之奧悉究其趣尤好黃
老道與脉藏榮衛之數奉之以為衛生之經每餌藥鍊
氣謂丹砂可學乾元二年從季父峻為御史中丞都督
江東軍事盛選僚佐表為剡縣主簿軍書羽檄悉以諮
訪觀其志氣遙遠冲然有騁長途致青雲之勢不幸短
命卧疾累旬卒于會稽春秋終二十三位不過部從事

其弘識明畧真氣妙用藏於身而未形也世無得而稱
之矣嗚呼哀哉是歲乾元三年歲在己亥秋九月也臨
歿嘆曰孝道以冀全真策名期于顯親未中道二志俱
弃命也夫是月也殯于雷門之南先夫人壽宮之傍行
已十年反葬此宮無兒可以主祭悲孰甚焉故月而日
之以脩朽壤洒淚紀德哀罔有極

唐故潁川郡長史贈秘書監獨孤公第六子

萬墓誌

萬潁川長史府君第六子性專靜內敏有幹局多才藝
嗜學好古誦老聃莊周之書究其大畧罹于多難未逞
筮仕乾元三年夏六月與昆弟同侍板輿將如吳遇疾

歿于楚州春秋二十九七月殯于廣陵山光南之西大曆四年五月詔贈潁川府君祕書監是歲七月壬午奉遷神座令祔于壽安縣甘泉鄉之原先是萬之喪至是廣陵是日陪葬于塋西隅禮也夫惟夭壽之數雖聖智所無奈何今尅石志美奠其名之悠久也

唐故亳州刺史鄭公故夫人河南獨孤氏墓

板文

夫人河南洛陽人也其先劉氏出自沛獻王輔其裔孫因山命氏中復劉自獻王十九世至齊行臺尚書令永業始復為獨孤氏自臨川至潁川郡長史府君六葉明德道炳于世夫人潁川府君長女性聰畧有志尚寬仁

慈順加以以明柔而不惑儉必中禮歸鄭氏生二男二女而寡男始孩女未亂鞠而育之導之義方長男曰季董華次曰子華既長皆敦閱詩禮被服文行時人稱夫人善誘善教乾元三年因洛陽再擾隨子北征永泰二年某月終于鉅鹿郡享年若干嗚呼仁而宜壽慈儉宜福二者反是為善者惑焉初夫人少因有行思歸寧而不得晚值多故去邦族而無復由是終身有遠父母兄弟之痛焉臨終故謂其子葬我必於先夫人之壠季華等泣奉遺旨大曆三年歲在戊申以夫人之喪至自鉅鹿冬十一月庚寅反葬洛陽龍門潁川府君塋兆之側夫人之志也及啟書伯姊之德銘諸墓石云

二字吳本作顧

前左驍衛兵曹參軍河南獨孤公故夫人京兆韋氏墓誌

英華有孫子
唐世系表及英
華皆作慈

英華作道

子系表作達
表作仁亦乃仁其之
子系表作拓表
博仁其乃其恭之
弟也

夫人諱某字某楚王交傳孟喬孫唐許州司馬岐曾孫
渭南主簿懿之孫交州金鄉縣尉商伯季女秘書省著
作即京兆從丞相常陸州刺史備之妹其先自彭城郡
徙京兆從丞相賢後九世至本州大中正穆始有東西
眷之號二十五世至徵士曼居魏周二代出不降志處
不隨俗時人號為逍遙公夫人之七世祖也逍遙公生
民部尚書建安公世恭建安生上大將軍宋州刺史仁
將軍生給事中旅即許州之禰也夫以四言之遺直一
經之餘烈十徵之高風焯乎古今宜其秉哲垂懿百代

六字無

子系表作權
字世恭

英華作古

英華作三足

不隕地之華望之崇與春秋之唐杜范氏漢書之袁揚
王謝侔其熾大矣哉二十八葉之明德茂祉降衷于夫
人故孝慈貞儉溫惠淑慎文敏好禮三者皆天機生知
不待師訓而至廣德二年夏六月歸于我衣服飲食躬
自菲薄夙夜戒敬致孝于苻菜接娣姒以謙馭幼賤以
敬敦善勸義恕不知矜不能喜怒未嘗見于容止也其
德禮所化宗族以牧兒童知讓生一子四歲而死大曆
四年夏六月癸丑再孕不育乙卯歿于舒州春秋若干
仁厚而不福德備而不壽是天不惠于我家也向使錫
厥永年正家承筐宜爾子孫百祿是享非夫人曷歸啟
手足之日長幼號咷外姻內姻親疎皆行哭失聲也宜

英華作形

英華作福

英華作八至

相
英華作四外親

哉是歲九月甲申以轉祿裳帷遷于洛陽十一月丁酉
安宅兆于舅姑先塋之西南隅恐時逝事遷景行不遺
于後故刻石以志卒塋且謹而白之

殤子常八墓誌

殤子河南獨孤氏小字常八以其弱而未名也故以字
稱北齊司徒行臺尚書令臨川郡王七代孫左驍衛兵
曹參軍公之元子秘書省著作郎京兆常儻之甥生有
奇表溫明聰秀寧訂于保姆傳婢之手巖然異于凡童
氣閑體和取予必時諸父諸姑每謂與我家者必此兒
也賓客之至者看玉人不暇倘假以壽命則成器致位
未易度也不幸多病大曆二年歲次辛丑十二月二十

英華作丁
已足

二子英華
作得

孫玉振代京改
元大曆歲在丙
午六月傳辛
英華作不
是集作丑非

英華作訓

英華作母

英華有蒙子

英華作至
の子誤英華作三
是

英華年母字

英華有子字

二日殤于舒州壽止五歲四十甲子長幼惋毒六姻悼
惜嗚呼天將不昌我後裔乎不然曷使此孩不至于成
歎大曆八年夏四月十六日以其喪歸葬于洛陽附于
王父母宅兆之側其仲父所涕書其始終紀于墓云

唐故大理少卿兼侍御史河南獨孤府君墓

誌銘 并序

府君諱嶼河南洛陽人漢世祖光武皇帝第十一子沛獻
王輔之昭也齊臨川郡王河陽道行臺僕射洛州刺史
永業府君五代孫國朝明威將軍文惠府君第二子越
州都督浙江東道節度觀察處置使兼御史中丞左金
吾大將軍峻府君之季弟也聰明仁恕專直寬信擾而

英華年
白子

英華作右

英華作教

英華作九
也字括英華
增
英華有遷子

毅温而厲弱冠筮仕以藝即戎藏器安卑非其志也天
寶十四年安祿山反朝廷以淮肥海沂三吳咽喉宜擇
良佐以貳藩鎮命府君為泗州長史無何換滁濠二州
倅戎備參吏職忠敏肅給所莅繫賴御史中丞崔公昭
之尹河南也盛選僚佐表府君為太常丞兼殿中侍御
史營田判官使罷轉湖州別駕大曆五年崔公受詔持
節收宣歙池三州府君復為從事以太子右諭德兼殿
中侍御史遷大理少卿兼御史謂方宜民宜人祿與壽
俱遭命不淑春秋五十五而歿是歲大曆九年春三月
二十四日也夫人隴西李氏以柏舟之誓提携諸孤某
等奉府君之喪言歸洛陽某月日窆于某原禮也府君

英華作服
英華作程非
英華作屈

英華作芳道
明誠

英華作是

少孤奉事兄嫂以友悌稱在邦在家言信行果居官祇
事強志能力及其冠佐太府上以勤恪周爰成務下以
明誠勞謙應物知禮正家敦睦族姻自疎及親必慈必
愛而命不我與年未下壽天其天其天嗚呼哀哉初府君
之金吾伯兄擁旌浙東也拔崔公于羣吏之中外為軍
司馬推誠委政之分猶晉得韓厥宋得子罕及中丞之
開府辟掾府君為首既而府君之喪也中丞哭之慟贈
賻賙給加于人一等由是稚子孀妻得奉喪而西三月
而葬禮無違者賻布之餘足備祭器君子謂金吾之明
哲移厥兄弟宣州之交情見于死生知己之道斯其行
者鮮矣及歿不以直詞書仲父之美于墓石其詞曰

一作勳略
或作勳業

其英華作是
英華有八子

英華作還

叔父懿德承家令儀惠伯哲兄踐修靡遠移治于官發
迹淮沂及佐皇華赤繡其衣天子命我再參軍機駱馬
驛之所從其誰顯允君子為諸侯師府君委質咨諏載
馳式壯其猷菴未及之陰陽為冠子鵬洽期昔也陟崗
哀之永思今也反真匪公曷依伯兮叔兮今予已而他
年九原公誰與歸

英華作語



毗陵集卷第十一

朝散大夫使持節常州諸軍

軍事常州刺史賜紫

綬魚袋

獨孤及

蕭

惟

墓誌墓表中

九



唐故正議大夫右散騎常侍贈禮部尚書李公

墓誌銘 并序

唐故秘書監贈禮部尚書姚公墓誌銘 并序

唐故特進太子少保鄭國李公墓誌銘 并序

唐故朝散大夫中書舍人秘書少監頓丘李公

墓誌

唐故給事中贈吏部侍郎蕭公墓誌銘 并序

唐故銀青光祿大夫太子右庶子嚴公墓誌銘



并序

唐故尚書庫部郎中榮陽鄭公墓誌銘 并序

唐故吏部郎中贈給事中韋公墓誌銘 并序

唐故河南府法曹參軍張公墓表

墓誌墓表中

唐故正議大夫右散騎常侍贈禮部尚書李

公墓誌銘 并序

歲在丁未七月丁卯有唐故右散騎常侍李季卿薨享年五十九文經邦國行滿天下無人非鬼責之悔以近後劇無中人十金之產以補祭于身沒顧謂宗子家老必以布車一乘斂手足形還葬其孤馮翊縣令霸等泣

一
作伯

奉遺命以其月庚寅附宅兆于長安九疇原之先塋名公上士護喪會葬同道必至哀纏都邑初公烈考曰適神龍中歷官中書舍人昭文館學士工部侍郎才高而明為文章著龜公生而好學地使然也豁然閔達天所縱也臨大節而貫勇不私其身也進賢不進不止事君以忠也當昔天步方艱難王師有征公入參諫臣出佐軍政直躬咨諏戎臣賴之其後領二曹判二州再司王言三貳京尹由秘書少監為吏部侍郎復兼御史大夫慰撫山東淮南明年勞旋曲選如故大曆三年拜右常侍其勤王家十有餘年舉措由道行止以直居貞守忠愆不能惑思賢求才若渴若飢推心吐誠親跡以之執

德之經不為利回正進退于忠信視得喪如涕凡君子在位則不仁者遠收祖之邦宜皆蒙福遠奪公算是不惠于斯人也天難忱斯嗚呼哀哉諸公以為不可奈何者壽夭之數若奮揚景行宜在已知由是尚書右丞長樂賈至作銘曰

於維李公誕靈中和磊落瓌期如山如河胃中洞開萬里長波孝友忠信詩之無邪早歲登科以文從吏累擢大邑拔予其萃時之方難朝慎名器帝曰忠謹爾居諫議出典方岳入趨禮闈再掌絲綸翱翔鳳池乃作天官又侍紫微八使澄清功濟危時諤正言有犯無隱恢諧善譴託諷脣吻雲衢未窮陰霜夙實悽愴東川古來

共盡人懷遺愛帝念謀猷褒贈春官悲感林丘已矣平生哀哉若浮獨有令名与天悠

唐故秘書監贈禮部尚書姚公墓誌 并序

有唐秘書監永安縣侯姚公諱子彥字伯英其先馮翊蓮勺人也至高祖僧洪從家河東祖思聰秘書少監父坦汝州梁縣丞贈秘書監公忠諒孝愛寬仁愿恭質方氣冲天所授也而力行博學温故知新錯綜六藝公作詞賦初舉進士又舉詞藻皆升甲科尉清苑獲嘉永寧三縣開元二十九年詔立黃老學親問奧義對策者五百餘人公与今相國河南元公載及廣平宋少真等十人以條奏精辨才冠等列授右拾遺内供奉歷左補闕

英華 子公字

英華 作遠

英華 子公字

英華作考是時
英華作樂

英華作癩

英華作左

自以儒行至至至
十七字英華作樂
名事君二十有七年
文學一紀羽儀三朝
凡六端瑣刺三書

于時選多士命百官先文行而後名法而柱下方書南
宮章奏主張綸翰典司禮文尤精其選非盛名莫居錄
是遷公殿中侍御史禮部員外郎禮部郎中知制誥中
書舍人太常少卿天寶十四年奉詔宣慰江東淮南覽
觀風俗無何二京陷覆太夫人捐館公外罹憂患內纏
惻疾銜憤泣血毀隣滅性乘輿反正公適外除拜太子
右庶子于時逃難始康百揆草創官復其職人亦求舊
儀又授公中書舍人禮部侍郎光祿卿左散騎常侍加
銀青光祿大夫復知制誥廣德二年授秘書監以儒行
懿德策名三朝遺迹故事周遍臺閣資忠體和惟道是
居正身奉上中立不倚恐懼戒慎形于隱微故遭值傾

英華作吏

訓誥四在神長一典

社書其遺一塵餘
跡用循言言言言
事業著於天下

英華作駒

英華作石

否出入夷險而未嘗有悔名與身偕德善是依明哲以
保故也享壽七十有八大曆三年四月某日薨于位五
月某日詔贈禮部尚書知言者以為壽福康寧攸好德
考終命洪範謂之嚮用五福而公居四焉以清儉貽厥
子孫故所不至焉者富焉爾非明德介祉何以享茲有
子曰驍曰驥曰騃曰駟曰驢號于昊天痛欲報之罔極
也銜恤問禮收血衰事十月丁酉卜兆此原惟盛德與
公器若川流之無還垂芳如之何刻銘墓門其辭云
恂二秘書蘊粹含和服膺孔門行隣四科遭時之康天
下尚文公奮羽翰翱翔慶雲晚逢中興貴德尚齒公秉
懿範入作御士逮事三后出入二紀典禮司書媚于天

英華作中

英華作二

英華作字

英華作

英華作光烈遺
美
英華作不

子居貞保儉與祿終始鬱鬱佳城烈二孫美日月有逝
令問無已

唐故特進太子少保鄭國李公墓誌銘并序

少保諱遵皇唐太祖景帝七世孫也祖瑜鄭州刺史追
贈太常卿烈考曰暈官至太僕贈太子太師揚州都督
公聰朗奇偉豪邁曠達率性忠孝臨節有勇開元十年
初仕天寶六年出守始于淄川歷濟南汝南以剛明益
衆所居政肅民受其賜生為立祠十四年秋九月由執
金吾為彭原郡守明年長安覆沒玄宗遜于南京便橋
之後我師敗績自新平屬之五原二千石皆反為賊守
肅宗以餘騎十數次于彭原公頓首迎謁且憤且喜因

獻衣服鞍馬泣問大計乃悉發倉庫募敢死士獲九百
人公自誓衆扈蹕而北翌日師次臨涇又北至于平原
收携貳逆命者斬之以殉破其餘黨進幸靈武旬日衆
至數萬王師遂張于時法駕播越神器無主公與裴冕
等率羣臣勸進陳天意上尊號上即皇帝位拜公尚書
工部侍郎領宗正卿乘輿南旋公許鄭舊京始復公典
營建社稷宗廟園陵壇塋固不畢修百工咸若乾元二
年論功行封策為鄭國公定食實封二百戶加特進工
部尚書宗正如故上每拜公相命將帥建妃后公悉叅
焉渥澤滂沱羔鴈盈門家有陸生之橐樂兼魏絳之賜
中興宗臣荷寵無二會李輔國泄省中語且諷公卿舉

已為相公不從密陳其姦明年肅宗崩公由太子少傅
貶袁州刺史竟為盜憎且讒勝故也寶應二年拜鴻臚
尋復加太子少保貶永州司馬大曆二年七月某日薨
子永州春秋若干夫人盧氏蘄春郡長史諱之子以副
筭宜室封范陽郡夫人而偕老懋願先公十二歲而歿
大曆三年夏五月庚申合葬于萬安山北原禮也惟公
宣力殷憂之際克扶艱難之業忘身衛上忠之至者及
居職任事知無不為永泰之後以列侯朝請則放志達
生以親其身再處左官皆非其罪知公者謂公進**西**策
勲退不附邪善無近名直而忘懷斯可謂之達矣有四
子謂誦諍諤願書其先人之勲烈使後嗣得酌而觀之

於是公母弟秘書少監日勛謂及泰佐典三禮宜知先
王先公之昭穆故命為誌其辭曰
貞松之姿匪寒不知公之清規見于國危抗憤忠**勤**發
民濟師戮力扶義天步乃夷奄有滌波遂荒鄭封帝曰
俞往汝作共工澤流于家慶積恩重門羅軒蓋賜有歌
鍾再謫湘源謂當後笑遂遊岱宗天寶不弔宗莫舊館
悽涼江徼琢石泉戶攜其光曜

唐故朝散大夫中書舍人秘書少監頓丘李

公墓誌

公諱誠字玄成魏郡頓丘人也九代祖誕魏太傅陳留
郡王從太傅七葉生左威衛將軍翊威衛生汾州長史

昇長史生濮陽令諒濮陽生公四歲知禮七歲善屬文
十六戶部尚書姚誕以賢良薦比之終賈開元三年舉
進士十年舉茂才十七年舉文學皆射策取甲科由太
平尉為金吾曹監察御史河南司錄美源令膳部員外
郎考功員外郎天寶元年考功郎中知制誥修國史二
年中書舍人五年祕書少監七年十二月終于京師自
初仕至終二十七年歷官十享壽五十三動靜由禮交
不諂瀆弘毅貞亮直而不肆居官必忠執事必敬未嘗
以悔吝改操為權倖屈法由是自御史為河南府司錄
持正不阿故也宰美陽周月收案大猾除其根株然後
布政及期而美陽無訟乃有涸泉湧流白雀馴于庭開

元中蠻夷來格天下無事播紳聞達之路唯文章先公
以俊造文賦皆第一京師人傳寫策藁相示以為式無
何司言載筆乃典祕書公才盛名與職位俱論者謂公
以文學政事取公器如拾芥雖不至公卿其令問令望
足遺後昆夫人孝義縣君宋氏萊州司馬元同之女禮
樂風操家之範也柔明孝慈天之質也清淨狀離修之
惠也能修采蘋之職以正家節李氏之閨門爾九族睦
寔夫人是賴乾元二年隨長女從夫于洋州二年正月
二十五日終于某居享年五十七遂權窆焉路難不克
返葬故也有才子二人曰興曰殷悉能荷先大夫之德
興三十為左補闕起居舍人殷舉秀才甲科永泰二年

興請命于上迎夫人喪至自洋州十月二十七日合祔于渙池先塋夫惟天地能長且久若丘壠陵谷則無不遷者也故纂其先人之景行勒于石以為志

唐故給事中贈吏部侍郎蕭公墓誌銘 并序

公諱直字正仲梁長沙王懿七代孫有唐御史中丞臨汝郡守諒之孟子聰秀英達忠敏孝敬志強體和才方而圓果于從政當斷不惑有妙用明識足以濟衆利物與朋友然諾見于一貴一賤之際十歲能屬文工書十三遊上庠十七舉明經上第名冠太學二十餘以書記叅朔方軍事中丞府君之遇讜諫居也公亦播遷漢東移尉穀熟至德二年乃由廷尉許授監察御史歷河南

府戶曹京兆府司錄叅軍其後驟升尚書戶部庫部司勳吏部四曹郎自殿中進兼侍御史中丞徐州刺史廣德元年中一歲四遷更七職朝廷雖奉使之選謂匪公莫可故也永泰元年拜太子左庶子大曆三年授給事中前後居官二十辟書記支使判官副使行軍司馬貳使臣之車者八出入冠柱後憲文冠者六所從之主則朔方元帥張懷卿汴州刺史李彥允揚州刺史李成武戶部尚書李公垣故相國今戶部侍郎第五公琦今相國黃門侍郎王公縉中書侍郎元公載其人也當乾元上元中大憝未靜王室之安危唯方面藩鎮是瞻公所佐之府必以忠力主畫疑謀危事談笑而訣刀筆之所

加應機成務談者稱其多才初公居先公夫人之喪外
除猶毀其後母弟立卒公期不絕哭再暮懸不樂食不
肉談者高其孝友人緩急小大之請必儲必副內姻外
姻與所知之喪必匍匐而救之賙哈加于人一等談者
服其仁愛至是與為廢子給事黃門出入兩宮優游三
公間皆得其歡心方謂六卿九伯之位可坐而拾命不
我與天孤人望歲在丁酉二月二日終于靜安里正寢
春秋四十六談者嘆其名與位與才每時四者皆并獨
壽不至時輩以為痛三月二十五日詔贈吏部侍郎嗣
子策密莒羸然銜哀奉喪來歸冬十月甲午卜塋于洛
陽龍門崗先中丞塋之左禮也先其期論謨功烈以墓

吳平作不
物案

銘乞其父友孝也余欲塞其孝思之誠故錄其實不華
其文銘曰

天地氣和靈芝吐葩德善下鍾才子承家為言為行是
構是荷平聲天子謂公濟美忠文駱馬鐵冠俾佐使臣周
爰海隅撫循斯民往踐諸曹亦倅戎車一麾出守言隼
其旗乃推銅樓復登明廬竹花梧葉棲食茲始曷云不
淑今也適已萬里可到中途而止逝者如斯化往莫留
瑶林瓊樹零落山邱匪石之貞曷紀德休

唐故銀青光祿大夫太子左庶子嚴公墓誌

銘 并序

皇唐太子左庶子河內縣子馮翊嚴公諱損之故都督

英華作愛

英華作羽
考作翹

英華作羽

三字英華作秘
書省
英華作以

洮州諸軍事洮州刺史協之孫贈太常少卿方約季子
中書侍郎挺之母弟家之廢天之休鍾于公躬故德備
少仕昌世過權臣惡直官不登三臺晚值多難安貞不
競故位不過郡守官尹前後佐兩衛參四府領二縣典
七州再入石渠三升龍樓凡處任十八享年七十六未
嘗以利苟合違道從欲用之則行見機不俟動靜允迪
勞謙有光廣德二年六月二十五日終于襄陽是歲八
月權安楚山西原家子曰武官至江漢少尹不幸道夫
仲子曰士元由殿中侍御史為尚書虞部即少子仕良
領秘書著作恚能裕父蠶懿文德取公器他日獨立訓
所至也大曆三年歲在戊申五月二十九日返葬洛陽

英華有

英華作忠
信王殿

英華有負
外二字

英華作類將本
系

先塋禮之至也宗人故太常卿向嘗狀公往行貽諸有
司謂公外寬內剛廉正篤敬溫而不厲直而不許學究
原本行有枝葉故其遠道求友莅職任事覈其實不居
其華初公宰汜水也以莊明慈惠為政汜水人不敵欺
而戶口增倍獄訟衰止御史中丞蕭隱之以狀聞公是
以有著作郎之拜其後歷大原上谷弋陽餘杭丹陽雖
風俗殊異治效如一不曰才子公在清池會安祿山與
當國者交惡公曰難作矣遂移疾請告茲黨惡之是以
有弋陽之貶之明年河北為戎不曰智子涉艱患不
辱身踐祿位不徇名居義處順動因遠吉不曰貞子鳴
呼榮閭素業與時偕逝可稱也而不可追也今採其實

英華作程

英華有之

英華作和

英華作符

錄刻石示後益欲報罔極者之志云其辭曰
 君子之道容民畜衆公宰二邑二邑無訟與國共此唯
 二千石公上剖竹七著成績乃師國子司成望苑考藝
 校德以弼三善中和其心正直是踐道亞羽翼名掩春
 華忠以事君孝施于家祭之令子鮮葩晨葩若何不吊
 盛德既喪音徽永沫士友孤望千載九原遊者悽愴
 唐故尚書庫部郎中滎陽鄭公墓誌銘并序
 永泰元年六月四日尚書庫部郎中鄭公卒春秋四十
 有九知舊茹痛行路嗟悼謂公口無擇言身無擇行得
 乾之貞固損之元吉坎之常德明夷之正志宜荷福履
 俾如山阜而秩止于三百石年不及知天命明神豈予

理華作此
英華作雨

欺予嗣子正藐然始孩孤窮何怙八月四日墓于先塋
 宗人家老於是子以果行實錄貴于豐石禮也公諱寵
 字若驚滎陽開封人也其先建國命氏有鄭世家言之
 矣大王父某澧州司馬贈衛州刺史衛州生襄陽令某
 襄陽生臨汾令某臨汾生即中純懿休祉之所叢也貞
 亮忠厚仁讓孝敬融明而溫性與道并二十舉明經高
 第解褐鄴尉太尉房公之由鄴郡而為右扶風也表公
 茂材擢鄆縣令號土狹而人竄公用教化漬之謂任力
 不及任人聽訟不及使無訟故以直弘道以信齊政以
 禮肅墮以讓息競莅止一歲鄆人恥格至德二年拜監
 察御史徙太原戶曹領平遙令真拜大谷其在晉如在

號也詔書勞之錫以命服遷華原令拜尚書工部員外
郎而唐人晉人猶歌詠盛德願得公常居其邦莫有由
也太原守上其狀詔遷太原少尹未行轉庫部郎中凡
歷十官宰四縣一持斧而再起草其政先道德而後刑
法內精辨而外若訥戮力事上吐誠率下因曲物以直
己固拂百姓以干名聲唯畏清之知善之彰歛其教者
忻然樂康而不知其惠之所由生也與公遊者靡親靡
踈恣飽醇德而不見其天機之弛張也其學而知者唯
濟南之書淹中之禮田何之易胡毋之春秋酌其微言
以治其身之治移于閨門閨門之治移于官之治
可移于國而壽不可踰于域故位量未半良吏無述焉

自古有死彭殤同途獨有其身歿而其名存乎故老之
口此之謂不朽不可以不識其詞曰

剛德于時道家所忌抑之鄭公直溫柔毅衆人缺之鄭
公見朴衆人昭之鄭公若濁布改四邑四邑和樂雷震
風偃物亦允若御史執法即官草奏鄭公莅止德音是
茂于以經術潤色王度宗族叙悖鄉黨歸仁孝謹之風
萬石之門兄也弟也天之中善則無報天地不仁抑
抑鄭公執德之中生不近其名歿不墮其聲于嗟乎鄭
公

唐故吏部郎中贈給事中韋公墓誌銘 并序

郎中諱元魯字栢叔司農少卿德敏之孫衢州刺史魯

縣康公璆之子天寶五載解褐尉邠州新平其後叅佐使臣者五入御史府者三一居專城六為尚書郎大曆二年十二月乙酉以吏部郎中終于京師靜菴里之故宅春秋五十有五啟手足之日朋從僚吏親者踈者匍匐而泣奔之如不及惟郎中寬靜厚博孝友貞儉朴而愿達而好禮氣和于中而博之以文好惡嗜欲發皆中節以誠待人不務智巧雅尚儉慎臨事則虛已應物與道弛張性若踈緩赴急則慘怛之仁形于顛沛誦詩三百不以文自衒在官必聞未嘗近名尤樂閑曠每以邱壑為己任機事嬰之而未違也則公之歿也跡負其志壽違其德官屈其量君子以是三者思其人而哀其命

公無胤子以兄子某為嗣大曆三年正月癸酉上寤於舊塋初職事者議三府高選欲以給事黃門待公既而弗及僉以為恨至是詔贈給事中以褒美之且復其言也嗚呼渭水東注時與之俱音容緬然何嗟及矣公之從父兄曰元甫與公友愛之外有知己之道焉故天倫之感加于人一等謂及叅仲氏之舊故使為志云

言罕兼德勇不必仁文行忠信獨鍾于身凡厥正人既富方穀缺叶于極命故不淑結志方遠為郎未老孰与若木先秋而槁變化誰宰天地何物目不容瞬盛德如失昨日容徽今如夢焉採君遺塵誌君新阡

唐故河南府法曹叅軍張公墓表

英華作張師非

英華作貞非按後上元二年終別此為作乾

英華作長

有唐逸士吳郡張從師冲和純粹博辯宏達卓犖好古
儻蕩逸羣官不近名唯代耕是謀貞不絕俗以忘機為
心秀才高第起家臨濮縣尉歷馮翊伊闕二縣主簿乾
元二年拜監察御史中丞鄭炅之擁旄濟江辟為從事
轉河南府法曹叅軍凡歷官五政享年五十有八忘懷
榮道終始以之據臂于爵祿聲名得喪虧盈之間如浮
雲無心野雀獨立形全神全身与化俱上元二年八月
辛卯終于吳郡私第其孤惟儉惟靜能稟謨訓弱歲皆
精左氏穀梁春秋藐爾在疚零丁何恃季弟秘書省正
字曰從申廼茹天倫之哀謀及卜筮以是歲九月二十
八日穉寤于虎丘山之西原禮也初公祖損之隋大業

英華作媒

英華作是

英華作位

英華作捐

英華作法

英華有學字

如字英華作
二子非

中進士甲科位至侍御史尚書水部郎損之生烈考法
以碩學麗藻名動京師亦舉進士自監察御史為會稽
令文雅之慶施于後昆故擢秀才而衣繡衣者及公三
葉君子以為榮少好黃老且修禪慧晚節持六經微言
以遺三子三聖之學不墜于地君子以為博誼諧不羈
顏頰傲世視軒冕纓紱如塵埃必也臨事能斷義形于
色推賢進善不進不止君子以為達當伊川啟我歷陽
為魚公刀窘身陷者至于再涵泳鼎沸厲揭橫流而跡
無淄磷憂患不能及君子以為智宜享黃髮而升青雲
天胡降亮殲我仁人嗚呼先生往無返期談藪清風詞
林逸韻墨池真草三事永絕凡今友朋可勝痛哉恐後

英華作信

英華作涉

英華作

代丘隴將平川澤相失求遺迹者莫知德音之所始乃
志之以石永為靈表

毗陵集卷第十二

朝散大夫使持節常州諸軍事守常州刺史賜紫金魚袋獨孤及著

墓誌下 十一首

唐故右金吾衛將軍河南閻公墓誌銘 并序

唐故范陽郡倉曹參軍京兆韋公墓誌銘 并序

唐故商州錄參軍鄭府君墓誌銘 并序

唐故虢州弘農縣令天水趙府君墓誌

唐故衢州司士參軍李府君墓誌銘 并序

唐太府少卿兼萬州刺史賀若公故夫人河南

元氏墓誌銘 并序

唐新平長公主故李女姜氏墓誌銘 并序

唐前楚州司馬河南獨孤公故夫人博陵崔氏
墓誌銘 并序

唐司直博陵崔公故夫人趙郡李氏墓誌銘 并序

唐萬年縣尉崔爾洌故妻李氏墓誌銘 并序

唐故天水趙琚墓誌銘 并序

墓誌下

唐故右金吾衛將軍河南閻公墓誌銘 并序

公諱用之遠祖曰文周昭王璣之昭也生而有手文曰

閻康王竒之命封閻城文四十五代孫滿仕後魏太祖

為諸曹大夫自馬邑家河南其裔孫慶在隋為少司空

慶生毗生立本立德唐永徽中立本為中書令立德

英華作後

英華作昭生

英華作悟

英華作戎

為工部尚書立德生遂以司空尚書之餘裕也官至澤

州刺史遂生巨源常宰射洪有仁政射洪人詠歌之公

射洪第二子也溫毅遜直廉恪寬信讀論語老子周易

被服其教初任彭州叅軍嘗攝督郵一日糾按本州僭

謬不法數十事太守徐知人以為材後有詔擇舍人以

公魁偉爽晤有醞籍乃登其選會戎侵我天子方愛人

息戰將以辭讓屈之詔公使西域以王命諭禍福戎人

頓首請罪介馬不汗戈鋌不用而虜軍却遷右衛即將

知引駕仗金吾將軍李質上殿不解佩刀公呵下殿陞

請按以法左右皆震悚自是環衛加肅先是有司以三

衛執扇登殿引蹕公奏曰三衛皆趨悍有材力不當升

英華作

英華作

唐書作玳

英華無人字

英華作得法
王

英華作因以名端
事
英華作情

階陞通御座請以宦者代上曰可遂為故事天寶二年
冊拜公長女為皇子義王玳妃加公左驍衛將軍遷榮
王傅初玄宗懲諸侯王之國任事率多驕蹇不奉法度
而人受其害故開元之後皇子皇孫雖荷封建之命未
嘗離阿保之手悉無出宮闈任卿大夫者公以為王居
深宮則傅相職廢上疏陳古義謁諸侯王申輔導之禮
議雖廢格上以為忠公已白首位為將軍諸侯傅太夫
人尚無恙以銀印赤散侍朝夕膳色難無違時人榮之
太夫人捐館舍禮五十不毀公泣血死孝既免喪天子
復目以端士俾傅壽王加朝散大夫上幸溫泉經時未
還宮京師人望屬車咸懷怨思公獻四言詩十二章諷

英華作三

英華作義

英華作或

英華作泣
血三年

英華作在

英華作四
十三

英華作陳

英華作唐

英華作定

英華作心

英華作知

諫優詔褒歎後遷左金吾將軍天寶十五載二京覆歿
公為虜所獲明年戎師奔然後以服初秋歸至德後二
年十二月終于京師春秋五十九夫人雍州司倉參軍
博陵崔春言之女專靜冲懿慈惠而明用德禮以佐君
子有古風烈亦天鍾其仁不遠其筭年若干月日歿於
私第歿六載而公薨俱權窆少陵原有四子寧家宰宣
以家之不造世故之無寧歲也銜恤茹血不克喪事者
九載廣德中家以監察御史領高陵令明年辭職始卜
塋于故原吉乃歲在丙午十一月日遷兆合祔嗚呼惟
音形事業悉如化往獨陳迹每邱墓存焉非金石則無
以示久遠故表而銘之孝子之志也其辭云

五子英華作
初秋歸主非

英華作定景
子系表也作定

英華作有
孫子

与字英華作
可知

華章作靜

郁：金吾洵美且温事君之忠資于愛親以德資身其
祉宜繇彼美輔佐儀刑闔門禮樂是悅孝慈是敦百歲
之後合德九原獨以金軌垂諸後昆

唐故范陽郡倉曹參軍京兆韋公墓誌銘序并

永泰二年五月七日有唐故衢州刺史魯縣子京兆常
璆第三子范陽郡倉曹參軍諱元誠荃于少陵原先塋
夫人范陽盧氏附焉從周禮也公少時為坊州參軍歷
襄州司法試守棗陽縣令真授蒙城令凡五遷至范陽
倉曹初安祿山以范陽叛劫脅元：以殺整衆士之因
官因居而困窮顛躓墮圍中者數千計凶威所及不死
則汚公椽吏也在偽署伍中溷跡佯狂冀以病免盜憎

華章作敬

之乃加害焉春秋若干夫陽九厄會天地鞠凶燎：矣
火玉石何訢是歲天寶十五年也嗚呼人皆筮仕必以
廉平公幹稱于州里人誰無死：則名不辱志不奪不
嚙盜哺以易其生：且不苟其事君事親之禮不待史
氏而自明矣在官必聞則居家正身与朋友臨財之節
可知矣有子曰彤龍鍾崎嶇于險阻之中十年不克返
葬哀有何極歲在乙巳冬某月始跋涉太行恒山之路
以公之喪至自某郡公季弟吏部郎中元曾既得吉卜
痛天倫之摧莫之追也願以兄之忠于君恪于官友于
家之德之美以播後嗣庶幾陵岸遷而德音不磨謬以
及為習于禮者故使為志其辭云

天地橫嶺三象靈兮梟獍擇肉鸞鷲懼兮明夷于飛惟其故兮美玉寧折質不污兮子孫之荷餘裕兮

唐故商州錄事參軍鄭府君墓誌銘 并序

公諱密字慎微滎陽開封人也初韓哀侯滅鄭羣公子奔陳宋間始以國為氏惟桓公武公之德盛故國除而其姓弥大歷漢魏晉迄于今冠冕婚姻世莫与京公其裔也齊中書監南充州刺史謚曰平諱述祖公之六代祖國朝衛州刺史府君諱某公之大王父也博州刺史府君諱某晉州臨汾令贈太常少卿府君諱某公之祖稱也公貞方介直勤而愛人初仕趙州栢鄉尉所莅不過一局而政行一邑廉使省風俗至趙之父老率吏人

數千遮道稱公之能識者題公材且得衆滿歲歸洛陽家于鳴臯山南趣深險以避祿山之難親故數百家携老幼往依之公恚發竇窞無親疎皆仰給餼者窘者得公全活先是累歲力耕致粟至千斛至是而盡談者稱公之義二京返正天子選賢守相令長將蘇瘡痍之人殿中侍御史王政以公充賦拜商州洛南令數月訟平賦均監察御史李椅殿中侍御史王延昌御史中丞元公載並表言其狀詔書褒稱加公壽王府戶曹參軍洛南如故無何遷上津令專知轉運水陸漕輓邦都移用賴公而濟彼大理評事商州刺史盧浦以公前後課績條奏遂以本官兼商州錄事參軍御史中丞王延昌表

公才任御史奏未下會疾終于位春秋五十是歲廣德元年八月七日也其年權定于商州夫人清河崔氏某之女生子雅弟幹大曆九年歲次甲寅十一月某日返葬于洛陽北邙山某原禮也公世業尚文伯仲皆才公尤深于詩言合麗則究緣情之美天性孝弟檢身端方居官廉恪其家道且以勸所不至者位止于中士壽不過知天命矣夫公母弟尚書刑部郎中宣秘書省著作郎竇以其兄之德善授牘于及二跪讀三復敢以竇錄刻石其辭曰

緇衣之宜敝予改為蔚彼明德蔭此本枝乃公乃侯典則是貽藪祉于公竇生今儀試吏栢仁巖然忠規清不

奪節剛不干時以道蒙難處險若夷臨財務施依者如歸匪愛千鍾仁為吾師亂已運開乃從繫維先禮後刑以牧梵嬰商於之人家肥俗移督郵廷評九仞之資曷云不淑命爰功虧明畧未申詒痛所知吉凶匪忱今古同悲桐鄉之愛懷縣之詩令問顯二子孫承之

唐故魏州弘農縣令天水趙府君墓誌

府君諱令則字某天水人也其先造父實佐周穆有平徐偃王之勲因封命氏至晉而大以成季宣孟之慶故家化為國及武靈而稱王語在太史公趙世家秦滅諸侯使趙王嘉子公輔王西戎二人懷之子孫因家隴西世為天水著姓其源遠矣曾祖元楷隋殿中監工部尚

書淮安公祖崇基國朝岐州郿縣令符璽郎右衛長史
烈考慶逸正議大夫許州長史府君長史第二子也好
古博學涉獵百家之言善屬文尤注意詩賦外剛毅峭
直內溫良而仁率由天性潔于行已起家幽州薊縣尉
敏洽強濟聞於河朔以直道事人忤幽州刺史張守珪
貶封州開建縣尉遇赦遷建州安縣丞稍移湖州安吉
縣丞天寶九載選授歸州弘農縣令弘農甸服也地迤
賦殷號為難治府君治之如治家刑以肅滌怠德以哀
鰥寡為政暮年邑民知方三歲績成人無不均不安之
患歸人頌之解龜後貧無餘貲因遊方河朔會天寶十
五載幽都為戎荐瘡鍾運明夷垂翼至德二載某月日

遇疾終于某州春秋若干嗚呼民莫不穀我獨百罹才
如府君胡不朋三壽綏百祿而生世坎壈歿身喪亂若
之何不吊命矣夫二人河南獨孤氏朝請大夫汝南郡
長史府君之孫武功縣丞府君之女明哲柔懿實天生
德結悅宜室四十有四載內修法度輔佐君子躬勤慈
儉以化閨門趙氏之家肥族睦繫夫人是賴有子若干
人訓以義方咸能被服文義幹父之蠱使有德者必壽
夫人宜登期頤奈何不淑遽奪長筭天寶不信人烏徵
福大曆十月五月二日寢疾終于郿縣官舍春秋六十
有七嗚呼哀哉長子湖州安吉縣丞琪二弟某官璿蘇
州嘉興縣丞璿太子舍人兼京兆府郿縣令玕晉州臨

汾縣尉珮臨晉縣尉珣二弟紀是歲秋八月某日奉府君夫人之喪合祔于京兆某原禮也府君有集若干卷遐遠之志見于詞矣若言行才業官族歲月非銘無以示後裔也故著于石

唐故衢州司士叅軍李府君墓誌銘 并序

公諱濤皇唐太祖景皇帝六代孫也曾祖道立嘗典陝濟陳三州刺史封高平郡王祖景淑畢國公父仲康官至尚書主客郎中登州刺史世秉懿德為公族領袖語在皇室譜公純孝忠厚貞信廣讓直而遜明而晦朴而不固靜而應物克己復禮時然後言策名居官清畏人知弱歲好學篤志經術專戴氏禮晚節耽太史公書酌

百代之典故以輔儒道以經明行修宗正寺舉第一初仕許州臨穎縣主簿歷宋州宋城縣尉皆以恭寬信惠聞于千室議黜陟幽明者謂公文行吏事宜登三臺會河朔軍興避地江表相國崔滋承詔署衢州司士叅軍于時五府辟召之權移于兵間務苟進者多由選而致顯位公險德正志安貞俟時未嘗以得喪險蕙芥方寸視榮辱晏如也論者高之乾元二年某日寢疾終于揚州春秋若干以某月日權窆于衢州嗚呼仁可以師表播紳而無貴仕禮可以軌範風俗而不遐壽仲用休績卷而未形謫与化徃使善人相吊嗚呼哀哉公歿後十有二載從父弟涵以宗室柱石為御史大夫按節

江東痛仁兄生不登公侯卿大夫之位歿不備踰月外
姻至之禮遂茹哀筮日減月俸以庀喪具由是天曆九
年夏四月二十七日公長子居介及居佐居敬居易奉
公之輅柩歸葬于洛陽先使君夫人宅兆之側凡今存
予唯存友于兄弟者於此予觀禮及謂知公者宜莫若
懿親今將以無媿之辭申報幽路故作銘以紀于石其
詞曰

天地方否君子安界世道既夷隙駒莫追仁而不壽才
既無施積善必慶天何余欺禧二裳帷沂江絕淮蒼
故山玉樹斯埋死喪之感弟兄孰懷令德家風与天壤
備

唐太府少卿兼萬州刺史賀若公故夫人河
南郡君元氏墓誌銘 并序

夫人諱某魏景穆皇帝九代孫也祖諱某皇朝贈太子
少保父諱某克荷前烈不幸早世夫人在孕而孤鞠育
于叔父相國潁川公天機聰明生知仁孝被服法度綜
習文吏年十四嫁河南賀若璿二積功勞剖符為郡夫
人輔佐以副筭宜室能睦其族且勸以義而風藻禮範
儀刑閨門晚節厭離心垢嚴持禪誦而道機未弘壽量
有極永泰元年三月某日終于渠州享年若干嗚呼以
夫人之柔明孝慈溫惠淑茂况承景穆之餘裕少保之
貽則季父當國良人專城河潤澤及福綏宜遠胡弗眉

壽鍾是短曆穎川公之慟其可既乎大曆二年二月二十
二日反葬于京兆鄠縣之某原宜列景行詔于彤史
恐陵岸或遷音徽將沫故月而日之銘諸堅石蒼猶父
之志也其詞曰
人亦有言天祚明德于嗟邦媛未階壽域家節既成蕙
牙方植仁而無報為善者惑夜臺超忽神斯冥默貞石
有磷德音固極

唐新平長公主故季女姜氏墓誌銘 并序

乙巳歲四月二十六日有唐新平長公主季女姜氏卒
于京師昊天觀五月六日葬于某原長公主歎季女姿
度榮茂溫惠淑慎能循女師之訓動中禮範其曾祖柔

遠位至尚書地官侍郎祖暉以勲舊歷太常祕書剖符
封楚其父慶初能踐修祖考之耿光嗣爵舊國復居太
常玄宗其外王父也肅宗其舅也天池波瀾澤潤本根
謂德鍾下錫祉與壽宜君子家室且昭芳于彤管乃未
筭而天命也夫嗚呼窈窕專柔含德而未形雖當鵲巢
小星采繁殷雷之德今已矣夫史氏茂由記之矣長公
主之慟其庸可及乎故月而日之銘諸堅石其詞云
思變季女生于公族稟懿德兮天世其祿不遐其福胡
不淑兮彭殤同躅數不可續哀靡極兮

唐前楚州司馬河南獨孤公故夫人博陵崔

氏墓誌銘 并序

夫人諱某博陵安平人也曾祖恭禮國朝駙馬都尉延
齊易州三刺史封博陵郡男祖興宗饒州長史考雋亮
州臨渙縣丞夫人少孤在家以純孝稱既笄莊明而賢
柔順有識年若干歸于獨孤氏奉蘋藻供祭祀事長撫
幼糺合宗族敬恭而誠孝愛備至動必由禮非法度未
嘗踐也生子四人教之以義方夙夜自厲家道以正娣
如服其義親戚稱其慈天不降喪于我大曆八年十一
月某日享年若干歿于壽州少長行哭六姻涕泗傷夫
人有宜室之美勸義之明而司命奪其長筭使德与壽
反嗚呼哀哉明年十一月日公使長男勸奉夫人之喪
返葬京師某原先塋之側禮也刊石以誌庶德不朽其

銘曰

夫人之德柔明淑慎從夫以禮承筐以順奉若家節率
由彛訓遐福是期溢至何迅謂仁者壽天實不信同塵
彭殤歸根大運予以刊石永播淑問

唐司直博陵崔氏故夫人趙郡李氏墓誌銘

并序

夫人諱某趙郡人也皇朝德州將陵縣令銘之長女天
生柔懿韶懿知禮年十六歸于崔氏丕承宗事虔恭中
饋謙敬恭儉貞固淑溫閨門化之宗族以睦生一子年
十一而殤有女四人長女夭于襁褓次女適范陽盧履
純第三女適河南獨孤及年若干早世少女適樂安蔣

鎮皆柔明好禮淑慎有德循度勸義雖造次不違仁實
夫人之教訓也輔佐君子三十九年夙夜靡違家道以
正向使神祈正直天報德善宜登期願與君子偕若嗚
呼不造春秋五十四而沒凡所願復大半道歿徹琴瑟
之日無兒主祭德與事返哀有何極嗚呼哀哉是歲十
月某日卜宅兆于某山某原追紀往行以志幽石禮也
及忝婚姻之故嘗瞻清懿逝歿相尋報德靡極敢不備
書實錄期于不朽其詞云

莊敬柔順婦行之極抑二夫人秉是懿德矜警為戒蘋
藻惟職四始之美六姻是式仁而必報當躋壽域天實
匪忱古今同感變化忽恍音徽冥默闡右遺範是效是

則

唐萬年縣尉崔爾洌故妻李氏墓誌 并序

夫人其先隴西人也皇唐高平郡王道立之玄孫單國
公景淑曾孫祖仲康開元中為尚書主客郎中楚州刺
史父濤以貞信篤行為宗室冠冕歷宋城尉衢州司士
參軍而致德重而位不稱故手足之日為守道者所痛
夫人吾之婦子也稟氣于家君之中和母氏之柔明故
姿度淑茂恭儉謙順天性孝慈聰慧有識讀書善鼓琴
造次必以禮自持人莫見其喜怒之容言歸于崔以德
宜夫事姑禮節儀刑閨相輔佐之美六姻是瞻有識者
謂當有鵲巢之貴鮒背之壽天剛反是使春秋二十七

而終醫不至歎命有極而然歎適來適去皆忽然歎吾
痛且感傷悼之不足故形于文且遂為志其文曰
爾德爾容天實爾鍾爾志爾年天胡不從勸義孤望歸
安跡絕哀二母氏泣盡繼血刻字此石紀爾芳烈

唐故天水趙琚墓誌銘

并序

琚字遙憐弘農令府君第五子厥生之初會府君先有
封州之役契濶萬里愛而不見故遙以字之太夫人顧
之復之訓視加等及長溫厚孝謹文敏好學美姿儀有
材藝戊戌歲十月以櫛縱筭總從府君從河十一月卒
于深州嗚呼未婚未祿夭歿是絕不見其成六姻所痛
大曆五年八月某日葬于洛陽先府君塋之次禮也其

銘曰

彭氏殤子其壽未易歎子之徃死生艱躋末如之何刻
石以記

毗陵集卷第十三

朝散大夫使持節常州諸軍事守常州刺史賜紫金魚袋獨孤及著

集序 三首

檢校尚書吏部員外郎趙郡李公中集序

唐故左補闕安定皇甫集序

唐故殿中侍御史贈考功郎中蕭府君文章集

錄序

讚 六首

蘇州刺史兼御史大夫襄武李公寫真圖讚

尚書右丞徐公寫真圖讚 并序

楊起居函古松樹讚

張侍御寫真圖讚

佛頂尊勝陀羅尼幢讚 并序

觀世音菩薩等身繡像讚 并序

集序

檢校尚書吏部員外郎趙郡李公中集序

志非言不形言非文不彰是三者相為用亦猶涉川者
假舟楫而為濟自典謨闕雅頌寢世道陵夷文亦下衰
故作者往先文字後比興其風流蕩而不返乃至有
飾其辭而遺其意者則潤色愈工其實愈喪及其大壞
也儷偶章句使枝對葉比以八病四聲為桔拳拳守
之如奉法令聞臯繇史克之作則呬然笑之天下雷同

英華 二十九子

文粹 二十九子

英華 作駢

英華 作入

英華 作學

二語 英華及文粹
俱作用三代文字
律度考也

原亦 子非字
文粹 增

英華 作根 奉

英華 作抑 揚

風驅雲趨文不足言不足志亦猶木蘭為舟翠羽為

楫翫之于陸而無涉川之用痛乎流俗之惑人也舊矣

帝唐以文德專祐于下民被王風俗稍丕變至則天太

后時陳子昂以雅易鄭圓者浸而嚮方天寶中公與蘭

陵蕭茂挺長樂賈幼幾勃焉復起振中古之風以弘文

德公之作本乎王道大抵以五經為泉源抒情性以託

諷然後有歌詠美教化獻箴諫然後有賦頌懸權衡以

辯天下公是然後有論議至若記叙編錄銘鼎刻石之

作必採其行事以正褒貶非夫子之旨不書故風雅之

指歸刑政之本根忠孝之大倫皆見于詞于時文士馳

騫颺扇波委二十年間學者稍厭折揚黃華而窺咸池

英華 作久

四子 文粹
作天后

一 作華

文粹 作王
英華 作

英華 於詞下
然後中古之風
復形於十字

英華 作韶

文粹作遠
英華作而

之音者什五六識者謂之文章中興公實啟之公名華
字遐叔趙郡人安邑令府君第三子直而和純固而明
曠達而有節中行而能斷孝敬忠廉根于天機執親之
喪哀達神明其任職釐績外若坦蕩而內持正性諫不
犯顏見義乃勇舉善惟懼不及務去惡如復讐与朋友
交然諾著于天下其偉詞麗藻則和氣之餘也學博而
識有餘才多而迅每述作筆鋒風生聽者耳駭開元二
十三年舉進士天寶二年舉博學宏詞皆為科首由南
和尉擢秘書省校書郎八年歷伊闕尉當斯時唐興百
三十餘年天下一家朝廷尚文夫羿工乎中微拙於使
人無已譽公才與時并故不近名而名彰時輩歸望如

英華作務
而不犯

又粹二字
字非

二子英華作
則筆端

鱗羽之于虬寫也十一年拜監察御史會權臣竊柄貪

英華有政
字

猾當路公入司方書出按二千石持斧所嚮郡邑為爾

為奸黨所嫉不容于御史府除右補闕祿山之難方命

圯族者蔽天聰明勇者不得奮明者不得謀公危行正

詞獻納以誠累陳誅堯渠完封疆之策闢犬迎吠故書

留不下時繼太夫人在鄴初潼關敗書聞勸公走蜀詣

行在所公曰奈方寸何不若間行問安否然後輦母安

輿而逃謀未果為盜所獲二京既復坐謫杭州司功叅

文粹脫司功
二字

軍太夫人棄敬養公自傷悼以事君故踐危難而不能

安親既受汙非其疾而貽親之憂及隨牒願終養而遭

天不吊由是銜罔極之痛者三故雖除喪抱終身之感

但載於世詳以下身八

時不又十以後又詳
絕異

英華年三十二子

英華年有者之子
英華年之子

英華年作貞子

不俟觀容貌聽詞氣假令東帶立于史臣之位足以潤
色王度天而病之時不幸欣公之病也嘗以斯文見託
詒其書曰桓譚論楊雄當有身後名華亦謂足下一桓
譚也及于公才宜播其述作之美明于後人故拜命之
辱而不讓今著其文德冠于篇首焉

唐故左補闕安宜皇甫公集序

五言詩之原生于國風廣于離騷著于李蘇盛于曹劉
其所自遠矣當漢魏之間雖以朴散為器作者猶質有
餘而文不足以今揆昔則有朱絃疏越太羹遺味之歎
歷千餘歲至沈詹事宗功始財成六律彰施五色使
言之而中倫歌之而成聲緣情綺靡之功至是乃備雖

改深公未去公
信中子任同

英華年作貞子

英華年作近足

英華年有也字文
粹子

文粹年四子

文粹年歲子

文粹年子

文粹年子

去雅寢遠其麗有過于古者亦猶路蘧出于土鼓篆籀
生于鳥跡也沈宋既歿而崔司勳顯王右丞維復崛起
于開元天寶之間得其門而入者當代不過數人補闕
其一人也補闕諱丹字茂政玄晏先生之後錄青光祿
大夫澤州刺史諱敬德之曾孫朝散大夫饒州樂平縣
令諱侖之孫中散大夫澤州刺史諱頤之子十歲能屬
文十五歲而老成右丞相曲江張公深所歎異謂清穎
秀發有江徐之風伯父秘書少監彬尤器之自是令聞
休暢舉進士第一歷無錫縣尉左金吾兵曹今相國太
原公之推轂河南也辟為書記大曆二年遷左拾遺轉
右補闕奉使江表因省家至丹陽朝廷虛三署即位以

二十二子

文粹年子

文粹年子

文粹年子

待君之復不幸短命年方五十四而歿嗚呼惜哉君忠
恕廉恪居官可紀孝友恭讓自內形外言必依仁交不
苟合得喪喜愠罕見于容故親君述作知君所尚以景
命不永斯文未臻其極也蓋存于遺札者凡三百有五
十篇其詩大畧以古之比興就今之聲律涵詠風騷憲
章頌謝至若麗曲感動逸思奔發則天機獨得非師資
所獎每舞雩詠歸或金谷文會曲水修禊南浦愴別新
意秀句輒加於常時一等才鍾于情故也君母弟殿中
侍御史曾字孝常與君同稟學詩之訓君有誨誘之助
焉既而麗藻競爽盛名相亞同于聲者方之景陽孟陽
孝常既除喪懼遺製之墜于地也以及與茂政前後為

文粹作傳

英華作子

文粹作集

英華作子

英華作詩
者志之所之也

諫官故銜痛編次以論議見託遂著其始終以冠于篇
唐故殿中侍御史贈考功郎中蕭府君文章
集錄序

英華作
蕭君

足志者言足言者文情動于中而形于聲文之微也繁
于詞頌暢于事業文之著也君子修其詞立其誠生以
比興弘道歿以垂作述裕此之謂不朽侍御諱立南蘭
陵人也御史中丞汝州刺史府君之仲子奕世純嘏及
公始大襮祿克岐十五而立神靜氣和才與道并孝悌
忠信以為己任行有餘力故幼而學文嘗謂揚馬言大
而迂屈宋詞侈而怨公其流者或文質交喪雅鄭相奪
盡為之中道乎故夫子之文章深其致婉其旨直而不

英華作厚

英華作但

野麗而不艷天寶元年詔徵賢良方正以備多士公時
年十七射策甲科盛名翕然震誼京邑論者知遠大之
跡自此始也既而莅苒宦途遭遇世故歷佐戎幕周旋
江海攸袒之邦必聞其政嘉謨成迹藏在諸侯之策既
言中彛倫亦動與吉會由是自廷評尉拜監察御史轉
殿中侍御史觀其逐利往冥翰飛方將乘驚風以
騁驚視青雲如咫尺天道何善而無報與其才而不與
其壽成其器而不成其志命矣夫斯才也而有斯年也
兄之元兄尚書庫部員外郎兼侍御史曰某與公俱以
文學故事為臺閣領袖丹穴之雙鳳終舉棠棣之一花
先落天倫之慟可勝既即以公瑰姿瑋度利器淑德與

三子英華作

英華作

英華作打禪

東流皆逝今則已矣可以藏遺芳以示後嗣者其唯夙
昔兩藻平生翰墨予于是茹痛開緘收血散帙緝其遺
札得詩賦替論表啟序頌銘誄誌記凡若干篇編為五
卷以為集錄庶幾弔賈生者有鵬集之日問相如者知
禪草猶存云爾

讚六首

蘇州刺史兼御史大夫襄武李公真圖像

作續續精至于藝懸解擬公德容与化同製獨立正色神
和氣邁婉兮清揚若聞嘉話公綽不欲仲山匪懈形予
懿範觀者目駭百城仰止群吏警戒成務安民亦猶此
畫

四字英華作擬
公之恆矣

英華作

五辨作左非

英華作玉

英華作玉

英華作玉

五辨作折儀

五辨作十讚曰二

字

五辨作

英華作波

尚書右丞徐公寫真圖讚

并序

侍御史韓公至清以學藝書画之美聞于天下辛丑歲
 三月以王事靡盬館于豫章与前尚書右丞徐公同舍
 于慧明寺之淨室嘗以暇日裂素灑翰画徐公之容陳
 于公之座隅而美目方口和氣秀骨毫釐無差若分形
 于鏡入自外者或欲擊蹠曲拳俯僂拜謁不知其画也
 衆君嗟嘆之不足則言以贊其美及以繼唱于後讚曰
 哲匠運思天姿是具假之筆精實以神過居然成像豁
 若披霧瞻仰神鋒如窺武庫婉之高識昂之獨步絕頂
 孤松空陂白鷺不犯之色匪躬之故孰知造化亦在毫
 素

英華作上

二子一作其

讚英華作詞

五辨作其

楊起居画古松樹讚

道在毫末神凝意注闐然物生千歲古樹龍蟠盤屈精
 魁固護霜封雪靈翠幄如故宜構大厦胡為中路豈猶
 有待公輸之顧落二貞姿傳之繪素

張侍御寫真圖讚

堂二子張洵美且恭執法樹下分形画工玉立天姿霜
 淬神鋒武庫森戟寒山勁松方彈獬豸以佐護龍他年
 雲臺与古同風

佛頂爭勝陀羅尼幢讚

并序

道無形相心離文字非言無以導引故諸法生于假名
 非智無以調伏故大音傳于密教茫五濁客塵覆之

英華作不

英華作冰

英華作意

英華作空

五子英華作宏
恩席慧

根識相緣生滅相隨世王有為之牢獄二乘求慧而著
空十地見性而弗了微我智印侯誰司南敦如來以大
悲自定之慧力示持無畏之秘藏雲覆世界雷震羣
有淨除我垢令入法性設宗根本假文以筌意也足聲
齒舌因音以見法也以十四音攝一切智雖入無漏而
不捨有為即色以證空也奉之者惡趣因可使開閉黑
業必為之清淨况勝緣乎初太保韓國苗公以兩朝秉
鈞所積廩賜顧命宗子家老曰喪祭之餘以庇功德于
是我相國顯川公將演成公弘誓之果也是以樹因此
幢韓公生代天工德本植焉破無鬼責惠牙滋焉而顯
川公猶興哀于絕絃之地將乞靈于無我之法度俾法

英華作閑

英華作庶

英華作堅

英華作彌
亦作宏

英華作如
勝
英華作德

雨二公身田故琢貞石以刊微言仰之贊之如揭日月
於戲墨點之界有極鐵圍之山有壞唯梵音与法印等
空虛而無窮則公之前際疇可弘度其辭曰
六趣輪轉根塵相刃死生變化如響如瞬何用極溺摠
持秘印道固不在弘之者人乃經靈幢公之了因讚持
大力啟迎迷津天魔遁形地獄開門拔箭解縛如日破
昏韓公善根与石長存

觀世音菩薩等身繡像讚 并序

元年建寅月前相州安陽縣令何昌系以是月甲子當
受生之辰痛欲報而固極哀見在之無住顧非大雄之
慈法雲之悲則莫能救振我無明苦果敷祐我弘誓願

英華作慈

英華作座

英華作慈

力乃彰施五色以刺繡成文寫菩薩之真相等觀音之
 全身于是予諦觀醉容瞻仰聖位知海潮之梵音不遠
 蓮花之法座可識將令功德池水灌溉其三業菩薩根
 牙發生于一雨至哉安陽之樹善也弘矣欲廣其善利
 以倡讚云英華作曰

法雲垂蔭光破黑業五眼周視四魔怖懾以色觀空于
 相見法永植慈緣恒沙億劫

英華作灌

英華作河

毗陵集卷第十四

朝散大夫使持節常州諸軍事守常州刺史賜紫金魚袋獨孤及著

序上 二十二首

送張徵君寅遊江南序

送李白之曹南序

送張處士申還舊居序

宋州送姚曠之江東劉冉之河北序

送張詠赴舉入關序

送史處士歸滄陽別業序

送開封李少府勉自江南還赴京序

送陳留張少府即東都赴選序

送弟恂之京序

送韋許事赴河南召幕還京序

奉送元城主簿兄赴任序

送廣陵許戶曹充台幕判官赴淮南序

仲春裴胄先宅宴集聯句賦詩序 并詩

鄭縣劉少府兄宅月夜登臺讌集序

華山黃神谷醮臨汝裴明府序 按圖經仙人黃盧子得道昇仙之所原註

建丑月十五日虎丘山夜宴序

冬夜裴員外薛侍御置酒宴集序

送宇文協律赴江西序

送賀若員外巡按畢歸朝序

送長洲劉少府貶南巴使牒留洪州序

送王判官赴福州序

送處士薛業遊廬山序

序上

送張徵君遊江南序 徵君字子

初貞元二年進賢星明于是夫子與廣陵馬曾俱以玄

纁辟焉一命而俯受服赤墀之下子甘節不奪歸畊南

陽議者稱馬之利用陋子之獨善及以為不然君子之

道舒之則雲蒸雨降以救大旱卷之則天輓道機不盈

一握姑務忠信以安聖時則謫國風于畝畝是亦為政

有民人焉有社稷焉何必薄遊然後稱德至是夏六月

英華作序

以菰菜之具扁舟而東是行也與乎乘桴揚舲者不同日矣津樓直望江漢在目少別非志士所悲深衷豈短章能見桃源秋至僕當摹其仙竇俟子于武陵之南溪

送李白之曹南序

曩子之入秦也上方覽子虛之賦喜相如同時由是朝詣公車夕揮宸翰一旦襜被金馬蓬累而行出入燕宋與白雲為伍然則適來時行也適去時止也彼碌碌者徒見三河之遊倦百鎰之金盡乃議子于得失虧成之間曾不知才全者無虧成志全者無得失進與退于道德乎何有是日也出車桐門將駕于曹仙藥滿囊道書盈篋異乎莊舄之辭越仲尼之去魯矣送子何所平臺

之隅短譎薄酒擊筑相和大丈夫各乘風波未始有極哀樂且不足累上士之心况小別乎請偕賦詩以見交態

送張處士申還舊居序

海水不揚波久矣故昆虫草木得遂本性變益巢許各安其節天鍾靜于子而博之以文大壑無底虛舟任觸世皆尚白獨守太古顧流俗而不言退將修乎初服吾于是見全人之操矣乃知白雲上下益無心自出黃鶴飛去當有時而來他年孤舟冀再會于五湖之口

宋州送姚曠之江東劉冉之河北序

春葉尉吳興姚曠至自洛陽中山劉冉至自長安俱以

文博我相与交歡于睢^漁之族始則開青天豁其雲霧亦既窺武庫見其矛戟凡旬有五日而姚適吳劉濟河余歸梁各有四方之事將為千里之別夏四月抗手于廬門議別故也夫別与會悲樂存乎其中故賢知所不能遣然達者遊世随变所適静而与^陰何德動而与^陽同彼異乎金柅之有繫匏瓜切莫存子其行矣別何為者北斗在巳南風始來藁臺草長京口水濶何以送遠唯當賦伐木以為仁人之贈

送張詠赴舉入闕序

彼馳驚乎士林者鮮不爭九流之勝負徇三川之聲利而張侯獨以善閉關乃知純白內充天机外朗則塵垢

糠粃所不能入癸巳歲六月始以出處之道問仕于余予洒然曰今四表文明八紘屢損此志士所當登秀造而取青紫不奮不躍如休明何由是罷琴高臺投竿舊浦單車足馬是日西上君子以為知幾吾見垂天之雲不復北溟矣蓋使居者歆吾子乎

送史處士歸滄陽別業序

滄舊為滄水在豫章郡與文不合今改正

初史侯至自帝丘僕方醜酒于蔣氏之館揖讓堂下由東階升于是一酌而賓禮舉再酌而交態接三酌而威儀備：深衷畢見醉中投分客中忘形吾固知握手難常嘉會可惜其聚也言不浹日而意氣感其散也興未及盡而離憂至則臨觴徒倚孰能不以之黯然窮陰欲

英華作是

英華作是

臘潭滄水厚班馬連嘶歸雲無色非詩何以見離羣者
之志

送開封李少府勉自江南還赴京序

世或謂邦有道穀或謂全于德者不以徇名降志彼于
致命猶數二然孰与李侯兩忘而昭合之張其天機与
道出處道長則陳力筮仕績成而退藏于密戰勝江海
之上然後乘歸流而返舊京乃知凌雲麗天則切玉利
器於夫子為鄧林之一葉耳而精微純粹豈中士所能
得其門哉然當今堯親九族契敷五教材之美者工將
度之子雖忘機二未忘子庸詎知泥蟠沙卧不為雲霄
之鑿柄乎但蘭舟桂楫候鳥鳥逝朔方秋草奈離憂何

英華作風

英華有二十七

英華作冬

緣情者莫近于詩二三子蓋詠歌以為贈

送陳留張少府即東京赴選序

每歲孟春冢宰懸象魏之法以官民材天下髦士於是
予雲屯詞鋒角立智刃今子投袂而起將鼓行乎其間
其于湛盧發劓批却如玉繁弱在手捨拔則獲者吾惟
子之望當知君子廣其業達其道則榮譽貴仕可得而
拾孰云嫻二秋風悠二遠道足為志士之感哉雜佩可
以申永懷罇酒可以慰別緒其贈言之分願顧謂坐者
志之

送弟恂之京序

蒼龍居玄枵之歲与爾吹埴篲于長安靈臺之下當時

十七字英華作風
秋風瑣岐路又只為
志士之感哉

英華作之孤云

英華作在

爾方青衿予適紉袴各志小學相期大來其後爾以經術薦遂觀光于上國予牢落于兩河此字三為病所繫星分兩散十有二載中間暫携手一笑者及今而三昨日遊寓今成疇昔此會綿邈空成夢想存豈不欲申橘柚之性詠和樂之什樂未終也別又繼之然君子修誠則物應勉已則名彰爾能珪璋特達甲冑忠信致逸足于千里吾有望焉方務遠圖何嗟少別到秦地有問吾事者為報江河間心

送韋評事赴河南召募軍還京序

自唐蒙司馬相如開祥柯鑿零山於是西南夷君長始受漢印及國家綏以大道振以長策滇越印焚世亦皆

而三英華作二三年

英華作德是

英華作俱

為外臣蠢茲六蠻獨抗王旅天子方將開外戶掃絕漢故授相國衛公鉞俾出作方叔入為吉甫且募如貌之介士將剪長蛇之連飛由是分命我廷尉評事常公實佐其任公以止戈諭之採薇歌之使政有典則人知義所故燕齊少年韓魏勁卒召募如景附赴敵如疾馳自春至于是月受命羽檄之下者凡萬八千計然後頒賜筭級將朝于京師夫勤王集事之謂忠周爰咨詢之謂智復命而不僭于素之謂信姑樹三德載馳六轡行當以柱下之書讚募中之畫是役也冥二羽翰非瞻望所及矣請偕賦以知魏風

奉送元城主簿兄赴任序

卷十四

六 小雲谷鈔書

匡英華作鉅鹿
達之作志

英華作撰

英華作詩

往歲兄之尉匡德刑成禮義舉批政杜紊綱緝人曰莅
民如此其達必大十四年王正月再命于元城元城地
雄人悍土壤賦錯處宋衛中山燕齊趙魏之都會三川
輻輳四術較擊兄方以德舉莅此大邦則千里之迹兆
于是矣彼徒勞者其騫翦之濫觴予歲物已春秦山草
綠亦既選吉駕言徂東豈不知棠棣之詩廢則和樂之
好缺盍使伯氏仲氏皆詠誦之以贈行邁

送廣陵許戶曹克台募判官赴淮南序

舟駝不庭三年矣王師戒嚴將問罪于荒服于是上將
分職慎選乃僚以許公有持斧舊名斷犀餘地故授以
戎政俾登卒于東夫三河之人豪全齊之人武荆吳之

人悍籍其餘勇可以盡教信以致之繫公是賴然則諭
王命敦師律度程以料民徵騎以濟衆歌事以遣役輯
謀以定功在是行予高天晚秋殺氣動地靡二歧路悠
悠旆旌送離如之何賦小戎以為好

仲春裴胄先宅宴集聯句賦詩序

先是先清明一日右金吾倉曹薛華陳嘉肴醜清醑會
河東裴冀榮陽鄭褒河南獨孤及於署之公堂引滿舉
白自午及子但席于花陰賦詩于月波樂極不醉夜艾
而罷後清明三日二三子春服成思欲修好尋盟選勝
卜晝裴侯是以再有投轄之會是會也鄭不至吾兄惠
然而來堂有梁庭有篠芳草數步落花滿席中和子冠

文粹作下
是

英華作却
草

春字括英
草增

烏紗帽相與箕踞嗚呼傲睨相視稱觴予其間趣在酒
中判為酩酊之客家本秦也能無鳴呼之聲其詩云工
天垂光兮熙予以青春今日何日共此良辰與君觥濁
醪而籍落英兮知年華之相親蹇淹留以醉止孰云含
意而未申歌數闋裴側弁嫚罵曰百年惟會鮮于別離
知開口大笑幾日及此日新無已今又成昔不紀而賦
之如春風何其演為連珠以志此會

鄭縣劉少府兄宅月夜登臺宴集序

夏五月小暑至矣吾兄方暮夜天掃月榭有酒如乳醕
我予城隅城臨近山俯瞰平隰秦如漢苑相錯如繡且
有顯氣足以娛人故數君子稱觴焉其誰同之有若功

曹隴西李華參軍滎陽鄭珣瑯琊王沐河東裴旼鄭尉
京兆韋造皆卿材也聲同而形骸相忘道契故機事不
入是以有高會遠望危言浩歌或心愜清机富興于物
或語及陳迹盱衡而笑於是初筵而惠好修中飲而意
氣接既醉而是非遺夫彭澤採菊隱侯臨風謂之盛矣
况高城古臺深夜朗月芳尊良友佳境勝事今夕何夕
八者俱并盍亦皆賦于此予觀二三子之志

華山黃神谷醺臨汝裴明府序

按圖經仙人黃蘆子得道

昇仙之所

黃蘆子減景工漢千歲矣留碧峯白雲以貽後世故清
机勝事未始有極余吏于華之明年道侶裴翼亦再命

為臨汝令夏六月假道敝邑稅鞅此山思欲追高步詣
真境于是相與携手及二三友生童子將命者六人
挈長瓢荷大壺以濁醪素琴會于黃神之谷興也案谷
之西頂竇三峰東面石壁叢倚東為洞壑乳竇潛泄噴
成盤渦兩崖合闔若与天接二三子將極其登探也至
則繫馬山足披秦石門入自洞口至于梯路躡連嶂与
疊嶂度岷嶽而躡凌兢寅綠絕磴及橫嶺而止澡身于
飛泉濯纓于清漣想夫君俟我于花峰下碧室而婢媚
爰而不見搔首空山然後靡靈草以為席傾流霞而相
勸楚歌徐動沂詠亦發清商激于琴韻白雲起于筆峰
是日也高興盡而世緒遣幽情形而神机旺頽然覺形

骸六藏悉為外物天地萬有無非秋毫亦既醉止則皆
足言以志仙跡且旌吾友嘉會之在山也

建丑月十五日虎丘山夜宴序

方今內有夔龍臯伊以佐百揆外有方叔召虎以守四
方江海之人高枕無事則琴壺以宴朋友嘯歌以展霞
月吾黨之職也我是以有今茲虎丘之會岩三虎丘奠
吳西門萃然如香樓金道自下方而踴鑠丹霞白雲于
蓮宮之內會之日和氣滿谷陽春逼人蛩烟掃除肅若
有待余与夫不亂行于鷗鳥者銜流霞之杯而羣嬉乎
其中矣向碧潭与松石道舊兕觥既祭賓主醉止狂歌
送酒坐者皆和吳趨數奏雲去日沒梵天月白萬里如

練松陰依二狀若留客于斯時也撫雲山為我輩視竹
帛如草芥頽然樂極衆慮皆遣于是奮髯屢舞而嘆今
夕何夕同者八人醉罷皆賦以為此山故事

冬夜裴員外薛侍御置酒醺集序

二公以大司馬之命領浙河東西十有三州之政相与
周爰咨度乎經邦賦者三月矣當割而游刃無間臨机
而捨拔則獲由是在簿領之際無江海而閑冬十月辛
未徵會于此堂醺朋友故舊也賢豪畢萃升降有序繼
衣淺帶十有五人聲同故窮達不間意得而鄙宏皆遣
肴芳酒濃夜寐琴暢慷慨言志駘驛舉白盱衡抵掌啞
啞大笑三爵耳熱萬念如洗不復計名身之親踈憂患

之去來也况他累乎既醉余以箸擊唾壺扣商而歌其
詞曰簿領日盈机知君傲煩鴛飲和自忘渴况以初筵
招道契跡自親誰為列宿遙何用結同心綠琴復長瓢
日月若走馬炎涼催斗杓一年解頤笑幾日如今朝奉
君千金壽莫使歲寒凋是日禮成于易歡生于同滯憤
積慘彗掃湯沃方今溟海始波世珍未康二公克壯其
猶以立事為己任行當自致青雲之上不復與適莽蒼
者羣矣吾儕浮其間与風水俱他日或潛泉戾天一離
一合雲動雨散然後知今日尊酒未易再得將子無金
玉其音姑借賦以卒昵

送宇文協律赴西江序

英華作有

復周正之年天子以潤州刺史張公休為豫章太守豫
章之人既庶且富部從事縣大夫缺而不補先以檄徵
協律于會稽時人皆賀豫章之得賢協律之遭過君子
則曰夫子及之餘地不當切玉剖小鮮而用其銍無乃
不可乎夫子曰不然蓋其不患秩畀而患已素餐不患
國士之不我遇患遇之而不答苟有用我者吾其為執
射乎於是舉帆西陵是日于邁然後知大丈夫之感義
而不思其身也于域長路江臯暮春沉吟泰山悽愴鏡
水豈不知今日斗酒明旦不共顧懷安敗名無勇也怨
別傷遠非丈夫也苟將申其道而成其務則萬里咫尺
少別何有二三子其詠歌之以代雜佩

英華作林
太守二字英
華作收

英華作劉

英華有中字

送賀若員外巡按畢歸朝序

今年春上以富人侯為丞相百揆時叙九州賦錯方欲
齊職貢之法崇底慎之典使六府修九序成謂尚書吏
部郎賀若公貞明直躬特達公器才足以茂功歲事政
足以弘道救物故俾繡衣持斧巡撫江介分王命也公
電發神机霜淬智刃其始至也問謠俗省疾苦命司書
示年數之上下削和縣之版圖寔其衆寡以美井賦然
後勞來安集宣皇恩而煦之如飢者得食寒者得纊使
包茅之貢必叙而杼軸之詩不作冬十一月命郡吏致
事言旋于京師且將捧府檄于南陵侍版輿以西上禮
也夫其由刑家以刑國資事親以事君奉慈訓不廢陳

英華作拜首非

力將君命不盡色養忠孝之大者况茲冗以弭干戈將
戢朝廷方以律令章程責成三府然則操六轡驟四駘
周爰咨詢以成天下之務在是行乎翰飛方騁瞻望何
及唯獻酬東閣粥成大猷使蒸人粒海水靜農夫高枕
及亦與焉凡執乎于路者請偕賦鴻鴈取之子于征劬
勞于野爰及於人哀此鰥寡以為善頌

送長洲劉少府貶南巴使牒留洪州序

曩子之尉于是邦也傲其跡而峻其政能使網不紊吏
不欺夫跡傲則合不苟政峻則物忤故績未書也而謫
及之臧倉之後得騁其媒孽于是竟謫為南巴尉而吾
子直為已任愠不見色於其曾臆未嘗薑芥會同謹有

英華作已

叩閭者天子命憲府雜籥之且延辨其濫故有後命俾
除館豫章候條奏也是月也艤船吳門將涉江而西夫
行止者時得喪者机飛不搏不高矢不激不遠何用知
南巴之不為大來之机枯乎由圖南而致九萬吾唯子
之望但春水方生孤舟鳥逝青山芳草奈遠別何同子
道者盍亦偕賦詩以祝吾子

送王判官赴福州序

松梓梗枘茂于深山不能逃匠石之顧賢士君子晦其
言跡不能使人不己知其勢然矣之子言忠信行篤敬
以文雅麗則枯而羽之而世皆觀願我獨儉德吾固知
長風六翮必有時而去及御史大夫之命介也辟書四

英華作於

下果以嗣宗為首歲二月載驟四駱脂車而東關中者
左溟海右百越嶺外峭拔峻風俗慄悍歲比飢饉民
方扎瘡非威非懷莫可綏也議者其謂君匡戎幕以義
佐師律以禮報國士以直導罷人以德使安危懸于指
掌勝負決于談笑則咨謀之道弘矣豈椎髻殊俗覆車
畏途足為志士之怵惕哉凡我出祖者亦既偕賦

送薛處士業遊廬山序

薛侯敦于詩固于學敏于行時然後言而寡尤口弗
言祿亦不及識其真者以為永歎而薛侯居之澹如
君子哉若人也方以城市鄙于丘壑倦遊不如嘉遊是
月也拂纓上之塵西遊廬山上有峰頂大林下有東

英華作之

英華作之

英華作之

林西林化成遺愛六寺惠遠道生二公昔常眷戀于斯
焉履痕屐齒遍滿崖谷神期盼嚮恒若對面之子之往
獲心契矣苟藏器于身時行則行大之將來隱顯一致
彼安貞者其或為利涉之樞机乎趙補闕驊王侍御定
張評事有畧各以文為記行邁之所以然余亦持片
言用代踈麻瑤華之贈

英華作之

毗陵集卷第十五

朝散大夫使持節常州諸軍事守常州刺史賜紫金魚袋獨孤及著

序中 一十五首

送常員外充副元帥判官之東都序

送孫侍御赴鳳翔幕府序

清明日司封元員外宅登臺讌集序

送澤州李使君兼侍御史充澤潞節度副使赴

本道序

送兵部梁郎中奏事畢還幕府序

送成都成少尹赴蜀序

送吏部杜郎中兵部楊郎中入蜀序

送商州鄭司馬之任序

送洪州李別駕還任序

送韋司直還福州序

送潁川李使君赴任序

送屯田李員外充宣慰判官赴河北序

送歸中丞使新羅弔祭冊立序

送渭南劉少府執經起東都觀省序

送餘杭薛太守入朝序

序中

送常員外充副元帥判官之東都序

太尉臨淮王之秉旄淮沂也天子命公為介洎臨淮夢

英華作公非

十子英華作官
至左右振垣不驅傳
不就

而相國太原公繼授兵符盡護東夏諸將亦表公奏成
周軍事如初命故事登掖垣者不驅傳居諫臣者不就
辟將使其能必易其秩故自補闕為尚書即元年仲春
始以使節赴洛陽經大盜度劉之餘頑民雖遷汙俗未
返三軍之心注于帥師之耳目屬于參佐以公貞諒文
敏能恤大事且成宣之後也故以部從事咨焉夫民殘
則訛二則流禁流莫若以德兵不戢則斃二則暴禁暴
莫若以信建信以德以為幕中之畫繫吾子是冀將賀
不暇別于何有我飲錢者姑以詩代路車乘馬

送孫侍御赴鳳翔幕府序

右扶風之地跨枕隴蜀扼秦西門帝命司徒為唐方封

開府之日搜賢自貳于是孫侯以監察御史領司徒掾
天子卿族也用文學縉緒而弟兄皆材伯曰宿以秋官
即辟丞相府仲曰絳拾遺君前及余為寮夫子則以貞
幹肅恪之能入主方書出佐戎政花萼灼于三臺時人
榮之二月丙午乘傳詣部人謂扶風於是予有三幸獲
白額而南山有採藜藿者一幸也先是司徒高玉南今夫
搵兵者如席而司徒仁而愛人二幸也其府君則賢其
幕府多士而孫侯懿之以文德三幸也恪于德以臨事
度其義以從政力于忠以成績吾子勉之其茂不濟矣
士為知己者用豈干榮乎請居者謂之持旣行邁

清明日司封元員外宅登臺讌集序

可以排天下細故使憂吝不作莫聖于酒況与同志者
共之復遇司烜出火勾芒宣氣天地氤氳熙我以春乎
是日也卉木羅其庭除柔嘉充于圓方言必遺累笑必
造適故談話不及朝市跡無町畦事不机括故和樂不
待笙磬主人有才子四人侍酌于前臺下有南山倚庭
碧草芊芊溝塍圃畦如龍鱗龜甲芳樹繡布白花雪下
予是一觴解頰再觴解憂三觴忘形而傲隨之商絃數
奏墻陰移而坐客醉手持濁醪笑向朗月夫以世道之
多故年歲之不吾與也若憂患歡樂衆寡之不伴苟來
者猶可追無亦顧隙間之駟以罇酒買笑余敢惜費貽
青春羞凡今日娛莫我若也吾乃今日視薄遊空名如

爭蝸角又何用知接輿伯夷不愚于杜康子顧謂滿坐
展詩以贈亦命夫四子者志之

送澤州李使君兼侍御史充澤潞陳鄭節度
副使赴本道序

今歲皇帝擇可以守四方之臣命大司徒涼公作蕃
岐陽平秩西夏涼公李弟曰抱真敬事好學仁勇忠信
凡仁則不偷勇則不撓忠則能力信則人任焉故天子
器之方倚以胥附使宅高平綏厥有衆董次將之任且
以柱後惠文冠之詔下之日軍府胥悅蓋蕭何守關
中舉宗詣軍而梁公荷方召之寄亦以愛弟居東旅于
行間忠之大者夫高平上黨之地當趙魏燕代潞之咽

莫華作沂

莫華有子

莫華作沂

喉太行恒山為之襟帶公居有專城之任行有亞旅之
職其畧足以固其封疆其忠足以柔其民人勗哉夫子
進吾往也伯兮仲兮執兵之要謹身以肥家自家以刑
國高平之政可以未行而窺矣彼瞻望佇立壯夫恥之
非歌詩莫足以贈

送梁郎中奏事畢歸幕府序

元年夏相國涼公將城沂陽百里二城即戎于境先命
從事兵部尚郎中安平梁公鎮如京師請王命且料民
以調兵食五月甲戌至自雍危冠上前手畫地圖以兵
機軍儲屈指條奏上甚悅事下三府六月庚戌以璽書
還雍改轅而西既祀輶于是追送者皆賦美使臣專對

以直而君遣使臣以禮詩之所由作也公嘗以郎官宰
昭應昭應之賦均人和參事相府相府穆：今元帥七
萃之士萬計以王命伐不庭公章甫其冠纓胡其纓咨
諏予轅門討軍實以輯戎政粟衛之制勝營平之威謀
子姑佐之固亦整軍經武將王室是獎豈載驟四駱皇
華原隰之謂秋晚筋勁隴關雪下企予望吾子以班固
之筆札銘崆峒山而還悠：我思章句以贈之

送成都成少尹赴蜀序

歲次乙巳定襄郡王英又出鎮庸蜀謀亞尹僉曰左司
郎成公可溫良而文貞固能幹力足以參大略弼成務
既條奏詔曰俞往公朝受命而夕撰日下十一月癸巳

出車吉尚書諸曹郎四十有二人歎軒騎將遠故相与
載籩豆醢笋封羊鱠鮐修飲餞于肅明觀以為好飲中
客有賦蜀道難者公曰士感遇則忘軀臣受命則忘家
姑務忠信夷險一致患已不稱于位於行邁予何有言
訖抗手建節即路且以紛悅刀礪侍輕軒而西凡一強
學以修業積行以取位赴知己不為名適四方不為親
卿大夫之孝也吾子其無忘可移之忠將咨度是務使
岷峽其又苛慝不作天聽自民誰謂蜀遠別細故也豈
藟芥乎凡今會同非詩無以導居者之志

送吏部杜郎中兵部楊郎中入蜀序

二公罷東西曹草奏故事之劇而參軍西南時人或訛

朝廷易其大而難其細及以為不然方當天子命將帥以守四方丞相秉鉞為唐南仲擇佐命戒介宜先才者事孰大焉彼採薇出車以遣役勞動我則異于是受王命者不言勤赴知己者不愴離今日斗酒姑展交好遂以道吾四方之志亦使滿坐歌二公子

送商州鄭司馬之任序

往歲司馬宰湖而湖人安輯大駕東狩之往復也供帳職辦天子以為能故寵之以兩綬勞動也今茲佐商增秩也人謂使人任器之道當處司馬以劇而觀其利用司馬曰與其徇名以利人寧勤身以安親况佑郡之逸予于是五彩其衣是日南邁流火戒節寒蟬嘹唳曉關

白雲片：秋色二三子之感時傷離者斯可以言詩矣
送洪州李別駕還任序

別駕以嘗宰三縣佐四郡未始不以廉直為己任亦未嘗以廉直銜己名仕有餘力則寄傲于琴趣遠是以曲高意精是以聲全得于心而形于手故非外獎所及當其操絃如操政焉時人知其琴不知其政善而無伐光而不耀故也今也來斯上台解榻卿大夫士從之如不及時因觀操縵之妙可以見從政之道是行也吾子其懋修乃德怡傲爾位夫亦將抑與不暇求于何有唯湯湯卸音明且將遠廬峰溢水大江間之風景可同而聽不可共由是眾君子詩以狀別且曰備折揚黃華之韻

用抒他年之相思

送韋司直還福州序

遠別非難行路難路非難行相逢難始者與吾子會于撫以吾一日長予子嘗敦弟兄之好而不吾先自雲搖兩散凡四悲秋而一會面亦既道舊別又繼之斯可以愴矣然君子患德之不逮不患人不我知吾子克慎厥身以荷先大夫之覆露賁然將命為邦司直被服文行而鏃礪之揚其家聲吾唯子之望豈行邁與聚散足昭志士之忻戚予是別也祇以歌詠祝吾子而已

送潁州李使君赴任序

公之為潁州也朝廷以不失人為明潁人以得父母為

英華作建

英華作之子

幸公獨以去色養為戚故執事者難之其為公謀者則曰受命忘家公也愛親讓祿私也君子不以私廢公不以存棄忠况國家方親賢而當潁人侯師長之日可以此時急聞禮而緩君命予公曰諾然後明日朱兩轡而東竭力致身之誠于是予全矣方當輯寧疲人襦而袴之宜其大王事而小行役豈祖暑之熱遠道之思與前期之難且攬胸臆賦詩勗別子以持贈

英華作持贈非

送屯田李員外充宣慰判官赴河北序

秦吳燕宋之別昔人所愴若君子以令德佐王之使臣將命以適四方當用文教柔遠威懷示德則其舉也可以悅其愴也可以遣况吾子家本全趙倭遊一紀駟馬

以過故御足展南枝北風之思買臣歸越相如遷邛古
今相望是可同轍明日渡濠池涉桑乾布王澤覽風俗
之暇為我問藪臺荆丘厥狀何似平原樂毅故事存否
歸而揚推用廣異聞夫道別離者緣情而已

送歸中丞使新羅吊祭冊立序

儒家流鮮有冠獬豸者天子以公身衣儒服力儒行
行之修可移于官學之精可專對四方是故公任執法
之位且使操節以濟大海領我王度于大荒之外夫新
羅嗣王以喪訃且請命于我二則歸賄繼好以策命二
之寔懷遠示德禮之大者夫亦將弘宣王風誕敷微言
使鷄林塞下一變可至齊魯不然歸公何以不陋九夷

之行也蓋行于忠信者無險易拘于王程者無近遠故
公受詔之日則遺其自視涉海如蹈陸謂窮髮猶跬步
豈鯨怒鰲拊足戒行李凡以詩旣別姑美遣使臣之盛
云爾

送渭南劉少府執經赴東都觀省序

彼狗名者遭時多故乘地高勢罕不爭先鞭而務飛速
以誇當代獨吾子以文行裕蠶思不出其位奉籛金之
所遺羞地芥而不捨其初以筮仕也典校秘書秘書之
職修尉于渭南渭南無糶政歲二月以紛旣觴燧歸觀
于洛白華之戀也和氣用事春物滿眼之子于征五絲
其服想成暈花合穀洛水火是吾子拜嘉慶問清高之

日欵夫克家而家肥策名而名彰居官而官辨孝之大者則貂蟬羔鴈在子外府姑務遠圖何嗟少別到洛陽為我寄聲謝鳴臯故山杼離如之何詩以贈遠

送餘杭薛郡守入朝序

有大道者遺小成之迹抱宏畧者非曲士所見公嘗以匪躬之故三入承明時議用舟楫期公者七載矣而猶建隼河瑤洗幘江島興貝錦之歎詠跋胡之詩豈不以名至盛德至廣而厦材多節夷道若顛乎今天子受宣室之釐忽思賈誼以謫書之篋先示樂羊且收玄珠俾諸丹闕則巨鱗方縱未可料也雖欲抱黃老之術与赤松子遊公器所歸難予免于珪組矣夏五月弭棹睢渙

英華作看

脂車而西火雲成峯如草如織誰謂秦遠跋予望之有以見非赤霄捧白日在此行也謂攀四牡者各賦南山有臺之四章取樂只君子德音是茂以為志云爾

英華
爾二字

三七云

毗陵集卷第十六

朝散大夫使持節常州諸軍事守常州刺史賜紫金魚袋獨孤及著

序下

十四首

崔中丞城南池送徐侍郎還京序

送蔣員外奏事畢還揚州序

揚州崔行軍水亭泛舟望月醺集賦詩序

送武康顏明府之鄂州序

送六合林明府赴選序

送崔詹事丞赴上都序

送李副使克賀正使赴上都序

送孟評事赴上都序

送柳員外赴上都序

送崔員外還鄂州序

送朱侍御赴上都序

送少微上人赴天台國清寺序

送陳贊府兼應辟赴京序

送司華自陳留移華陰赴任序

序下

崔中丞城南池送徐侍郎還京序

侍郎昔為河南督郵河陽令其解龜也東人思其遺美
今出入夷險歷二十載而一來廳爵未老佐吏半在公
位望章綬輝光城邑觀者榮之而東都主人亦以籩豆

英華作三十條

英華作何

醖筭徵會修好之不暇凡萃止十有五日而去之日
主人歎瞻佇之莫及也故又醜酒于此池：上有雙絲
壚與竹籬對布賓主位于罇之左右而蘭臺金蘭建禮
承明之英十有八人序列其次池外有闕塞雙嶺遙作
外戶嵩高逶迤數峰當窻伊洛春樹若刻繡布錦仙苑
火然顧我則笑于是遊眺之不足則舉白以相勸而狂
歌送之唱棹鳴榔簫鼓陳乎其間醉中疑三江五湖去
人不遠謂千慮萬事無非妄作况少別可以興懷乎但
駟馬行塵明日將遠登而無賦謂罇酒何宜歌而詩之
且以見追攀者之志

志字英華
作心也

送蔣員外奏事畢還揚州序

揚州牧趙國崔公使其部從事侍御史吳興蔣晁如京
師條奏官府之廢置歲月之要會其來也吳楚之衆君
子酒而詩之而辭水部并李司直翰變為之序以冠篇
首既將命趙公拜左僕射蔣侯加尚書郎之位其還也
之子日執書卷以言于朝曰始者與數賢別賴斯文故
常若在眼今幸而遷秩行車在門明旦離羣想今日之
會亦猶于此而思彼也非置書袖中人謂我何然後西
人之舊者皆賦韻道別而鄙夫和之詩大畧蓋美蔣侯
以才智任職有用爰咨諏之用而將事不墜專對不辱
能一其心以佐大府之政二靡小火唯公是謀三之臧
歸于府不知我者則謂我專趙公所以有成璠坐嘯之

論而無慙示樂羊誇書之篋而不疑斯可謂之明矣今
也于歸腰曳而綬然濯涇素澹春水始生秦原青二諸
草皆秀可共樂也而又別焉凡我同僚是以有瞻望不
及之嘆故送遠之志志形于文

揚州崔行軍水庭泛舟望月醺集賦詩序

言同者無約束而信心同者未謹浪而樂聲應情至則
不俟外獎况遺言之言造適之笑與盃中物池上月風
中絃五者合以既余歡其可勝既予于時衆君子樓公
翰林如翔鳥之得茂樹也至是登于仙舟泳彼新流掇
芳翫奇以永今日二不足故用夜漏繼之羽觴未及數
覆銀河橫而金波上樂作神王百憂如失而絃繁管清

悲歡交予其間則高歌爭進或道舊以泣酒酣意真樂
極感至故也當斯時視身後之竹書鼎銘猶稊米芻狗
也况細故乎二三子醉猶能賦且酌且詠余屬而和之
其詩云

明月借秋興流光在此池山公顧我厚酩酊稱未疲勿
謂嘉會易但憂離別隨飽君醉中德敢使松心移

送武康顏明府之鄂州序

多故已來干祿者進必欲速大抵悉棄夷道而趨捷徑
顏子獨曳儒服非其知己之命不苟合非稽古力所致
不妄動今其來斯也不以賄不以名不以遊眺挾策讀
書藝成而去君子哉若人即將以特舟片帆泝湘于大

江秋濤之中涉彭蠡歷西塞浮于潛踰于沔吾子安于
忠信亦當宜安于風波况滔水江漢水茫水禹跡予於此
乘渚返顧齊吳榻以擊汰其聲可想馬子長浮沅湘
窺九疑亦此路也定以覽古乘興窮極視聽行將搜異
不暇懼于何有凡今賦詩以抒居者之思且以勗吾子
四方之志云耳

送六合林明府赴選序

今之為邑者祇事趣辦而已矣之子獨以公廉不苟聞
于朝夫公則能力廉則不苟不苟則無害六合人飽是
德三故家肥人讓而名隨之宜其黜陟幽明之日首冠
賢能之選也宜哉上方勤恤人隱渴良吏如不及之子

英華有廷字
英華作廉
英華三首字

英華作苛
英華作考

令問將與位偕行當見函洛春物迎馬首于千里之外
勿謂蕪城衰草足愴遠別二三子何以持贈其歌詩予
送崔詹事中丞赴上都序

初公由尚書郎出佐蜀郡無何罷軾暢轂專席而坐休
績布于巴漢天子器之時人謂公逸且駸視公卿猶
步武耳既而剖符驅傳出入吳楚專五城佐二府罷
身退復藏于密出處之道歷二十載而未先知公者不
堪其歎公未始屑于胸臆貞直廉讓之德內充故也夫
貞則專直則固嚴則不競讓則後時故其寵不及而名
益茂也宜哉今上方厲精熙載用官人安民為急百工
以釐不至者知罪故公朝賁然伏軾入闕時然後行動

而不裕在是役也銷憂者莫若酒中樂酣可以道千
里之意者莫若文群賢詩之以送遠蓋古人雜佩以贈
之流也

送李副使克賀正使赴上都序

之子領秘書著作於是邦恭我軍事必爾謀必忠居
處必恭三年矣而身無擇行職無批政之和非吾子
昌賴今茲將東諸侯之命朝于京師稱壽之儀舉專對
之才達是行也將為度材者所得豈復顧池中乎正月
元日和氣資始大行設九賓于蓬萊前殿皇帝輦出百
辟奉和公將以此時捧章奏于雲陛之下得觀虞舜之
九成箫韶塗山之萬國玉帛况惟仲氏典司宸翰棠棣

之華交映于朝斯可謂之榮矣懋修乃職尚慎行邁勉
從樂伯之戒將復臧孫之烈至如遵大路之嘆不足為
吾子設矣吾嘗同寮且士龍之執也江樓醉別何用既
遠以其章句當佩玉瓊琚乎

送孟評事赴上都序

孟子以御舉秀才射策甲科二十年矣同時中楊築者
今或蔚為六官亞卿或彤襜虎符秩二千石而孟子猶
羸馬青袍客江潭間遇與不遇何其寡也然君子不
患貧患業不修不患位下患道不行孟子言忠信行篤
敬好學工文令名藹然今茲入關有司之喜也諸公展
相遇之禮其肯不以推之輓之為已任見三月四月之

交禮灞之間王睢飛鳴草木暢茂是吾子彈冠之時也
二三子不可以不賦

送柳員外赴上都序

初弱用之拜也吏者隱者相見皆賀曰朝廷雖賢不遺
丘壑中人則縉紳之賢者日至矣未有賢人至而太平
不興者而弱用獨以衰疾行邁為憂諫議大夫昌黎韓
愈深貽弱用書曰君子之命知己之遇其可易乎由是
不敢言病即日戒路夫君子之道進不苟容退不懷安
不以欲拂人不以私弃公時止則止時行則行弱用之
心也仁矣哉與夫捨龜觀頤自盛以索者異矣方今主
上用文思柔遠魏郟謀謨唯賢自渴想見龐眉大冠俯

樓于朝廷与公卿大夫言三代故事出入金馬石渠之
署國人孰不宜之今之史臣樂安蔣鎮博陵崔儒頃以
弱用同以德進儻与二君子道舊必話鄙夫疲于郡齋
之狀勿使不知我者謂我不思若夫抒今日秦吳之別
斗酒之外詩而已矣

送崔員外還鄂州序

員外曳朱組擁使節將鄂州牧御史中丞吳公之命方
舟如吳祇後藏事肆覲伯姊展歡申悲泆辰而還飲水
怡慎夙夜匪懈孝弟友恭形于容止追攀者觀禮于公
見公之仁繫公之先德与位偕由大王父已下一門三
太子保傅二御史大夫一宰相四二千石家之範可刑

于國今則兄掌冬官第列郎署閨門怡之花萼相鮮欲
辭必復之榮朝廷其肯捨諸永言夙昔將繼舊好惠而
願我其敢不以久要為答雖嘉有克圓方旨酒盈樽壘
祇攬別緒不足慰瞻望不及之歎故可以於此予言詩

送朱侍御赴上都序

子以才茂經明鄉黨稱仁起褐衣四五年起參夏口軍
事同時諸生有未登賢能之書者公以惠文冠出入殿
中蘭臺其以文章干祿何啻如拾芥吳中賢士大夫由
是益勸今復戒鞍而西言赴所從昔陸士衡入洛張華
如舊相識之子之文章燦然有昔賢風彩彼後先之後
其肯捨吾子乎將子獻詩著論特備風雅以宣上德抒

下情為己任勿獨誇吳越昌門之廢興辨蓐羹羊酪之優劣而已急賢之日何患人不知凡今贈別皆吳士也

送少微上人之天台國清寺序

或問上人曰文者所以足言也言說將忘文字性離示入此徒無乃累一相乎答曰稱示入者過矣以習氣未之泯也率性修道廢幾因言遺言故欲罷之而未能耳時人謂上人為知言知道歲次乙卯自京持鉢而來給事中天水趙公捐賦詩杼別卿大夫已下屬而和者二十七章既而飛錫濟江休于晉陵又東至于姑蘇將涉震澤踰會稽上天台至國清上方而止趣靜境者不料

遠近登漸門者不計歲月則上人還斯詎可知也上人
之文章可得而聞也諸公將議遠別得不以斯文為贈
乎

送陳贊府兼應辟赴京序

初公讀梁竦傳始慨然薄遊恥揭其公器退而耕于楚
縣知言者以為子真吳都禦寇圃田卜商西河与公道
雖不同其操一也羿工乎中微拙于使人無已譽固知
大名之下天爵難讓十二載冬十月果以公才徵龍泉
自惜整隱牛斗之次美玉無脛竟為秦人所得且晉以
梁山台伯宗漢以明堂延中公尊德問禮于斯為盛况
朝廷預八紘久矣頃未儒服立于魯人之門者公祇命

台鉉將濯纓而孤矣當貞女不字十年反常及大翼怒
飛知一日幾萬間離羣何贈請賓賦車乘主人賦南有
嘉魚以代零雨之什

送司華自陳留移華陰赴任序

去年春公自京兆北部尉謫掾陳留議者或歎公大才
未光直道而黜君子則曰否患德不立不患遇坎始用
舉至是雖速詢何傷有才與時不遠而復其明年春肆
大眚冢宰量殿最厚薄以令閭遷公于華陰然後知朝
廷之祿用也華陰者左崤函右雍州潼津鍾池綴于分
野長河大華為之襟帶甸近所以難其選地雄所以寵
其秩公將以利器刃物清機臨人吾見岑公孝不得專

美于南陽大火初落昊天欲高遠山雲開歸路秋色請
歸各抒別操使行者得歌而詠之

毗陵集卷第十七

朝散大夫使持節常州諸軍事守常州刺史賜紫金魚袋獨孤及著

記述 十二首

風后八陣圖記

上元二年豫章寇蓋盛集記

江州刺史廳壁記

吏部郎中廳壁記

太常少卿廳壁記

金剛經報應述 并序

瑯琊溪述 并序

廬郎中尋陽竹亭記

馬退山茅亭記

撫州南城縣新亭記

謝駙馬孝行記

慧山寺新泉記

記述

風后八陣圖記

物不終靜必授之以動當純坤用事陰疑于陽則飛龍
戰大朴已散聖盜並起故戎馬生乃有并吞八荒爭截
九有大者天柱折地維絕小者作廬山負阻中氣上
帝憑怒下土是恤乃眷武德黃帝受之始順殺氣以作
兵法文昌以命將于是乎征不服討不庭其誰佐命曰

英華作以

英華作力

英華作廣

英華作奇數

文粹作感

元老風后蓋戎行之不修則師律用爽陰謀之不作則
凶器氣何恃故天命聖者以光戰術俾懸衡于未然察變
于倚數握机制勝作為陣圖夫八宮之位正則數不愆
神不惑故八其陣所以定位也衡抗于外布軸于內風
雲備其四維所以備物也虎張翼以進虵向敵而蟠飛
龍翔鳥上下其勢所以致用也至若疑兵以固其餘地

文粹作被字

遊軍以按其後列門具將祭然後合戰弛張則二廣迭
舉犄角則四奇皆出必使陷堅陣拔深壘若星馳天旋
雷動山破彼魏之鶴列鄭之魚麗周之熊羆昆陽之虎
豹出匪以律戎異于是既而圖成尊俎帝用經畧北逐
獯鬻南平蚩尤戡黎于版泉省方于崆峒底定萬國旁

文粹有威

文粹有馬字

英華作二

文粹有子字

英華作括

英華作乃

羅七曜昂成龍至去而上僂于是遺風冥二時亡而
圖存嗚呼聖迹長往神機未昧酌其流者猶足以決勝
九軍禦侮萬里故項籍得之以破霸西楚黥布得之奄
有九江孝武得之攘匈奴服甌越東收歲貊西拓大夏
然則聖圖幽贊未始有涯唐天寶中客有為韜鈴者得
其遺制于黃帝書之外篇裂素而圖之則勝敗之朕在
我股掌天地之心見于毫末議欲獻諸策府用廣武事
會天子以不戰為師無為二寶則是圖也興于多難廢
于升平堙淪不書盛德其沒及旌諸圖例以為三皇之
故事六藝之餘伎云

上元二年豫章冠蓋盛集記

英華作子

文粹有子字

英華作部

英華作子孟字

類聚作夏

英華作轉輻

鳳凰鸞雛翔于碧霄非梧竹不下而食賢人君子有四
方之志非樂國不適其土豫章郡左九江而右洞庭接
苗氏之遺墟非觀風按郡參事藏職則長者車轍莫由
致也歲次辛丑孟春正月東諸侯之師有事于淮泗是
役也以蚺蠻竊發華夷震驚執事者匪違啟居亦既播
越我都督防禦觀察處置使兼御史中丞韋公元甫克
振遠畧設為長城且修好于鄰侯浚交相見敦同盟戮
力之義圖靜難勤王之舉故三吳舟車八使冠蓋名公
髦士羣后庶尹輻湊鱗集其來如歸于是戶部尚書兼
御史大夫李公垣至自廣陵越州刺史兼御史中丞杜
公鴻漸至自會稽潤州刺史試鴻臚少卿常公儼至自

英華作子孟字
任職者

英華作批

英華作游

英華有名字

十一子英華作印後
墨然若若肩焉於
字下

京口蘇州刺史常公之晉至自吳廬州長史前尚書右
丞徐公浩至自合肥由是越人吳人荆人徐人以其學
行給驛漸至大江之涯于是乎弘舸巨鷁舳接艦隘輜
車寫鑿鞞挂轂擊每講射合禮賓主好會歲星并執象
笏鴈行而揖五十有九人凡處八座一歷中書者三尚
書司轄者二建隼旗者九冠獬豸者十一其載筆掖垣
曳裾廷寺八曹環衛者典校蓬萊者印纒二綬若二架
肩于宇下翼如也夫衛甸侯也以多君子而夸列國梁
孝王漢寵第也有鄒枚嚴馬之盛而焜耀後世孰与以
一郡之狹五湖之阻而濟二俊又馳軒冕而就客位者
殆九州多士之半則鵷鳳群翔而萃止不若也彼昔人

英華作

英華作

英華作至

英華作梅

英華作目

所評方斯其陋予歲二月楚氛掃除江介底定然後皆
整歸轡分鑣言旋繫維莫從音徽將遠不頌不述後嗣
何觀公于是謹而月之且列其爵里名氏于館俾來世
知衆君子之車塵在此境也

江州刺史廳壁記

古者國有史事君舉必書倚相董狐史鮑史賀其人也
秦以來國化為郡史官廢職策牘之事浸滅記事者但
用名氏歲月書于公堂而春秋檮杌存于屋壁其來舊
矣是州也在荆之域于潯之陽江從岷山東注渤海洪
濤至是派分為九而廬山溢水周乎雜堞洞庭彭蠡為
之襟帶故自晉元康迄于梁陳出入五代四百餘載世

英華作是

英華作制

英華作固

英華作天

英華作是

子子術英華子

稱雄鎮且曰大府匪親匪賢莫荷其寄唐有天下六合
 一軌設險斯廢惟民之恤則命官擇任与列郡等矣至
 德以來戎馬生而焚氛惡猶以是邦咽喉秦吳跨躡荆
 徐而提封萬井歧路五裂每使臣計郡縣之財入調軍
 府之儲峙璽節芻午羽書絡繹走關崑而馳于越必出
 此之路而防虞供億功倍他郡故亦大其任而難其人
 今年春渤海封公繼踐厥位夫為政猶工之攻木也得
 于手應于心則樂曲臙腫迎刃而解况美材乎故公以
 登斲之利導勝殘之俗布政三月而人從又每歎曰茫
 茫舊壤千載在目觀乎版築則灌嬰之業皎而存焉披
 乎圖牒則温太真庾元規之車塵若可窺焉義寧以來

英華作朗
或作郎

百四十有九載纂斯位者風聲相聆軌躅相躡前賢後
 賢累如貫珠善惡成敗我之元龜酌而行之吾師存
 焉於是徵諸故老鳩其名氏之存者凡若干人揭而書
 之以為九江郡國志

吏部郎中廳壁記

太微五帝星座後五星曰即位秦漢之君則而象之
 乃建郎官至魏世祖今尚書曹為六郎各六人今之吏
 部魏之選曹也掌選舉銓覈以正公卿大夫士郎吏之
 品位凡廢置之柄官府之序歲終令天下郡縣會計致
 事而郎官起草立議操而成之然後尚書受成于郎中
 郎中之選非楚金百煉錄弓六鈞弗与也故居官者不

英華作中

英華作款

英華書下有部子

由選曹而進固以見其才之餘力亦猶劍之刃未嘗割
大輒切大玉則雖曰我且必為鑿卸人猶疑之由其途
而昇驟必環周三臺翰飛兩掖登喉舌秉刀尺者什六
七諸曹即莫敵也歲在乙巳河南賀若公用貞幹諒直
寔涖厥位往歲公為員外郎也東朝朗然如得水鏡治
餘杭也吳人熙二若逢陽春令也來斯八法在乎操割
成務彌綸舊章悉如初政嘗以前哲軌躅我之韋絃而
武德以來解署鼎新者數官曹易名者五若姓不表年
不紀是廢德也將來何觀故謹而列之俾我曹之春
秋字座右其選部司列天官文部之目各因其所革時
之先後冠于其首以為志云

英華作厥

英華作地
英華作居大

英華作七

英華作思

太常少卿廳壁記

六子英華作天地
神祇人鬼

太常掌玉帛鐘鼓等威文物以報天子天神人鬼地祇
凡吉凶軍賓嘉之禮唐虞謂之秩宗周謂之宗伯秦謂
之奉常漢謂之太常其掌一也後魏太和十五年始建
少卿官少小也用別二卿大小之序亦猶宗伯有小宗
伯列國有上卿下卿郡有守丞亦位亞一等以少叅長
而佐其成務焉故事自御史中丞給事中書舍人遷
秩為亞卿者必于是司故官因職雄地以人貴餘八卿
不敢與太常齒廣德中上尤審官注意禮樂其選也以
能以忠孝敬慎肅恭神人且懋其官府政令俾無不恪
將以忠孝敬慎肅恭神人且懋其官府政令俾無不恪

英華補

方議酌前賢之遺塵而損益之乃瞻屋壁史記漫滅于是夏五月己丑皆姓而名之使如珠之貫盱衡指顧儼若對面曰賢者吾得而師之不賢者吾常而絃之賢遠乎哉既進牘然後命博士河南獨孤及為之志

金剛經報應述 并序

洪州牧刑部尚書兼御史大夫魏公身挂玄冕心冥真如昔常奉般若法以弘正見雖顛沛造次必與經俱十有若干年矣皇帝中元二年冬十月專駕有避狄之師百寮蒼黃南馳商於公為盜所攘而亡其經其往也匪家之念唯經是悼行與其獲七寶也寧見經生與其亡四句也寧捨身明年王正月大駕返正公為京兆尹痛

弘誓之未從也則惟書是圖末於玄法寺之藏一人以送公發函披卷乃商於所亡之本也問守藏者亦曰不知其所自而能得公瞻禮悲喜捧持而泣然後知精專感達故隨心而至昭報形響其疾若答顧謂孟子太常博士友順志之或曰得與喪偶然爾何必謂誠感乎及對曰誠于此者形于彼故出其言善千里之外應之此以仁義忠信感于物者也况第一義諦超貫仁義自在惠力不啻忠信則因發而果發心誠而經還是法味幽贊非思議所及豈佛以般若之雨啟公善牙使因相以獲願進登乎無願法之法歟不然何心境玄合若律呂相召歲在己酉公以異見告及跪而述之曰

英華作在

上士勤道精誠若馳願形于心報亦隨之至感無礙經
斯來歸護公身田俾公斷疑公之善根疇可度思

瑯琊溪述 并序。文粹誤瑯琊溪述序

隴西李幼卿字長夫以右庶子領滁州而滁之亂者粒流
者占乃至無訟以聽故居多暇日常寄傲此山之下因
鑿石引泉釀其流以為溪。左右建上下方作禪堂琴
臺以環之探異好古故也按圖經晉元帝之居瑯琊即
而為鎮東也嘗游息是山厥迹猶存故長夫名溪曰瑯
琊溪他日賦八題。于岸石及亦狀而述之是歲大曆
六年歲在辛亥二月丙午述曰
自有此山便有此泉不濬不刊幾萬斯年造物遺功若

文粹作坊

文粹作色
文粹作流

若俟後賢天鍾靈奇公潤飾之流為迴溪削成崇臺不
過十仞意擬衡霍溪袤數丈趣侔江海知且造適境不
在大恠石磴。湧湍瀑。洞壑無底雲興其間仲春氣
至萬木花發巨陵被坂吐火噴雪公登山樂山者畢同
無大無小乘興從公。舉觴酒。酣氣振溪水為主人
身為賓捨琴詠歌同風舞雩時。醉歸与夕鳥俱明月
滿山朱轡徐驅石門松風聲類笙竽於戲人寔弘道物
不自美向微羊公遊漢之溪峴山窈窕千祀誰紀彼美
新溪維公嗣之念茲疲人繫公其肥後之聆清風而歎
息者挹我于泉乎已而

文粹作而

文粹有山字
文粹有不字

盧即中尋陽竹亭序

懷玉松記字原亭訪作序標
英華改正

卷十七

八小雲谷鈔書

英華作製

古者半夏生木槿榮君子居高明處臺榭後代作者或
用山林水澤魚鳥草木以深其趣而嘉景有大小道機
有廣狹必以寓目放神為情性筌蹄則不俟滄洲而閑
不出戶庭而適前尚書右司郎中盧公地甚貴心甚遠
欲界其志而高其興故因數仞之丘伐竹為亭其高出
于林表可用遠望工不過鑿戶牖費不過剪茅茨以儉
為飾以靜為師辰之良景之美必作于是憑南軒以瞰
原隰冲然不知錦帳粉闥之貴於此亭適也亭前有香
草怪石杉松蘿生密篠翠筠鵬月碧鮮風動而下聲比
簫籟亭外有山圍益城峰名香爐歸雲輪囷片石可數
天香天鼓若在耳鼻是其所以誇逋客而傲漢貂者百

英華作

英華作

英華作景

英華有物字

里奚爵祿不入故飯牛而牛肥盧公恬智相養于是竹
亭構而天機暢嘗試論亭之趣夫物不感則性不動故
境對而心馳也欲不足則患不去故意愜而神王也耳
目之用繫于物得喪之源牽于事哀樂之柄成乎心之
和于內而事應于外則登臨殊途其適一也何必嬉東
山楔蘭亭爽志蕩自然後稱賞公欲其迹之可久故命
予為志

英華作

馬退山茅亭記

冬十二月作新亭于馬退山之陽因高邱之阻以面勢
無櫛櫨節枕之華不斷椽不剪茨不列墉白雲為藩籬
碧山為屏風昭儉也是山翠然起于莽蒼之中地奔雲

英華作跪非柳集
作泥

英華作探柳集
同

四字柳集作木工
英華切作工

轟直數十百里尾蟠荒陬首注大溪諸山來朝勢若星
拱蒼翠萬狀綺布繡錯蓋天鍾秀子是不限于遊裔也
然以壤接荒服俗叅夷徼周王之馬迹不到謝公之履
齒不及岩徑蕭條登採者以為歎歲在辛卯我仲兄以
方牧之命試于是邦夫其德及故信孚信字故人和人
和故政多暇日繇是嘗徘徊此山以寄勝際迺構廼墜
作我攸字子是不崇朝而攻木之工告成每風止而收
烟霞澄鮮輒角巾鹿裘率昆弟友生冠者五六人步山
楸而登焉于是手彈絲桐目送還雲西山爽氣在我襟
袖八極萬類攬不盈掌夫美不自美因人而章使蘭亭
不遭右軍則清湍修竹蕪沒于空山矣是亭也僻介嶺

英華作在
英華作楸

英華少二字
柳集作迺墜
迺墜

英華作蘭嶺
柳集同

閣佳境罕到不書所作使盛迹鬱埋是貽林澗之媿也
故志之

撫州南城縣客館新亭記

古者國野之道十里有廬二有飲食三十里有宿二有

路室于是賓客有底止羈旅有寄寓而是邦也與兩粵

七閩犬牙其疆守官者以為地遐途窮而瑣二行邁之

罕到也則殺其禮而闕其物焉無修除之備無井楸之

設及賓至則候不為導里不授館而盤飧薪芻之既弃

如也由其途而往者僉曰陋如之何是歲也台司審縣

尹之寄擢王公所為南城公至之日則考于是事典陳

其藝極視年之上下去民所疾苦凡三月而南城之人

懷玉樓此文見柳子厚河東集二十七卷文苑英華一百二十四卷柳作柳孤
華謂文之造曰與與李天曰願通多遠又多用為人語決非柳作華也元
既振板者時文柳豈有是且為此亭即為天發十載至之有柳情

此上華字
英華作下

至之文云
和六年子厚
即馬退山
酒醒遠醉
作一為詩中
王振方伐叛
虎臣唔按
魯人若德服
甘就南田
許于時可討
南治別文
必出於至
有可徵也
英華作
業

英華作
制其

英華作之
英華作是
英華作宋

英華作用

英華作批

英華作飲是

英華作利

五子英華作
榮棟字之制

英華作戶

英華作之字

和於是飾廡置以候賓客葺旅舍以待羈旅夏六月築
其館辨其域于道周作新亭於館之陽夏屋眈眈俯瞰
澹望賓位在左主右在右然後刻琉璃埋坎窞以為大
達屬之于溪設雙航于清津以備經度每將之迎之則
自知勞至于致飭無曠禮無違物而茲亭之經始也取
廢撤之材以移用之乃有節入鞭朴之屬贖以成工之
忘其勞社燥濕之虞以憩賓之至如歸三者不愆于素
功是以立若行者有犯輒之祭居者修飲餞之好登斯
臨斯醜酒以贈之則溪雲竹風生于棟牖而綠野青山
為吾庭衢三爵之後可以送千里之目道四方之志焉
茲又勝會之佳境也凡底績以興利革故以謀始修禮

英華作

二子英華
作運渡

三子英華作此

五子英華作鄭
瞻潛曜其字

英華作榮非

二子作存於

以備物儻功以成務政之大者宜其刊作者之茂寔以
示後嗣不然他山之石何以在茲亭乎是歲廣德二年
也

鄭駙馬孝行記

特進駙馬都尉榮陽鄭潛曜字其睿宗外孫玄宗之甥
代國長公主之才子也膚敏而文生知純孝開元中長
公主寢疾公年二十八醵燧侍左右帶不解面不饋者
累月嘗藥請禱憂懇備至而疾無瘳乃刺血濡翰書為
策祝請命于上下神祇願以身代親之身乞靈祈死泣
盡繼血既而誠達于神感而遂契徹筵俟命焚其章草
獨神道許三字在予煨燼之中翌日長公主疾間公故

英華作

英華作冥

命左右勿敢言於其請天之章公之客尹靈琛之辭也
向微靈琛言之則人莫知之者矣君子謂天道遠人道
迩其死生冥運吉凶陰陽未嘗與人同功也而孝子竭
誠上玄為感神符靈既來若嚮答乃知行或精至則幽
明不能逃其應而况人子鄭氏之子其事親也可謂孝
矣惟武王周公与天合德三壇之祝宜有不應若公也
者在綺襦紉袴之中非有植璧秉珪之禮而精誠上達
神亦降福非德性純至其孰能致感如此其速者欤公
開元二十八年尚玄宗第十二女臨晉長公主公主柔
明而賢輔佐以禮公力行好學處貴不驕跋履夷險無
替忠信歷太僕光祿嗣榮陽郡公佩金印列長戟垂三

英華作天

十餘載克荷代業而崇其家聲善而必慶為不誣矣懼
他日史氏闕疑也故著之于篇

慧山寺新泉記

此寺居吳西神山之巽山小多泉其高可憑而上山下
靈池異花載在方志山上有真僧隱客遺事故迹而披
勝錄異者賤近不書無錫令敬澄字源深以割雞之餘
考古案圖葺而築之乃飾乃圩有客竟陵陸羽多識名
山大川之名与此峰白雲相与為賓主乃稽厥創始之
所以而志之談者然後知山之方廣勝掩他境其泉伏
涌潛洩渠濬舍下無汙無竇蓄而不注深原因地勢以
順水性始雙壑衰犬之沼疏為懸流使瀑布下鍾甘溜

英華作淺

英華作之

九字英華作然
之者乃掩他境

英華作順

二字作醴濃

英華作工

湍激若灑醴乳噴發于禪床周于僧房灌注于德地經
 營于法堂潺英華作有聲聆之耳清濯其源飲其泉能使貪
 者讓躁者靜英華作者動道英華作者堅固境淨故也夫物不自
 美因人美之泉出于山發于自然非夫人疏之鑿之
 功則水之時用不廣亦猶無錫之政煩民貧深源導之
 則千室襦袴仁智之所及功用之所格動若響答其揆
 一也予飲其泉而悅之乃志美于石

醴

英華作及

英華作

英華作

毗陵集卷第十八

朝散大夫使持節常州諸軍事守常州刺史賜紫金魚袋獨孤及著

策書

對詔策

勅与吐蕃贊普書

永泰二年

答楊賁處士書

策秀才文三道

策書

對詔策

問大象無體玄功陰陽雖稟生之類萬殊而含道之源
一致是以至人垂訓將以利物演為真宗昭厥後學包



英華作以

括六藝周流八表或因事以立言或寓言以詮意至如
交樂于天交食于地不相與為事不相與為謀善無所
私惡無所弃施之于教何所勸勉經曰不爭善勝不言
善應正直如繩平易如水常務斯道曷往不臻又曰善
建不拔善抱不脫子孫以祭祀不輟斯言信矣昔放勳
欽明光宅天下人歌擊壤政叶雍熙可謂善子建抱免
乎拔脫宜其帝系蕃遠貽厥孫謀繇二瓜瓞邁德垂裕
何丹朱之不祀而祭祀輟乎又天無二日土無二王若
以天下觀天下豈有二君子夫君為元首臣作股肱君
無賢臣誰與共理粵若舜舉八元致垂拱之化漢用三
傑成霸王之業夏殷之末任佞弃賢宗社淪亡為無匡

英華作期

英華作何

英華作善

英華作去

英華作結

此下者有訛脫

英華作心

英華作卻

輔經稱不尚賢者其旨何哉聖人之教專氣致柔故形
不欲勞性不欲竭深根固蒂可以長存則有周穆肆狂
逸勞過度但勤捐性都以為然又有惟靜惟清守真守
朴二經之說何取則焉

英華作朝
穆肆狂

又問善攝生者動与吉會武不措爪兵難容刃單豹岩
居水飲身代俱捐壽永色傷不免噬搏何衛生之不異
而利害之頓殊子既洞曉玄經探微索隱矛盾若此何
以會明側席靈心佇聞啟沃

對臣聞道之為物無名無形蓋聖人的而用之推而弘
之取其精以修身用其粗以救物從本降迹敬朴為器
于是有可道之道忘言之言其大畧雖以冲寂為宗虛

非英華作用為大道

極為體然好用無朕故不可致詰今陛下詰其體探其
宗豈不欲因言演教于教遺有夫長風吹而衆竅號則
大無不動細無不應况陛下用大道為風以鼓羣有臣
則吹萬一之音也敢不唱于衆竅之末
臣謹按天有施地有利用天之施以處其和謂之交樂
分地之利以養其正謂之交食夫相與生于有為有為
生于有事有事則謀名存矣善惡生于公私公私生于
用則棄名立矣然聖人有為不為焉有事無事焉有
謀不仁焉有善無善焉有惡無惡焉祇善惡于一致合
同異于萬殊則妙門可存教化斯在英華一作立
臣又按道德經云天網恢恢疎而不失常有司殺者殺

英華作仁
英華作三

之此不爭善勝之應也文宣王稱天何言哉四時行焉
百物生焉此不言善應之驗也周書云無偏無黨王道
蕩二此正直如繩之效也經又云居善地心善淵與善
人言善信此平易如水之證也陛下弘其言挹其道以
為天下式四十有二載矣且復推功外名不有不恃考
言詢事若冲若缺詔臣等曰常務斯道曷往而臻臣
生也焉知其辨雖然有一于此願陛下守而勿失與
神為一使神不遠于人、不遠于天、人合契如影響
交應則甚夷之道焉往而不臻夫有國者必善建皇極
善抱至道二之不存傾其宗遺其社之謂拔桀奔南巢
受兜牧野是也極之不建失其器喪其國之謂脫太康

英華作

英華作并

英華作放

英華作止

英華作即

去洛汭幽王敗驪山厲王流彘是也至如堯知天曆在
躬故以至公官天下天下戴之而不辭知丹朱不肖又
以至公禪天下天下去之而不怨可謂道德矣其後裔
更霸迭王重之以御龍唐杜之代祿可謂垂裕矣陛下
興廢繼絕立五帝祠節春秋脩其祭典可謂祭祀不輟
矣方之拔脫臣謂不同經曰不尚賢使民不爭大哉聖
人之知微知章乎夫尚賢者國家之所當先然古先聖
王雖求賢審官其用未始不無為也而聖人能無為于求賢不能使無為
無迹此字脫存則有為者尚之以為利于是有飾智以驚愚
修身以明汙其漸起于一時之名其弊存乎千載之後
不尚賢者非謂廢收脰之任絕匡輔之力也蓋欲因時

英華有尔

王字英華作八曰

英華作遺

致功二成則遺而遺之因義立事二遂則有而無之無
之則迹滅迹滅則爭息爭息則于為無為于事無事雖
八元之翼唐弼虞三傑之戡秦滅項其為無事一也若
夫齊天地宜萬物莫大于全真專氣致柔全真之本也
惟清惟靜全真之中也各然其所然各可其所可全真
之末也設教者三合其道者一以貫之雖逍遙與導養
殊途然性情與力命同轍苟因其合而枚其分則子產
不得不勞于刑政朝穆不得不逸于肆任若矯其肆任
之性以徇刑政之端是續鳧截鶴虧其全矣故聖人以
大猷御六氣之辯以大方合二經之旨明應變無方立
言不一學者宜忘言以究其體統不可執言以滯于筌

英華作命

英華作靜

英華作其

蹄經不云予反者道之動惟動而常靜可以取則權足
 以合義二無反經凡養生者以本為精以物為麗閑其
 外慎其內迹不踐凶危之境故兵不能容其刃心不居
 患暴之地則武安得措其衣苟守其精而遺其麗故得
 于內而喪于外二內無以持其分則衛生之經悖矣謂
 之不異臣竊異之至如希微大體微妙玄鑿陛下得黃
 帝之遺珠久矣雖廣成無所陳其至精傅說無所用其
 舟楫啟沃之間豈臣及之有黷睿謀懼殞越于下謹對

勅与吐蕃書 永泰二年

勅吐蕃贊普外甥朕共贊普代為与回自我玄宗至道
 大明孝皇帝与生贊普和親結好將六十年仰思當時

之約豈為一朝之故寔欲相恤災患永同休戚使代二
 子孫為兄弟甥舅如手足之相慰唇齒之相依自爾便
 息戎罷兵二境無爭戰之苦金玉錦繡問遺往來道路
 相望歡好不絕贊普寧忘之乎自我國家有安祿山史
 思明之難朕謂言贊普必有恤鄰救患之意豈知乘我
 之豐恣其侵軼然畧河湟之人爭奪沂隴之地又与朕
 叛臣僕固懷恩共扇誘回紇等諸蕃同惡相濟犯我郡
 邑三年之間三至城下此實贊普苟窺分寸之利自弃
 一家之信不念昏姻之好忍絕舅甥之歡累代親鄰一
 朝併弃有目有耳者皆為贊普羞之夫以小國伐大國
 且勞師襲遠而助叛臣有是三者神宜悔怒果然懷恩

自斃回紇來降羌渾諸蕃內離外散天實有眼心可負
予朕頃以背盟不祥絕親不義寧人自我不負人所
以含垢數年未忍致討既不得已方思用師正欲悉天
下精兵長駟西向弔人問罪然後凱旋上以雪宗廟之
讐恥下以釋將士之憤怒自料以德征暴以大攻小以
信討詐以義罰不義當如沸湯沃雪猛火熱枯人神同
力何往不濟籌議之次適會彼國使來云願修前好復
如舊日覽書見意良用憮然欲不許則人來歸我欲許
則信不可恃是以遣御史中丞楊濟往諭朕意且探誠
款九月濟与被國宰相某乙等同到得所寄書然後知
事皆由衷言無虛謬再披來旨朕甚嘉之何者自非聖

哲人誰無過而能改亦古人之所善追思六十年之
舅甥有先祖先贊普之誓約言在史冊信結天地豈以
小不忍而隳大體使百姓疲于兵甲兩主遂為仇讐貳
過遷怒朕所不取敬依來請彼此結和而今而後不復
念惡已令內外屯戍罷解嚴凡我二國洗瑕遷善經
畧封疆素有分地各守土宇爾無有親侵永為親好復如
開元中故事昊天上帝山川鬼神宴聞朕言無謂不信
冬寒贊普外甥比平安遣書指不多及

答楊貴處士書

上德無為其次為而不擾及為邦歲暮而人疲如初終
日以貢賦不入獲譴于上官遂以州比不調之琴思解

絃更張之義筭口徵賦以代他征意欲因有為以成無
為二未著而人已告怨跡其所以然無德故也夫道政
齊刑民猶免而無耻况權道以反經為用去德逾遠使
無連謫末由也已所喜幸苟有過吾子知之貽書見讓
以直諒相益商也起予孟孫愛我吾子兼之矣愧辱嘉
貺顧無以當之三復白圭欲罷而不能然來書所陳富
人出萬今易以千貧人出百今亦數倍富倍優貧倍苦
竊詳雅旨事或未然昨者據保簿數百姓并浮寄戶共
有三萬三千比來應差科者唯有三千五百其餘二萬
九千五百戶蚕而衣耕而食不持一錢以助王賦詩不
云予或燕二居息或盡瘁事國在于是矣每歲三十萬

貫之稅悉鍾于三千五百人之家謂之高戶者歲出千
貫其次九百八百貫其次七百六百貫以是為差九等
最下兼本下租庸猶輸四五十貫以此人焉得不日困
事焉得不日感其中尤不勝其任者焉得不襁負而逃
若以已困之人已竭之力杼軸不已怨州將不存苟以
是為念安敢不夙興夕惕思有以拯之三方今為口賦
誠非彛典意欲以五萬一千人之力令三千五百家之
稅愚謂可復使多者用此以為寡少者用此以為益損
有餘補不足之道實存乎其中富人貧人悉令均減倍
優倍苦何然而生竊料動搖不安以遁逃相扇者不過
以規避之戶與寄客耳此輩浮食偷安久漏差科惡同

均賦稅之名祇思苟免若編戶地著者雖駟之使逃亦固不從今已擇吏分官以辨其等差量分入賦其數懸勝以示之信若信之不明分之或過等差之不均官吏之不仁困而後去誰曰不可乃未及知斂之厚薄辨之濟否望風聆聲遽告勞而逃斯豈為政者之過乎顧禮義之不愆孰能恤叛者之言即天下無不食王土之臣寧有不輸王賦之民此輩飲國之澤食地之利將薄歛以助通賦則曰挈妻子而去之是与鳥獸蠻貊無以異矣其來既不可以秦征稅其去亦何足以病州縣違之一邦亦猶是也等不為用又焉能資隣然計斯人之徒亦未必悲然國國或有不去者焉庶幾其所濟猶大但不

英華作差等

英華作不

英華作有躬

義者作正

英華作有而字

防之于微拙誠有之奉教三省敢不知罪子產鑄刑書作兵賦以救鄭國而獲譏于叔向及才不如子產口筭不如兵賦吾子之言過于叔向之直中心藏之何日忘之簿領拘限莫由詣展未見君子馳誠無極不宣舒州刺史獨孤及頓首

策秀才文三道

問儒有安身以全德有殺身以成仁有徇名以行己有忘名以殺物殺雖俱出于儒墨而用之不同聖人立言豈其無持操歟夫魏顆違命申生受賜伍尚赴郢伍員如吳四者孰孝比干死之微子去之太公投竿伯夷採薇四者孰義石戶竄於海上伯陽隱于柱下鴻夷子范蠡

英華作而

五字英華作鴻
英子去

二字英華作去

英華作定子賤鳴琴
單父而民亦自化。又
悟悟二字英華注云
集作悟慨非

汎舟于越三者孰潔今欲考其本末度長以挈大較其
去就合異以為同渴聞貫之、道辯之、說

問黃帝氏以無為、政垂衣裳而天下順周人三十其
儀亦克用又舜誅四罪天下咸服而成康恭已刑措不

用教化之本豈不同源而文質殊貫損益相返以古範
今何去何就孔子用鉞而魯至于道而宓子賤鳴

琴悟、單父亦化寬猛之際大小不侔比權量實其義
焉在敷暢厥旨敬佇嘉言

問傳曰其君齋明精潔則神響人聽故明神降之夫天
地烟燭冲氣為人神何由降明何由出至如晉崇寔沉

崧生申甫編傳穀城之老言各魏榆之石檮杌杜伯与

三字英華
作大小矣

商周而存亡黃熊白毛將晉號而興敗是何祥也根本
焉在二三子貴然來斯宜究乎天地之終始其悉數以
對

毗陵集卷第十九

朝散大夫使持節常州諸軍事守常州刺史賜紫金魚袋獨孤及著

祭文

上

吊道瑾文

并序

祭土龍文

祭蠹文

祭岬山文

祭吳塘神文

為吏部李侍郎祭李中丞文

為元相祭嚴尚書文

為楊右丞祭李相公文

為吏部楊侍郎祭李常侍文

為明州獨孤使君祭員郎中文

祭衢州李司士文

為華州李太守祭裴尚書文

祭文

吊道殫文 并序

辛丑歲大旱三吳飢甚人相食明年大疫死十七八城

郭邑居為之空虛而亡者無棺殯悲哀之送大抵雖其

父母妻子亦啖其肉而棄其骸於田野由是道路積骨

相支撐枕籍者彌二千里春秋已來不書或謂縣官處

師旅飢饉之弊宜禳災于未然既將不時賑卹又苦之

亡英華作殺
棺英華作柩

英華字將子

英華作體

英華字之

英華字有也子

以杼軸故及是及以為不然當陽九之厄陰陽錯而災

沴降天也非人也于是延陵包佶作道殫文蓋小雅雲

漢之流及亦斐然獻吊且告之運命云

八風不和六氣不均上天疾威大厲荐臻俾災流行殄

殲斯人此當作北自淮沂達于海隅札瘥天昏亦既毒痛匪陷

密網匪罹荏苒飢饉降喪淪胥以鋪人生寄世孰非遠

客嗟爾賦命天年逼迫生不翹其口死不掩其骼曠野

茫茫僵尸纍纍鬪體崢嶸如堆如垣垣閭里無烟鷄犬去

之死非爾所鬼其饒而水隔歷陽貴賤同之秦坑趙卒

肉填長平寔天不庸謂禍莫京尔復何為無辜命并將

天閔之則如勿生司殺之網孰云孔明伊昔太古上玄

英華作滔

英華作柩是

英華有俱字

英華作洪回

英華作傾

英華有天子

英華每世字非与
下第字韻不叶

英華作啼

英華作我

之世天無鞠凶物無疵癘父不喪子兄不哭弟亦有華
昏民壽千年陰陽常和玉燭常燃彼何人斯而生斯時
聖人既興大盜亦隨外戶反閉賢愚相欺我先王乃作
五兵固不得已而用之堯舜既沒揖讓不傳黃鉞白旄
謂之應天德乃下衰干戈相連陽九祲興災纏凶年鳥
皆夜鳴人失其全食盡力疲守死道邊不自子子後不自
爾先萬世一時運有固然帝在法宮清問下民青旗鸞
輅時令惟新叶風和布天下皆春尔徃莫及委骸窮塵
命不可問嗚呼蒼昊

祭土龍文

陽驕陰伏女魃作孽孟夏不雨至于是月后土將乾百

英華作胡屯其
其

谷恐竭天道下濟龍德正中宜甘其雨亦祥其風曰歲
与时俾和而豐胡然屯膏物乃殄瘁民用艱食神將乏
祀豈天不仁豈龍不智益益英華作益正直以是輔潤雲漢于下土
詔列缺使舉火命商羊以鼓舞晦兮為雲霖兮為雨滲
我王土而毛之取我黍稷而膏之俾爾稼如茨俾尔穗
如坻寔廩實藏為盛為粢無貽龍羞俾神戒欺尚饗

祭蠶文

年月日都統江淮之南節度觀察處置等使戶部尚書
李垣謹以少牢之奠敬祭于六蠶之神天地不仁神明
無親惟德是與若饗之答敢有象恭滔天構豐成亂國
有明罰神其捨諸賊臣劉展假寵多難敵包狼心竊祭

英華作正

英華作瘡
疵

英華作需

英華作
龍共

英華作拓鈔授
英華作羽

文粹作于

蠱毒將敷虐于我上下神祇使東溟揚波羣動昏墊皇
帝震怒俾勦亂畧命我上將底天之罰于是帟牙鷹揚
之臣地矛屏渠之羣橫行而東我伐用張月弧雲旗已
先啟行方將歷尋陽下南陵收京口掃建業斬梟獍以
豐鼓封鯨鯢為京觀俾萬里浪破三象霧廓今以今日
吉日整駕即路是用徼福于爾有神惟神降衷尚弼予
志敢告無靡旗無絳驂無汰翰無償車命五將護野萬
靈並敷令天地氛祲望風掃降魑魅魍魎罔不率俾莫
我敢遏為神祇羞尚享

祭岢山文

一作岢山祈雨
英華作岢山神祈雨文

年月日朝散大夫檢校司封郎中兼舒州刺史充常州

英華作說

英華作傷

團練守捉使賜紫獨孤及奉勅以清酌之奠敢昭告于
岢山神之靈頃緣亢暘不雨棗盛將敗敢以人欲乞靈
于神謂必貽響過賜介福俄以決日未蒙降衷潤礎不
徵觸石無望稼穡盡瘁澗溪將竭豈有悔怒將為毒痛
不然何瘳我以早使滌之至此今元之怨咨皇帝吓食
下罪已之詔崇群神之祀將以敬恭之懇邀福于明神
神其沛然迴慮驟降以雨使枯苗復生飢者得食上以
應聖主乾之之心下以副萬人願之望是人之性命
與神之存亡敢不以太牢少牢剛鬣翰音之薦以為明
祀以報純嘏若猶陽固陰蓄蘊隆如初神則不明人將
何賴亦當徹惟馨之奠寢嚴禋之儀祭禮興廢在此一

六子英華作固
陰蘊蓄沖沖非
不山原文

英華作說

英華作于

英華作以

而敢固陳告庶無神羞尚享

祭吳塘神文 祈雨

年月日朝敬大夫檢校司封郎中兼舒州刺史獨孤及謹以清酌之奠敢昭告于吳塘神之靈山作靈鎮神寔司之人作神主及寔尸之神非人罔以薦馨香人非神罔以降福祥馨香不薦伊人之尤福祥不降亦神之羞及剖符為邦今二年矣制節謹度不敢怠遑庶無罪悔以奉禋祀。未豐潔政或頗類寔及之責非人之愆惟神佑之俾大有年今盛夏旱蒸五稼將枯田畷訢號靡知其辜神明豈不降鑒下土油然為雲沛然作雨使萬人歡康百穀阜滋洒我公田遂及我私我京我庾維萬

英華有祈雨字

五子英華作吳塘之神

英華作字實及青

英華作也

英華作為

維億豈伊人粒神亦血食衆心顯。非歲曷望。之濟否惟神所相尚饗

為吏部李侍郎祭李中丞文

某年月日某官某乙謹以清酌少牢之奠致祭于故蘇州刺史兼御史中丞贈吏部侍郎李公之靈嗚呼天以純粹鍾美于公孝友慈惠公廉貞直事君以忠臨節有勇可以師表鄉黨儀刑措紳宜荷百祿乃用三壽孰司物化曾莫負德諸公不死公獨返真官不過八命年未踰六十豈五藥乘養九歲失節以及此乎將修短之域窮達之數止于是乎前期幽報如所修乎俯觀生前亦有恨乎昔公出入臺閣勤勞王事馳驅使車周旋天下

英華作文

英華作久

克己奉職一何正也姑蘇之役茲倖構難公秉義勇誅
其渠魁每寇圍逼勾吳震駭公帥羸師克剪大敵奇謀
生于死地貞節見于孤城夫豈惡生誓無奪志臨危致
命一何壯也濯纓來朝祇若王命三府高議方以黃敬
咨公天子無知不從人欲旅櫬委于空館妻孥恨于遠
道其來也駟馬朱幡其往也孤轡丹旄天子興悼台臣
雪涕情鍾我輩哀可既予某乙等義雖寮友季卿等屬
忝宗族歡愛如昨書札猶新伸眉未幾交臂忽失形骸
留此冤魄何之鳴琴潺湲恍若在耳前路冥冥良游無
期靈之來兮歆此薄酌英華作酌尚饗

為元相祭嚴尚書文

英華作紹
等非
英華作或

英華作玉

以智至皇綱三十
七子英華止作以
智開庶相以道張
皇綱

英華作芳

年月日某官某乙謹以清酌少牢之奠敬祭于黃門侍
郎兼吏部尚書御史大夫嚴公之靈嗚呼天惟匪忱才
不必壽再耕斯疾願回短命吉凶兆朕凡聖共惑惟公
茂質見于芳年菌蠢九葩磊砢千丈頃嘗戮力當代以
智開物若發矧之刃決雲切泥長安浩穰憲網疎漏天
子命公尹京執法能秉直道以張皇綱盜奔訟清周月
報政巴蜀亟擾上為所食公之攸徂亂亦遄已思夷授
首印贊飲化乃加冢卿為天喉舌謂當任極台鉉壽如
岡陵青雲可攀白日忽暮嗟來桑扈溘与化往孰云夫
君而有斯命蕪蘭春敗大壑夜失非君興哀吾誰為勸
昔公先中書以道消讒勝不踐衮職公復筭屈短曆卒

英華作難
謀
英華作無
英華作若

英華作及
位

無相印蒼生孤望前後同悲曩子論交于予授分形接
意敵聲應事感俱涉世故累荷寵榮予忝台司公亦亞
相大駕東狩獲陪厲車各負羈絏同捍牧圉誠節見于
多難交態彰于困蒙願言悉心共獎王室鎮蜀之後南
北頗限猶易前期未嗟少別：未艾也死生間之夙昔
歡愛今反為悲真宰何人壽夭誰司善而無報天豈予
欺憶昨攸往火旗電輜今也來斯白馬龍輻鯉書遂絕
雞黍無期惜無寶劍挂君松枝首酒一壺幽明此辭尚
饗

為楊右丞祭李相公文

年月日尚書左丞楊綰吏部侍郎李季卿吏部侍郎王

延昌刑部侍郎魏少游工部侍郎徐浩謹以清酌少牢
之奠敬祭于故相國李公之靈嗚呼宗祏儲祉降神生
公稟天純懿為國柱石負荷大業儀刑本枝九居專城
六處八座五領憲府兩登台司惟公廉忠信是務惟寬
厚清淨是守危言獻可未嘗脂韋取容直躬而行不為
權倖改操三已無愠一麾乃出其茂勛崇名遺芳餘事
輝映策牘標準播紳所泣之邦于今頌美若鄭人之思
子產周人之歌召伯謂公福如山阜壽登期願為天子
元老以弼成廢政溘與化往嗚呼曷歸何萬人之具瞻
與天命之相違窺遺塵于臺閣想見公之容徽嗟道中
而壽絀痛迹是而人非綰等恭承嘉惠昔嘗登門接後

英華作錄

堂之歡娛。參東閣之討論。譁浪在耳。書札是存。奈何少別。忽聞九原尚饗。

為吏部楊侍郎祭李常侍文

英華有少年字

年月日某官某乙謹以清酌之奠。敬祭于故右散騎常侍贈禮部尚書李公之靈。嗚呼。冲粹之氣。生德于公。忠孝貞亮。聰明宏遠。卓犖特立。英明虐受。自司翰持。衡觀風執法。周旋三閣。出入十載。能直其道。而正其身。致命臨節。仁而有勇。造次顛沛。義形于色。莊敬發于談笑。孝謹扇乎閨門。若天祚明神德。與正直公宜。錫慶鍾壽。俾大而昌于何官。不至三事。年不及六十。積德無報。為仁者惑焉。今行及先遠。將安宅兆。嗟來桑扈。往無反期。追

英華作和

英華作于

思平生夙昔。歡好懇款。交臂之合。殷勤同心之言。今則冥漠無非。夢想非夫人之為。慟吾誰為。慟不知神之所。在彼乎。此乎。旨酒一尊。庶以為別。英華作以尚饗

為明州獨孤使君祭員郎中文

年月日某官某乙謹以豆醵之奠。敬祭于故某部郎中兼某州刺史員公之靈。吳越僭歲元。艱食帝咨。四岳分命于公。克勤于邦。克儉于家。忠而能力。剛亦不吐。出入臺閣。將十五載。動合律度。言為程式。及茲剖符。銜疾受命。而慨然有表。正東夏澄清。江湖之心。海隅蒼生。方望公以大庇。朝廷播紳。期公以上台。而悠。蒼天屈公。以下壽。時既頌。而命不與。智未窮。而生有涯。嗚呼。哀哉。

英華作勤孝英華作而

英華作仰

英華作得

英華作波流

英華作接壤

英華作痼

昔公緇衣持斧予忝接武于朝公負謹投荒予亦左袵
異城山川有間交情無極各隨流波在天一方嶮阻艱
難亦既備嘗邂逅相遇荆蠻之御惠而好我何日能忘
浙右巨鎮角東孤城風烟相接吊伐同盟未及前駟莫
申微誠遽聞沈疴忽間生死九原誰歸萬事長往夙昔
驩愛無非夢想舟逝壑走吾將安仰隻鷄之薦靈歆來

英華作來

祭衢州李司士文

年月日前華陰縣尉獨孤及謹以清酌庶羞之奠敬祭
于衢州司士參軍李君之靈惟君砥節礪行抱粹含純
剛亦不吐直而能溫筮仕誠立安卑道存宜錫難老亦

英華作如

英華作于

高其門奈何盛德迫此短辰追惟夙昔修好于君託以
良援申之昏姻勸我以義敦我以仁各徇薄官俱期致
身頃復離別幾為胡秦契濶乘阻艱難苦辛君限靡藍
陳力甌閩予集荼蓼零丁海濱吊恤何深舊好殷勤贈
言如昨尺素猶新倏忽長往吾誰與親常日音徽平生
懿文今則已矣長為古人憐君不知哭君不聞瀝酒墳
草洒淚隴雲庶因薄奠髣髴精神尚饗

為華陰李太守祭裴尚書文

年月日華陰郡守李某謹以清酌庶羞之奠敬祭于故
禮部尚書裴公之靈嗚呼元精純粹生德于公峻極降
祉貞明在躬濯纓登朝事君以忠出入三閣周旋兩宮

英華作少年

英華有河東二

英華作區中
英華作新

纂惟并陘推轂盧龍喉舌是寄淑問斯崇鯤背垂天鴻
毛順風亦既在官時更困蒙夷險能齊高明有融三已
無愠再命滋恭肇受方伯俄昇秩宗將陳謨謀以佐時
邕如何不吊降此鞠凶珠履聲絕蒼生望窮機返太素
歎留景鍾香二龍輻瞻言徂東敬飾薄奠邀神昊穹靈
顧來享彷彿音容嗚呼哀哉尚饗

英華作令
英華作一

毗陵集卷第二十

朝散大夫使持節常州諸軍事守常州刺史賜紫金魚袋獨孤及著

祭文

祭吏部元郎中文

祭壽州張使君文

祭揚州韋大夫文

為楊右相祭西嶽文

祭韋炎端公文

祭賈尚書文

祭相里造文

祭滁州李庶子文

祭博陵郡君文

補遺

漢光武渡滹沱河水合賦

祭文

祭吏部元郎中文

年月日禮部員外郎故獨孤及謹以蔬飯壺酒敬祭于故
吏部郎中元公之靈工士齊死生下士愛生惡死而惑
之知生死若幻而不能忘情于其間者我輩所不免
始者与公同吊死問生論議亦頗嘗及此豈謂言未絕
口而公又長往昨日經過遠成疇昔何變化之速乃至
于是視不及瞬言不及息嗚呼元君今已返于機夫彭

英華外著

祖殤子同歸于盡豈不知前後相哀達生者不為嘆公
齒髮未老官途方半相視而笑冀前路各有所展豈圖
間濶數日而死生間之竹林如故階塵未掃唯人琴兩
亡影絕響滅湯二清絃豈可復聞承以令辰將赴塋闕
痛天道之茫昧予豈無言而悲來從中遠復抒意匪祭
也永以為別也尚饗

祭壽州張使君文

年月日舒州刺史獨孤及以清酌嘉蔬柔毛之奠敬于
故尚書工部郎中壽州刺史兼侍御史張公之靈頃者
剖符為郡与公隣邑祇役往復日以携手嘗辱嘉惠愛
我則深奈何別後盈魄未周相去無山川之間繼聞嬰

英華外著

祭

英華作照

疾遽告不幸古詩稱一息不相知今乃爾耶別時高論
精義在耳袖中尺書洒翰猶濕而形影驟滅了無還期
雖欲效古賢謂悲哀為但化情莫可過後虛語耳惟公
貞諒溫毅強學好古人皆窪而盈曲而全公獨以峭直
接物雖悔去不改其度人多求田問舍公獨以百家言
為寶藏書至八千卷而不止以斯道也施于有政故其
德形于事業其仁浹于百姓楚人壽人如得陽春識者
揣公壽与位偕今也溘焉為人何望嗚呼王事拘限會
葬莫及思賢嘆逝執紙涕零若久要之不敢忘也豈不
願享于今日蘋藻之奠尚饗

祭揚州韋大夫文

英華作負好郎

年月日朝散大夫檢校尚書司封郎中兼舒州刺史充
本州團練守捉使賜紫金魚袋獨孤及謹以嘉蔬柔毛
之奠敬祭于揚州大都督府長史兼御史大夫淮南道
節度觀察處置使常公之靈王命九伯底綏四方惟公
剖符作藩維揚往歲斯民匪迪匪康自公戾止視之如
傷飾吏以儒出言有章革剝煩苛載戢暴強將吏奉君
若網在綱罔或作威以紊典常民斯輯睦政亦允減和
氣被物豐年降祥天之輔仁公宜熾昌奈何不淑景命
遽央百城悼心萬民何望及忝列城備守封疆獲宥罪
戾庇身餘光德宇所覆今也則亡偏思遺愛追蹈餘芳
悅仰興懷望慕淒涼拘限所職路阻且長遙抒下情言

英華作之

英華作章

英華作碑

英華作余

二子英華
作而果爾

英華作
全真

英華作賓

酒一觴尚饗

為楊右相祭西嶽文

年月日司空右相楊國忠吏部尚書同中書門下平章
事韋見素等謹以少牢之奠敬祭于西嶽金天王之神
酒自獻歲達于三月畜極不雨七膏未光元二其咨滌
滌是懼國忠等是用虔奉睿慮聿遵祀典謹遣鳴臯山
人常朝真敢徵福于大神之靈精意總申而休祐所饗
宸衷遠達而瑞澤滂霈非神之幽贊叶于國神之景命
符于人則疇能降祥薦祉如此其速故簋簋犧象敬修
享禮雖冥應無方非馨香所答而神感如在庶明靈惟
歆尚饗

英華作謨

英華作神
英華字王
字

英華作姓

英華作及

祭常炎端公文

年月日司封郎中兼舒州刺史獨孤及前舒州司馬皇
甫曾等謹以清酌庶羞之奠敬祭于故侍御史舒州桐
城縣丞韋公之靈昔公執法柱下某等接武周行嘗趨
後塵飽聽公議其既出守曾後播遷公亦負譴黜官辱
同官為寮之好敢不知孝弟忠信強毅正直樂善惟恐
不及嫉惡不去不止分枉直于心識以澄清為己任形
于造次發于自然謂必眉壽且鍾介福奈何強壯之年
大才先謝志業所趣未申萬一有生之涯溘然永已慈
親羸老弱子未甦反葬無望委骸他山等為歸真艱痛
太甚天不我吊哀有何極某等頃嘗以尊酒豆肉邀君

英華作盡

英華作賦
英華作仕

英華作只
二子英華
作站

英華作體

英華作我非

同惟今之所歎猶前樽也但夙昔志氣比來話言遽悉
冥漠無非夢想往既不及來莫可追猶持此奠以抒永
別天閻之痛夫復何言尚饗

祭賈尚書文

大曆七年四月二十一日朝散大夫檢校尚書司封郎
中兼舒州刺史賜紫金魚袋獨孤及謹以清酌庶羞之
奠敬祭于故散騎常侍贈禮部尚書賈公六兄之靈嗚
呼性命之源仲尼罕言頃者與兄存而不論亦謂景福
必鍾德門未虞昊天驟忍俄欺所以分手容易前期日
往書札祇嗟別離孰云別中死生間之賈生謫去遭世
不用以命周服千古猶痛兄逢盛時任適梁棟青雲咫尺

英華作
尊

英華作勿

英華作百川
相宗
英華作鳥

英華作三

英華作年非

尺巨鱗始縱濫爾中止俄同大夢天下孤望非兄誰慟
追念夙昔常陪討論綜覈微言揭厲孔門匪究枝葉必
探本根高論拔俗精義入神誓將以儒訓齊斯民文章
陵夷鄭聲奪倫兄于其中振三代之風復離為朴正始
是崇學者歸仁如川朝宗六義炳焉自兄中興大名全
才儀刑百工嗚呼彼天胡不祐賢闔茸讒諛或錫永年
好學不幸繫兄復然豈天地不仁將斯民薄祐顯之
望見奪何遽其獲見于兄二十有六年矣兄有七年之
長蒙以伯仲見視博文約禮謂仁由己同心之言期于
沒齒前後尺牘羅列按几悟清論况在耳一旦如
失萬事過已民之所望今也胡俟其守職拘其限會葬

英華作風
復為朴

英華作十

英華作為

英華作
去

願乘白馬素車欲往無階寢門一號心酸骨悽容徽自
此永不復見若魂魄無不之也豈不覩平生心于今日
斗酒之奠尚饗

祭相里造文

年月日舒州刺史獨孤及謹以清酌之奠敬祭于故河
南少尹贈禮部侍郎相里公之靈嗚呼往歲嘗與公度
論生(死)变化豈不知身與萬物悉當歸無猶謂不惑于
道者可以不奪其筭豈圖論猶在耳目未及瞬而公度
之身復為異物益知觀化而但自古皆妄而哀來從中
妄豈易遣嗚呼公度有志有文量足齟世善可救物宰
賜言語冉季政事古莫兩大繫公兼之伊昔密薦可否

英華作心同病同

英華作政

英華作難

廷折凶佞京師童兒亦知公名其後江人杭人頌德不
暇洛表耆老僕公而蘇秉公論者無賢不肖孰不謂公
致君致身方自此始奈何吉未會也凶問隨之天下悼
惜士友悽歎况某授分于策名之始並命于剖符之列
久要不忘平生寔惟公度是望同心同病我身子身也
子與化往柰我心何名跡留為故事語言存于耳目唯
音形眇忽無前期可望每一念至哀填胸臆往矣公度
去我何之勿言一尊永無共持儻官願饗表公我思尚
饗

祭滁州李庶子文

年日常州刺史獨孤及謹以清酌嘉蔬之奠敬祭于

英華作語

故右庶子滁州刺史揚州大都督府司馬兼侍御史隴
西李長夫之靈嗚呼才與上壽并者吾不得見之矣得
見中壽者斯可矣嗚呼長夫曾未半之官不展才事不
如志奄謝昭世溘歸黃泉雖欲如哀二可如予追惟長
夫行茂神俊孝愛友睦諒直仁勇卓犖夸邁英明曠達
文武志畧邦家必聞為州治行居百城之最詩賦歌事
窮六義之美休聲喧于里巷佳句被于管絃珪璋令聞
中外注耳謂當入拜九卿出分四嶽萬人所望一旦中
止行路悼惜豈直同心者之心滄洲長挹之談玉溪獨
往之興竟迫身世永孤願言倘魂而有知當飲痛泉下
往歲滁城之會俱未以少別為感臨歧道舊坎二鼓我

英華作遠

英華作志

英華作感

英華作競

酒酣氣振言盡歡甚孰知此際以是永訣今萬事如昨
書札猶新唯故人音容不可復見悲莫悲兮生別離况
長往之別予王事拘限莫由執紼卮酒豆肉後會無期
彼蒼悠二逝者何之長夫長夫竟兮來斯尚饗

祭博陵郡君文

大曆八年二月十五日檢校司封郎中兼舒州刺史獨
孤及謹以清酌菜菓之奠祭于故博陵郡君之靈嗚呼
及顧惟鄙薄謬忝合好採繁助祭歲時未幾執手偕老
昊天遽奪齊體苦晚遺跡太早猶未知壽域有涯短長
已臻其極即將及薄祐速豐宜為淑明所弃即屋壁掛
存琴瑟絕響修法勸義今將疇依日月有時龜筮告協

英華有日
字非

英華作台好

英華作勤

英華作步

英華作不非

將涉故路附于先塋及為印綬所拘不獲親自封樹豈
虞此別死生間之往歲方舟偕來今也身輶獨歸却岐
一慟心骨可絕頃者萬事無非去塵變化茫茫往矣何
道今日卮酒將抒永別尚饗

補遺

漢光武渡滹沱河水合賦

昔漢光武收河北之年馳馬將進滹沱在前為敵所迫
當冰不堅及軍裝隱鱗以登岸殺氣崢嶸而塞川意者
欲定神器于茲日彰聖人之動天若非使不道者喪有
德者王則水不能以造次而結冰不能以斯須而壯交
浩之流為歲之狀擁高旌以進雷長鼓以上及企

路以全軍又迎風而破浪于是進隔闕于長津願邀遮
其後塵患勢莫之敵沒不可爭振求一徑而莫遂惟羣
臣之不親賴玉霸至誠之力協光武至聖之德人從悅
已之詐天贊勤王之直故得舟楫不設衣裳不濡避地
以往乘冰以趨一水之上兩軍相殊使後人視水則有
光武求冰則無望飛塵而惆悵對寒流而踟躕由是知
天人之合發與神祇而相符不然則何以延十二之
摠四七之輔滅新室毒流之日作漢氏中興之主受命
之瑞也亦何異玄女降于軒轅白魚躍于周武燕趙之
間清流彌之高風已遠遺躅于是

唐故常州刺史獨孤公毗陵集後序

安定梁 肅

大曆丁巳歲夏四月有唐文宗常州刺史獨孤公薨于
位秋九月既葬門下生安定梁肅咨謀先達稽覽故志
公茂德映乎當世美化加乎百姓若發揚秀氣磅礴古
訓則存乎斯文斯文之盛不可以莫之紀也于是綴其
遺草三百篇為數卷以示後嗣且繫辭曰夫大者天道
其次人文在昔聖王以之經緯百度臣下以之弼成五
教德又下衰則怨刺形于歌詠諷議彰乎史冊故道德
仁義非文不明禮樂刑政非文不立文之興廢視世之
治亂文之高下視才之厚薄唐興接前代澆漓之後承

梁集卷之五

英華作左

英華作左

集作英華

集作乃

作者述起英華
作者曰俗稱其

集于其後至以神
二十二字英華有

集作第の

英華作浩於集作
盛也

文章顛墜之運王風下扇作者迭起舊俗稍革不及百
年文章反正其後時寢和溢而文亦隨之天寶中作者
數人頗節之以禮洎公為之于是操道德為根本摠禮
樂為冠帶以易之精義詩之雅訓春秋之褒貶屬之于
辭故其文寬而簡直而婉辭而不華博厚而高明論人
無虛美比事為寔錄天下凜然復覩兩漢之遺風善乎
中書舍人崔公祐甫之言也曰常州之文以立憲誠世
褒賢遏惡為用故議論最長其或列于碑頌流于歌詠
峻如崧華浩如江湖若替堯舜禹湯之命為誥為典為
訓人皆許之而不吾試論道之位宜而不陟誠哉公諱
及字至之秘書監府君之中子道与之粹天授之德聰

集作第

英華作志

集作其

英華作志

英華作智

英華作保

明博達剛毅正直中行獨復動靜可則仁厚孝弟積為
本行文藝成乎餘力凡立言必忠孝大倫王霸大畧權
正大義古今大體其文中雖波騰雷動起復萬變而殊
流會歸同致于道故于賦遠遊頌嘯臺見公之放懷大
觀超邁流俗于仙掌函谷二銘延陵論八陣圖記見公
識探神化理合權道于議却祀配天之禮呂誣盧奕之
謚見公闡明典訓綜覈名寔若夫還聖道以揚儒風則
陳留郡文宣王廟碑福州新學碑美紀成功以旌善人
則張平原頌李常侍姚尚書嚴庶子常給事常穎林墓
志鄭氏孝行記李睢陽楊懷州碑纂世德以貽後昆則
先秘書監靈表陳黃老之義于是有對策文演釋氏之

英華作志

英華作
二子

二句英華作稱物
狀以怡情性

英華作序中

英華作恆神

集作部

奧于是有智鏡禪師碑論文變損益于是有李遐林集
序稱物狀之美而暢其情性于是有瑯琊溪述盧氏竹
亭記抒久要于存沒之間則祭賈尚書相里侍郎元員
外李庶子文其餘紀物叙事一篇一詠皆足以追踪往
烈裁正往簡噫天其以述作之柄授夫子乎不然則吾
鄙安得遭遇于斯文也初公視爾以友爾亦仰公猶師
每申之以話言必先道德禮而後文學且曰後世雖有
作者六籍其不可及矣荀孟朴而少文屈宋華而無根
有以取正其賈生史遷班孟堅云爾吾子可以共學庶
乎成名爾承其言大發蒙惑今則已矣知我哉其誰哉
遂啣涕為序俾來者于是觀夫子之志若立身行道終

集作用者
在序

始出處皆載易名之狀故不備之于此篇

與子十之集作唯二可與字
考視斯文序字成名之子英
華作考視之所子成名大終



去歲下月廿三日武進趙氏刊本
畢凡珠管校氏卷本註氏本甚刊本
所年之字則注云好字之補遺一差附錄
一差上備錄附于後 永和趙坦九

毘陵集補遺

漢光武渡滹沱冰合賦

韻上天無親惟德是輔為

昔漢光武收河北之年馳馬將進滹沱在前為敵所迫
當冰不堅及軍裝隱轉以登岸殺氣崢嶸而塞川意者
欲定神器於茲日彰聖人之動天若非使不道者喪有
德者王則水不能以造次而結冰不能以斯須而壯變
浩浩之流為峩峩之狀擁高旌以進雷長轂以上及企
路以全軍又迎風而破浪於時進隔闕於長津顧邀遮
其後塵患勢莫之敵沒不可振求一徑而莫遂惟羣臣
之不親賴王霸至誠之力協光武至聖之德人從悅已
之詐天贊勤王之直故得舟楫不設衣裳不濡避地以

往乘冰以趨一水之上兩軍相殊使後人視水則有求
冰則無望飛塵而惆悵對寒流而踟躕由是知天人之
合發與神祇而相符不然則何以延十二之祚總四七
之輔滅新室流毒之日作漢氏中興之主受命之瑞也
亦何異元女降於軒轅白魚躍於周武燕趙之間清流
瀾瀾高風以遠遺躅於是懷玉案此賦當是試作英華
八韻卷五十三禎字可知唐時賦律之寬也惟見於歷代賦
賀赦表集無見文苑英華五百五十八卷

臣某言中使某至宣示赦書大赦天下者臣伏以作解
宥過前王之茂典嚴配享神聖朝之縟禮非大孝無以
肅祇宗廟非洪勳不得告承天下伏惟皇帝陛下誕敷

文德昭烈武功鋪於八埏橫被四海拯兆人之苦恢
累聖之洪業伐叛問罪電發王師為人除災為時誅惡
陛下恬神凝累儲道蘊德以義制事以欲從人雷霆之
震也心不恕於兇戾元惡之戮也勳不書於簡策淡泊
功德陰隲萬邦大哉聖王之為君也無德而稱矣頃者
賊臣伺梟獍之變翠華巡遊四方愀冤百神震駭誅剪
大憝清復闕庭事不稽於浹旬慶已延於萬億接踵之
禍又起近郊犬羊猖獗相繼夷滅然後舉墜典修禮文
鑿草繁苛搜揚嘉遯自上古之所不臣前聖之所未賓
梯航而來悅當作我聲教掃除氛沴日月載貞大安反
側上下交泰而又發德音降明詔歸過罪已降去鴻名

含生動植許遂其性草木知感况在人倫今以履端之
初先陳盛禮豐潔簡易應時順人展敬於郊壇薦誠於
清廟丕昭列聖咸秩神祇抑臣聞之仲尼曰明乎郊社
之禮禘嘗之義是陛下德合祖宗道符三五慶於祉福
與天無疆鴻私湛恩溥施萬國洗蕩痕垢咸使維新牢
獄空虛囚拘蕩滌禎祥鬱於川瀆嘉氣塞於乾坤天下
臣妾不勝慶幸

同前集無見文苑英華五百五十八卷

臣某言伏奉今月某日制大赦天下恭承恩詔宣布藩
隅負瑕累者咸荷生成被傷痍者如蒙覆育中賀臣聞
春以首時益本於陽德澤以周物取象於鴻私伏維皇

帝陛下出震繼明體元立極作解施會順時致和問安
禮備於三朝班朔恩加於九有猶念刑不可變死不復
生泣辜興慈納隍軫慮與民更始其命維新禦魑魅者
復還係桎梏者咸宥丹楸疑當無滯黃沙已空踈漢網
而遠無不賓祝湯羅而下無犯順雖水旱繫於常數每
惻憂勤以征賦本於黎人載加蠲貸應天以賢推己以
誠疇庸懋能自家刑國或圖舊以延賞或錫類以崇先
日月徧燭於幽明雨露不私於中外舊章備舉墜典咸
秩崇儒術所以宏教化旌孝義所以厚時風憫耆耄而
廩賜有差廢橫斂而凶荒是禦皆歷代哲王之茂典今
陛下修愍作而行之洋洋聖謨曠所聞見雖虞帝之孝

殷后之仁垂拱而人無間然鞬橐而兵不復用方於今日未足比崇臣幸屬昌期謬領藩服官惟責實未効涓埃之勞賞及無功亦洽一作沾恒情盧學士文昭云此換汗之寵拜恩竊拊萬倍

代獨孤將軍讓魏州刺史表集無見文苑英華五百七十六卷

臣莊言伏奉今月十九日制書以臣為中大夫持節魏州諸軍事守魏州刺史寵命光臨心靈震奪中謝臣才質汚濫學藝空疎往緣乏人謬參多士膏雨降而鮮鱗躍和風流而短翮飛遂以庸微累升清貫天臺望重始預廊官帝贊務殷仍霑縣宰翊州司而罕效撫邊鎮而何功睿澤旁滋皇明遠照曲顧先臣之舊不忘支屬之

姻遷臣以大樹之榮總臣以儀本之任既而力微招責祿厚延疴深慮即填溝壑不得重趨階陛伏屬天地仁慈聽臣入都醫療承恩之日頓當作減咸當作焦勞在路已來小將瘳健若何以仰祇嘉惠俯策疲駕當河北之奧藩忝山東之厚寄魏郡太守豈岑熙之可攀冀州刺史寧籍章之敢列伏乞迴光斂露寢汗停綸矜臣竊位之誠遂臣量能之請庶知人之鑒影響不差循吏之聲期年而至無任忝冒屏營之至表陳讓以聞其所讓入別狀封進

為崔使君讓潤州表集無見文苑英華五百七十六卷

臣某言伏奉今月日制書以臣為使持節潤州諸軍事

潤州刺史散官如故前命甫流後恩溢集進退惟谷憂
喜聚門臣某中謝臣材質孤陋藝能鄙薄徒以頗承舊
業遂得歷踐清資國庠司級一作非既非所據六衛陪軒
又無足採久欲避賢公府移疾家園不悟沖眷曲臨殊
私屬委瓠溝東望始拜寵於韓臺竹里南浮遽遷榮於
楚澤何以仰承皇寄俯緝毗謠伏乞日月迴光雲雨流
霈深惟鑒察改任良能則朝有至公臣知免戾無任屏
營之至

代于京兆請停官侍親表

代宗集無見文苑英華五百八十卷

臣某言臣聞審官而用者君上之明也量力而動者人
臣之義也然則審官先於責實量力在於知止苟違斯

道是必終凶臣以薄劣素空行藝遭逢際會累忝驅馳
自受京尹向逾周月上無報國安民之效下乏推賢審
已類表作之能官謗日深內省知愧伏以去年冬末迄
於今日竊聽閭閻頗有流散在於京輦亦多攘奪臣兄
枉橫為賊所傷哀苦之中忍耻尤甚雖久令分捕而竟
未就擒臣之無能於茲可驗偷安重任夫亦胡顏況臣
同氣數人相次淪沒閨門之內哭不絕聲應由臣無德
而祿召此殃覺興言感慕痛骨摧心又臣老母素多羸
瘵近從數載頗益沈綿臣妻先亡無人侍側飲膳衣服
臣悉躬親頃任京兆少尹中間又司帑藏雖稱要劇亦
有餘閒臣每退朝便道暫親方藥自公言歸早見安否

老母以數在左右都忘呻吟及臣典領大府事繁務切
鷄鳴而出暮夜方歸清晝之時莫見親面凡所服餌或
非調適心有未快類表疾亦轉侵在臣焦灼類表啟處
無地專力養則有妨吏職徇公事則闕奉慈顏忠孝兩
虧紀綱將廢以天倫哀緒未平之日憂老母方寸已亂
之時雖欲自強必不勝任倘漸荒府政小紊朝經類表
他日噬臍固將何及或當重責已負前恩是敢泣血祈
天瀝肝請命乞特免臣所職就養私門非惟有光孝理
實亦少裨元化龜蛇賤類上報何階烏鳥微情反哺斯
足無任懇願迫切之至謹詣右銀臺門奉表陳乞以聞
誠惶誠恐頓首頓首

謝勅書兼賜冬衣表

集無見文苑英華五百九十
三卷

臣某言伏奉某月日勅書慰問將士等跪承寵錫仰荷
天慈忭躍周章不知所措臣某中謝陛下體仁恤遠崇
德念功恩浹勳賢禮優方國臣行能無取志畧非長徒
以嘗謬台司遂叨藩守誠寬覆餗之罪更切致寇之憂
豈謂宸睠不遺天波薦及獎飾加於尸素恩意逮於庸
微嶺嶂萬里迴日月之私照偏裨一介沐乾坤之厚施
緇黃載躍班白相歡騰喜氣於城壘舞祥風於旌旆臣
曠官已久無補休明戀闕慈當深又移寒燠累忝逾
涯之賜敢安非據之榮丘山至重灰壤寧報無任感恩
戀主屏營之至

為郭令公請停親征表

代宗

集無見文苑英華

六百十五卷

臣某言經畧副使太子右衽誤諭德傅濤至伏承鑾駕
欲有親征恭聞聖旨載惶載懼臣以薄劣謬總元戎受
命於朝成師以出雖志期靜難而力未推兇邦甸多虞
有貽聖慮遂使六軍雷動七萃天行臣實無能萬死餘
責然臣面辭之日已具奏聞假令寇賊猖獗猶願陛下
務於持重內安宗廟外固人心臣之素懷正在於此縱
微臣智力淺短終無所成陛下仍須別擇英才授之師
律豈有事非至切便欲親戎誠恐上國衣冠自生震恐
遠方士庶更有驚疑以臣觀之竊謂非便兇虜傷沮其
勢式遏集作其天威赫赫所向皆靡陛下責成之日愚
運已窮

臣死難之秋伏望付臣以專征委臣以集事回鑿上國
端拱中朝豈惟微臣受賜抑亦萬方幸甚謹奉表以聞

鹿泉本願寺銅鐘銘

本缺從文粹卷六十七補

八音之列數者金為長金聲之動物者鐘為大相彼創
制本乎無心隨輕重之所考遇洪纖而必應其體妙乎
其幾神乎故帝庭用之以和樂梵宇作之而助道其有
旨哉伊本願道場昔鬼土所卜即輪王建塔之地有隋
氏因而緝焉皇唐統天增壯厥構雖臺殿有赫而鐘簾
未雄曰都維那某等顯允令德鬱為紀綱洞三學之奧
府張二嚴之臣翼以為是聲聞則有以敷眾美不則無
以遍十方乃同寅叶恭唱議改作我心匪石彼應如雲

緇流輔仁而或勤或懋清信委施而爲岡爲陵於是乎
遠貿精金博召良冶鳧氏宰陶人翼鎔範修林樸植火
正叱咤以啟號風師閱怒而陳力巨扇咆哮洪鑪赫曦
燄奪清夜光連紫微旁通竇以決注下潛成於數圍察
夫陰未凝陽爲烈壤爆泉沸氣憤雲洩旣旬而後實旣
堅而後發轉於隧漸於堂混乎其輪圓洞然而博暢仙
獸勒於下驪龍踏於上蓄精誠含寥亮乃神工之旣濟
而寶器之大壯也且夫作有度而體有經侈奄均厚薄
中則不播不石不鬱不柞雖鴻音未揚識者已知其妙
矣故緇衆咸躍善願克充而縣之衣冠里之髦彥聚捨
珍玩翕營層臺峻嶒百常沆瀣一色然後插雲柱倚天

梯駢輓轡縮修索攢勛力以下拔軋豐容而上昇雄以
筍鱗顛以交扛猛以篋權作以離立大器斯屬洪樞乃
鏗威音潼溶而一吼號響岌業乎三界上極有頂下彌
空輪飛行天仙海陸神識莫不警草塵滯褰開冥蒙滌
曠劫之瑕滅長夜之苦使浩福潛潤冥機坐融其諸佛
神通之用乎不然者千鈞之聲一杵之播則曷以臻於
是矣允釐僧務本三勢而克終式過劍輪後四爰而長
擊故初起細而促漸登鏗以舒旣銳而入微又增而復
壯於是壯也乃而畢爲有八字誤若是者何皆皇覺啟導抑
揚之深思也竇欲普其念周乎仁張皇慈音引曳悲韻
使萬物咸若六時登聞不惕不惶以安以樂或謂霆鬪

雷裂山傾河洩靈祇殲走猛毅僵蹙皆恐怖殺傷之事
我大雄氏慈制又悲乎然哉若乃顯顯聖賢翼翼龍象
以之懺薩以之引宣微妙其心精進厥德有秩有叙不
差不忒住持我象教洋溢我元風洞達我幽明清寧我
邦國神之不可以已其在茲乎皇唐十有八年春仲月
八日是鐘也既成卽其秋孟月上弦茲臺也復構他方
聖衆咸飛來而讚揚地中菩薩咸踊出而瞻仰於是陳
巨會以落之張梵樂以考之煌煌乎休哉越寶庭之能
事畢矣而宏範莫紀又八稔於斯河南史凜然文林之
秀也尉於右邑攝茲銅章惠化一清於灌壇希聲重美
於洪噐命我昭述式副羣心之望焉而主簿宏農楊量

新尉楊光朝等竝高幹才敏力懋於道勉奉天秩允恭
仁祠輔營樂石贊就厥美雖默者果得不言乎銘曰靈
鐘上空儀法天體道內虛含至圓雄威蓄毓時乃宣震
擊鏗鏗流大千十萬調御及聖賢應我真聲開梵筵一
切苦輪悲熾然聞我真聲咸息肩虛空有盡福無邊神
用莫大莫與先

招北客文

本缺從文粹卷三十三補

蜀之先曰蠶叢兮縱其目以稱王當周室凌頽兮亂無
紀綱洎乎杜宇從天而降鼈靈沂江而上相禪而帝據
有南國之九世蜀本南夷人也皆左其衽而椎其髻及
通乎秦也始於惠王之代五牛琢而秦女至一蛇死而

力士斃二江雙注羣山四蔽其地卑濕其風脞脆蠻貊
雜處滇楚爲鄰地偏而兩儀不正寒薄而四氣不均花
葉再榮秋冬如春暮夜多雨朝旦多雲陽景罕開陰氣
恒昏以暑以濕爲瘵爲癘氣氾蟄以中人吾知重脰之
疾兮將嬰爾身蜀之不可往北客歸去來兮

其東則有大江澗澗下絕地垠百谷相吞出於荆門突
怒吼劃附於太白渤溘礪礪會於滄溟跳噴浩淼上濺
飛鳥蹙縮盤渦下旋龜鼉三峽兩壁亂峯如戟岵岵屹
崒頊洞劃坼高於天電雲外水積晝日無光其下黑窄
瞿塘無底淺處萬尺啼猿哀哀腸斷過客復有千歲老
蛟能變其身好飲人血化爲婦人銜服靚裝游於水濱

五月之間白帝之下洪濤塞峽不見灩澦翻天蹙地霆
吼雷怒亦有行舟突然而去人未及顧棹未及舉瞥見
陽臺不辨雲雨十里一歇日未移午須臾黑風暴起拔
樹震山石走沙飛波騰浪翻舟子失據摧檣折竿漩入
九泉沒而不還支體糜散蕩入石間水族呀呀拔刺爭
餐蜀之東不可往北客歸去來兮

其西則有高山萬重峻極屬天西有崑崙其峯相連日
月巡環闕於山巔巒崖盤嶽天壁夔絕陽和不入陰氣
固閉千年增冰萬古積雪谿寒地坼谷凍石裂夏月艸
枯冬天水折蒼烟凝兮黑霧結人墮指兮馬傷骨江水
噴激迴盤紆縈棧壁緣雲鈎連相撐繩梁礫虛傍沓沓

冥下不見底空聞波聲過者矍然亡魂喪精復引一索
其名爲笮人懸半空度彼絕壑或如鳥兮或如攫倏往
還來幸不落或有豪猪千羣努鬣射人寒熊孔碩登樹
自擲見人則摩巨麋如牛修角如劍餓虎爭肉吼怒闕
闕復有高崖石兮聲若雷之駟轟土上敲下嗑似火迸
兮滿山流星礮溪忽兮倒流林崖爲之頽傾碎騰狃與
過鳥駭木魅兮山精飛石壓人兮不可行西有犬戎與
此山通形貌類人言語不同羶廬隆穹毳裘蒙茸啜酪
咬肉持鎗挾弓依草及泉務戰與功其聲如犬其聚如
蜂中國之人兮或流落於其中豈只掘鼠茹雪以取活
終當鉞其足而纒其胸泣漢月於西海思故鄉於北風

蜀之西不可往北客歸去來兮

其南則有邛笮之闕天涉險艱少有平地連延長山橫
亘廬江隔闕百蠻吁彼漢原上當漏天靡日不雨四時
霧然其人如魚爰處其泉終年霖霖時復日出狎狎諸
犬向天吠日人皆濕寢偏死腰疾復有陽山之路毒瘴
下凝白日無光其氣溽溽暑雨下濕黃茅上蒸南方之
人兮不敢過豈止走獸踣兮飛鳥墮吾不知造化兮何
知此方些蜀之南不可以往北客歸去來兮

其北則有劍山巉巉天鑿之門二壁豁豁高岍嶙峋山
柱南斗傍鎮於坤下有長道北達於秦秦地神州中有
聖人左右伊臯能致我君雙闕峨峨上覆慶雲千官鏘

鏘朝於紫宸玉樓鳳凰金殿麒麟布德垂澤搜賢修文
皇化欣欣煦然而春蜀之北不可以徃北客歸去來兮

毘陵集補遺終

毘陵集附錄

朝散大夫使持節常州諸軍事守常州刺史賜紫

金魚袋獨孤公神道碑銘

并叙

中書舍人賜紫金魚袋博陵崔祐甫

昔劉向稱賈誼言三代與秦亂之意其論甚美達於國
體雖古之伊呂作英華未能遠過又稱董仲舒有王佐之
材雖伊呂無以加管晏之屬殆不及也於戲二君以偉
才當盛漢之崇而位止於下國二千石祐甫聞於先君
僕射曰主恩非臣下之所圖天命豈生人之所制有唐
碩量深識之士曰獨孤常州諱及字至之河南洛陽人
皇朝左千牛備身元慶之曾孫蔡州長史思暎之孫殿

中侍御史贈祕書監通理之第四子仕而遭時鵠立於
朝建撫東夏三著嘉績嗚呼痛哉奄忽捐館其時也大
歷十二年夏四月二十九日其地也常州之路寢其壽
也五十三年中朝名公素見知者後進之士聞義嚮風
者洎濠舒常三州之百姓莫不填英華膺流皆英華非
不宴不相浹辰彌月厚而惜之者徃徃失聲出涕施若
公有子朗郁等年未齠齷厥兄檢校水部員外郎兼侍
御史記方佐浙河東帥聞喪來奔半旬而至惋毒之甚
如英華情不欲生既受吏人賓客之弔乃忍哀英華謀事
以六月六日引使君之柩去常州歸洛陽其年歲次丁
巳十月朔七日葬我使君於河南府壽安縣某原先祕

監之瑩左英華無以夫人博陵縣君崔氏祔焉禮也水

部曰天之降割英華於我家仲叔季盡矣吾將老矣

吾弟常州之子未立今不刻石表墓則常州之令名何
以傳於後乃託我故人叙而銘之常州稟元和以生幼
有成人之量祕監府君親授以孝經常州一覽成誦祕
監問曰汝志於何句對曰立身行道揚名於後世是志
所尚也自是徧覽五經觀其大義不為章句學成童丁
祕監憂勺飲不入口者累日先夫人同郡長孫氏諭以
不可滅性之義由是微進饘粥杖而後起既免喪加於
人一等鄉族稱其孝焉長孫夫人高行明識訓導甚至
常州漸教成器卓然有立著延陵論君子謂其評議之

精在古人右天寶末年以洞曉元經對策上第詔拜華
陰縣尉著古函谷關仙掌二銘格高理精當代詞人無
不畏服俄屬中原兵亂避地於越丁太夫人憂毀瘠過
禮既外除江淮都統使戶部尚書李峘奏為掌書記授
左金吾衛兵曹參軍軍旅之事非其所好未幾返初服
今上即位下詔收後茂舉滯淹政之大者以公為左拾
遺凡所諫諍直而不訐婉而不撓屬英華無削藁訓英華
作詭詞不傳於外遷太常博士時新平大長公主之子裴
傲尚永清公主初以太子少傅裴遵慶為婚主將行五
禮公實相焉中使口宣詔旨易之大長公主後夫姜慶
初常州曰婚姻之禮王化之階以異姓之人主之不可

甚矣某不奉詔中書令汾陽王時為五禮本誤侯據使
從焉又百官薨卒定諡之際綜覈名實皆居其當與嚴
河南郢酬答呂荊州諲諡議博而正當時躉之遷尚書
吏英華部員外郎受詔考第吏部選人詞翰旌別淑慝
朝野稱正上方大郵黎庶精選牧守以公為濠州刺史
平其盜賊恤其冤弱課績聞上加朝散大夫遷舒州刺
史舒英華有境瀕江傍山羣盜所聚或蟠結林藪或越
趨城市本誤據公惠以柔之武以警之釋矛服未盡
為良俗其他如在濠之政居一年墾書勞問就加尚書
司封郎中錫以金章紫綬屬淮英華南早歉比境之人
流傭英華甚眾公悉英華心以撫舒獨完安天子聞而

休之擢拜常州刺史常州當全吳之中據名城沃土兵
興之後中華翦覆吳中州府此焉稱大故朝之遷牧恒
屬意焉公宣中和平易之教務振人毓德之體百姓蒙
化遷善不知所以安而安之英華無吏不忍欺路不拾
遺餘糧棲畝膏露降庭英華公平生聞人之善必揄敷
之氣盡與之不若身得之後進進有才而業未就者教
誨誘掖之唯日不足公之文章大抵以立憲誠世衰賢
過惡為用故論議最長其或列於碑頌流於詠歌峻如
崧華盛如江河清如秋風過物邈不可逮公有集二十
卷行於代若夫贊堯舜禹湯文武英華無文之命為誥
為典為謨為訓人皆許之而不吾試論道之任英華宜

而不陟前是公之從英華作兄季弟伯姊三年之間繼
歿執天倫之喪如荼如蓼竟以無祿天何不仁然則賈
與董名位不盡其材吾先君之嘆主恩天命斯見矣銘

曰

常州之德英華有孝行為大葉校謂之下脫一字非也按

行字當在孝字上英華蒸蒸翼翼以敬以愛友於兄弟如捧

則與下文皆配矣英華友用之有恒行之可久扶

如戴常州之義篤於朋英華有友用之有恒行之可久扶

危拯溺爾身我手常州之才施於英華有政撫柔三部

以仁為柄龔遂國僑千古迭映常州之文究其英華有

本質取其正英華深艷從其損在星之緯在衣之袞常州

之年止英華有中身去昭昭之盛世與萬鬼而為隣白

馬江上青鳥洛濱鶴鶴在原嗟爾元昆縑衽作英華霑血
長號訴冤纂述遺美謂余不謾我作英華之子將二十
年相投藥石胡夜作英華不痊譬我於池子為之泉譬我
於桐子為之絃榮不獨遂難不隻全如何淑明摧馥碎
堅作英華衣楚挽徘徊墓田望之不見赴之無緣狸首
斑如女手拳拳如天如天涕泣英華作連連斑一作狸首
如天如天如天如天

朝散大夫使持節常州諸軍事守常州刺史賜紫

金魚袋獨孤公行狀此狀原集所無梁肅

仲尼述易道於坤曰君子敬以直內義以方外詩三百
一言以蔽之曰思無邪公天生懿德外方內直氣茂才

全發為時文得大易之中詩人之正邈乎其不可及已
七歲誦孝經先祕書異其聰敏問曰汝志如何句公曰
立身行道揚名之義集作後是所尚也後博究五經舉其
大畧而不為章句學確然有可大之業知者益器之十
五祕書捐館公茹血集作衄在疾踰時而後杖由是鄉黨
稱孝三集作二是十餘以文章遊梁宋間通人潁川陳兼長
樂賈至渤海高適見公皆色授心服約子孫之契天寶
十三年集作載應詔至京師時元宗以道莅天下故黃老
教列於學官公以洞曉元經對策高第解褐拜華陰尉
故集有相房瑄方貳憲部請公相見公因論三代之質
又問集作此六經之指歸王政之根源憲部大駭曰非常

之才也趙郡李華扶風蘇源明竝稱公爲詞宗由是翰
林風動名振天下及函洛寇擾公違難於江南上元初
授左金吾兵曹掌都統江淮節度書記非其好也未幾
徵拜右集作拾遺因上疏陳便宜及方鎮有冒於貨賄
舉直錯枉大者十餘事不行皆焚其藁時大盜之後百
度州創而太常典故尤所壞缺公爲博士祇考古道酌
沿革之中凡有集作損益莫不悉悉集作字當當作事居其當新
平公主之子裴倣尚永清公主公實相禮初以裴僕射
遵慶主婚中詔長主後夫姜慶代焉公奏曰婚姻人道
之大使異姓主之非禮也且無以示天下臣不敢奉詔
上從之又議定諡法公爲作諡者益跡其事業邪正

而衰賤之舉一字可使賢不肖皆勸故其議呂種廬奕
郭知運等諡皆參用典禮約夫子之旨其事覈其文高
學者傳示以爲式時有上議謂景皇帝未升尊位不宜
爲太祖詔下百寮公按禮經以爲王者禘其祖之所自
出而以其祖配之故三代皆以受命始封君配昊天上
帝唯漢氏崛起豐沛豐公太公皆無位無功德不可爲
祖宗故以高帝爲太祖若景帝肇啟王業建封於唐高
祖原誤宗因之遂以爲原脫此字有天下之號天所命
也宜百代不遷因具故事條奏從之於是郊廟之禮遂
定踰月拜公尚書禮部員外郎遷吏部每歲以書判試
多士而朝列有以文學稱者必參校辨論定其甲乙丙

科至是公分其任求爲郡守以行其道除濠州刺史公下車以淮士輕剽承兵革之後率多不法長吏不能制遂先董之以威格之以政然後用愷弟寬厚漸清其俗三年而闔境大穰優詔褒美移拜舒州刺史又以行聞璽書就加朝散大夫檢校司封郎中賜金印紫綬其明年吳楚大旱餓夫聚於荏蒲者十七八唯舒安阜近者悅遠者來犬豕之境草竊不入上聞之詔曰斷獄歲減流庸日歸以人俗之豐給當淮湖之災旱爾守之力也擢拜常州刺史本州都團練使常州爲江左大郡兵食之所資財賦之所出公家之所給歲以萬計公削其煩苛均其衆寡物有制事有倫刑罰罕用頗類自息公又

謂安人之道清而靜之則定爲而察之則擾故寬以居之仁以行之一變而百姓不知其理又一變知其理而不知理之所由比及三年吏不忍欺路不舉遺年穀屢熟一作災害不作甲辰歲冬十月二十日甘露降於庭樹二十七夕乃止嗚呼公庇斯一作人人方仰公彼天不惠降此大厲爲郡之四載大歷十二年四月壬寅晦暴疾薨於位行路慟哭罷市者相弔踰月又吁嗟之聲相聞自寮屬相吏下逮鄉老里尹皆率以備齋祭及葬之日總衰送喪者數千人唯公體黃老之清淨苞大雅之明哲尊賢容衆而交不諂瀆本仁祖義而文以禮樂乃至集乃至集温良能斷應用不滯達識足以表徵厚德足

以載物善而不伐光而不耀內不機巧外無緇磷隕然
中立豁若虛受其長人也先教愛而後法禁不遷怒以
臨下集作故威而不猛不私己以欺人故易而無備其
茂學博文不讀非聖之書非法之言不出諸口非設教
垂訓集作法之事不行於文字而達言發辭若山嶽之峻
極江海之波瀾故天下謂之文伯有集二十卷行於代
若藝文之士遭公發揚集作盛名比肩於朝廷則有故
中書舍人吳郡朱巨川中書舍人渤海高參今尚書左
丞天水趙璟職方員外郎知制誥博陵崔元翰考功員
外郎潁川陳京禮部員外郎北海唐次蘓州刺史高陽
齊抗其章章者也其睦親與善自內姻及朋友所知之

家振窮分災恤孤哀喪頒祿歸贈必加於常人一等故
啓手足之日室無餘財惟四布集作待然後乃歛議者
於是謂公有文子之清子產之仁史魚之直平仲之與
人賈生之行義集作文翁之政事叔子之遺愛而不躋
巖廊不享期頤闕致君論道之美以遺史冊故凡百以
爲痛在昔孔文子以敏而好學爲文公叔發集作恐非以
恤衛國凶飢爲惠矧公功存於人言垂於代有文有質
不忝前烈者與易名之禮請從令集作謹狀

尚書考功伏以褒德尚賢設教之崇軌加諡易名飾終
之令典謹按故朝散大夫使持節常州諸軍事守常州
刺史賜紫金魚袋獨孤某蘊黃裳之服協中庸之德正

詞復禮施化爲邦清風存乎省寺遺愛結於黎庶具美之道何以尚茲窳窳旣安音徽日遠請追公叔之諡式播臧孫之列謹上

唐故常州刺史獨孤及諡議

權德輿

將仕郎守太常博士權德輿議曰獨孤及剛方直清根於性術其修身莅官確乎處中立言遣辭有古風格辯論裁正昭德塞違濬波瀾而去流蕩得菁華而無枝葉其樞衣入室之徒皆足以掌贊書而秉方冊則及之爲文可徵矣其爲博士時有上議景皇帝不宜爲太祖者詔下庶官及舉夏殷周漢之故事尊祖配天之大旨以爲景皇帝始封於唐天所命也於是定議爲一代典法

新平長公主之子裴倣尚永清公主欲以他宗主婚及相禮上陳不可竟得以裴僕射遵慶爲主當時稱之定呂諲盧奕郭知運之諡用禮文憲度得褒貶之正凡所徃復詞旨堅明其理舒州屬歲饑旱鄰郡庸止什四已上而舒人生聚悅安不知凶年優詔褒異就賜金紫其初在濠其後在常皆因俗爲理人用愛戴雖不得居公卿長帥之任然其奉常議論三郡績用亦足以列於文苑附於循吏按諡法曰博文多能曰憲獻一本可替否曰憲及酌三王四代之典訓作爲文章以輔教化是爲博聞位參中外必以稱職聞是爲多能定宗廟之饗爲獻一本可替否作薦可正婚姻之主爲替否有司稽美行而易其名

者請諡及曰憲謹諡

祭獨孤常州文

崔祐甫

維大歷十二年歲次月日外從舅祖朝散大夫權知中書舍人賜紫金魚袋崔祐甫遣表姝前鄧州南陽縣尉李綜以清酌之奠祭於從外孫甥常州獨孤使君至之之靈往矣至之此時何時空原拱木荆榛狐狸林風月露以之增悲子之往也高格遠量秀氣茂姿亡兮何若有兮誰對豈流蘓寓馬從之已而嗚呼哀哉王事適我政事一埤益我在籠而不能求其釋獨有懷君之淚臨秋風而自滴平生相期聊復一叙一以豁胸中之憤氣二以簡明靈而晤語吾與至之思宏道義自家刑國張

維舉墜吾與至之思敦交好平居琢磨遇死赴蹈吾與至之思邁純德言爲士準動有時則吾與至之思全高節風雨如晦嗶嗶不輟吾與至之思闡斯文不俾臯契獨謨華勛吾與至之談空覈元夢蝶喻筏去之蕭然吾與至之期諸晚歲偃卧山樊同披薜荔舉其大較良難名數念我交情千枝萬縷霜風掃葉或散或聚萬化紛然同歸野土向之所務孰云其主嗚呼哀哉爛然澄醑平昔共歡如何此奠取象於觀我思此飫子必吾劇目想道周暫留徒御所可懷者徐生之絮

新唐書本傳

獨孤及字至之河南洛陽人爲兒時讀孝經父試之曰

兒志何語對曰立身行道揚名於後世宗黨奇之天寶
末以道舉高第補華陰尉辟江淮都統李垣府掌書記
代宗以左拾遺召既至上疏陳政曰陛下屢發德音使
左右侍臣得直言極諫壬辰詔書召裴冕等十有三人
集賢殿待制以備詢問此五帝盛德也然頃者陛下雖
容其直而不錄其言所上封皆寢不報有容下之名無
聽諫之實遂使諫者稍稍自鉗口飽食相招爲祿仕此
忠鯁之臣所以竊嘆而臣亦耻之十室之邑必有忠信
况朝廷之大卿大夫之衆陛下選授之精歟假令不能
如文王之多士其中豈不有溫故知新可懋陳政要而
億則屢中者陛下議政之際曾不採其一說堯之疇咨

禹之昌言豈若是邪昔堯設謗木於五達之衢孔子曰
以能問於不能以多問於寡然則多聞闕疑不耻下問
聖人之心也願陛下以堯孔心爲心日降清問其不可
者罷之可者議於朝與執事者共之使知之必言言之
必行行之必公則君臣無私論朝廷無私政陛下以此
辨可否於獻替而建太平之階可也師興不息十年矣
人之生產空於杼軸擁兵者第館巨街陌奴婢厭酒肉
而貧人羸餓就役剝膚及髓長安城中白晝椎剽吏不
敢詰官亂職廢將墮卒暴百揆墮刺如沸粥紛麻民不
敢訴於有司有司不敢聞陛下茹毒飲痛窮而無告今
其心顛顛獨特於麥麥不登則易子斂骨矣陛下不以

此時厲精更始思所以救之之術忍令宗廟有累卵之危萬姓悼心失圖臣實懼焉去年十一月丁巳夜星隕如雨昨清明降霜三月苦熱錯繆顛倒沴莫大焉此下陵上替怨讎之氣取之也天意丁寧謹戒以警陛下宜反躬罪己旁求賢良者而師友之黜貪佞不肖者下哀痛之詔去天下疾苦廢無用之官罷不急之費禁止暴兵節用愛人兢兢乾乾以徼福於上下必能使天感神應反妖災為和氣矣又言減江淮山南諸道兵以贍國用陛下初不以臣言為愚然許即施行及今未有沛然之詔臣竊遲之今天下唯朔方隴西有吐蕃僕固之虞邠涇鳳翔兵足以當之矣自此而往東洎海南至番禺

西盡巴蜀無鼠竊之盜而兵不為解傾天下之貨竭天下之穀以給不用之軍為無端之費臣不知其故假令居安思危以備不虞自可阨害之地俾置屯禦悉休其餘以糧儲扉屢之資充疲人貢賦歲可以減國租半陛下豈遲疑於改作逡巡於舊貫使大議有所壅而率土之患日甚一日是益其弊而厚其疾也夫療癰者必決之使潰今兵之為患猶離也不以漸戢之其害滋大大而圖之必力倍而功寡豈易不俟終日之義邪俄改太常博士或言景皇帝不宜為太祖及據禮條上 呂裡盧奕郭知運等無淳美無隱惡得褒貶之正遷禮部員外郎歷濠舒二州刺史歲饑早鄰郡庸止什四以上舒

人獨安以治課加檢校司封郎中賜金紫徙常州甘露
降其廷卒年五十三諡曰憲及喜鑿拔後進如梁肅高
參崔元翰陳京唐次齊抗皆師事之性孝友其爲文章
明善惡長於論議晚嗜琴有眼疾不肖治欲聽之專也
子朗郁

毘陵集附錄終